



ЧУ ЖУЛИТВ

КО ПРЕСВЯТОЙ
БОГОРОДИЦЕ

ПЕРЕД ЕЕ ЧУДОТВОРНЫМИ
ИКОНАМИ

ИЧЕ ЖОЛНТЪ КО ПРЕСВЯТОЙ БОГОРОДИЦЕ

ПЕРЕД ЕЕ ЧУДОТВОРНЫМИ
ИКОНАМИ

Издание 3-е



МОСКВА

ББК 86.372
УДК 27-282.3
С 81

Рекомендовано к публикации
Издательским Советом
Русской Православной Церкви
№ ИС 10-08-0376

С 81 145 молитв ко Пресвятой Богородице перед Ее
чудотворными иконами. Сост. Т. С. Олейникова.
Изд. 3-е. — М.: ДАРЪ. — 384 с.

ISBN 978-5-485-00349-4

В книге собраны молитвы, произносимые перед самыми почитаемыми чудотворными образами Пресвятой Богородицы. Также приводятся сведения, перед какими иконами Пресвятой Богородицы молятся об избавлении от болезней, скорбей, напастей и вражьих наветов.

ББК 86.372
УДК 27-282.3

ISBN 978-5-485-00349-4

© Олейникова Т.С.
© Издательство «ДАРЪ»

Введение

Пресвятая Богородице, спаси нас!

Преблагословенная Дева Мария, чрез Которую даровано спасение всему миру, Которая, по Промыслу Божиему, послужила тайне воплощения Бога Слова, Матерь Бога нашего Иисуса Христа, является Покровительницей, Заступницей, Помощницей во всех человеческих нуждах. Именно к Ней с молитвой о спасении и защите в самое тяжкое время прибегали и прибегают верующие, и эта вера вселяет надежду на спасение, помогает найти себя в жизни.

Дева Мария — идеал кроткого смирения, Заступница пред Богом-Отцом и Христом. Богоматерь постоянно проявляет беспокойство и заботу о земле русской.

Трогательна любовь русских людей к Пресвятой Богородице, называющих Ее Пресвятой, Всепетой, Богоприятной, Всенепорочной, Пречистой, Преблагословенной Владычицей, Преславной Царицей, Госпожой, Заступницей, Помощницей, Покровительницей, Матерью Бога Всевышнего.

Предызбрание Ее для великой тайны воплощения Сына Божия, чистота и святость жизни, служение домостроительству Божию о спасении людей, предстательство пред Престолом Божиим о всем мире и непрерывный ряд Ее благодеяний — лучи славы, принадлежащей Честнейшей Херувим и Славнейшей Серафим.

Богородица и Приснодева Мария — Избавительница от болей, печали и скорбей; Целительница недугов телесных и душевных; Заступница и Покровительница земли русской, государства русского, Заступница рода христианского; Заступница и скорая Помощница во всех делах и нуждах человеческих, в том числе и семейных.

Она оказывает людям небесное покровительство и помощь, поддерживает и укрепляет дух человека, является символом борьбы русского народа против иноземных захватчиков.



**Икона
Божией Матери
«Аз есмь с вами,
и никтоже на вы»,
именуемая
«Спасительница
России»**

*(16/29 ноября и первая
суббота Рождественского
поста)*

Пред иконой Пресвятой Богородицы «Аз есмь с вами, и никтоже на вы», или «Спасительница России», молятся о сохранении России, о восстановлении и сохранении православных храмов, о заступничестве за род христианский.

**Молитва ко Пресвятой Богородице
пред Ее иконою «Аз есмь с вами,
и никтоже на вы», или
«Спасительница России»**

О, Всеблагая Заступнице рода христианского, Мати Держащего вся десницею Своею Христа Бога нашего! Излей на ны милости и щедроты Его. И да не убоимся и не утрашимся враг видимых и невидимых, яко рекла еси уповающим на Тя «Аз есмь с вами, и никтоже на вы». Сохрани истинную Святую Православную Церковь и обитель нашу от расколов и ересей. И положи начало покаяния народа нашего.

Возврати Святую Русь на дарованный ей Богом путь неповрежденной веры, да наполнится фимиамом молитв и расцветет, аки крин сельный. Да поживем во благочестии и чистоте, всегда храними Тобою от искушения антихристова, нашествия иноплемennых, междоусобныя брани, труса, огня, глада и мора; от напрасныя смерти, пленения и раздоров семейных; монашеское житие укрепи и спаси ны, Пречистая, яко уповаем на Тя по реченному Тобою: «Аз есмь с вами, и никтоже на вы».

Молися о нас, Пресвятая Владычице Богородице, ко Господу Богу нашему, милующему и спасающему, да не лишит ны защиты и Царствия Своего присвоения, иже и Сам рече верным Своим: «Аз есмь с вами, и никтоже на вы». Ему же слава, держава, честь и поклонение, сила и величие подобает Отцу и Сыну и Святому Духу, ныне и присно и во веки веков. Аминь.

Тропарь, глас 4

Владычице Чистая, призри, Богородице, виждь наших язв болезни, и умилосердися, Пречистая, и исцели совестное жжение, Твоею милостию орошаючи, и вопиючи рабом Твоим: Аз есмь с вами, и никтоже на вы.

Кондак, глас 6

Призри на ны, Всепетая Богородице, возсияй просвещение сердцам омраченным и озари стадо Твое, Пречистая елико ко хочещи, и можеши, яко Мати сущи Зиждителя Твоего, и возопий молящим Тя: Аз есмь с вами, и никтоже на вы.

Величание

Величаем Тя, Пресвятая Дево, и чтим образ Твой святой, от него же истекает благодатная помощь всем, с верою притекающим к нему.

Ино Величание

Величаем Тя, Пресвятая Дево, Небесная наша Мати, и чтим образ Твой святой, имже всех притекающих к нему, заступаеши и благодатной силой души наша исполняеши.



Ахтырская икона Божией Матери

(2/15 июля)

Пред иконой Пресвятой Богородицы «Ахтырская» молятся об исцелении от лихорадки и горячки, о благоустройстве детей в обществе, о покровительстве сиротам, в бедности и сиротстве.

Молитва ко Пресвятой Богородице пред Ее иконою «Ахтырская»

О Преблагословенная и Многомилостивая Владычице мира! Се мы, грешнии, на святой образ Твой взирающе и на нем Тя в скорби и сострадании Распятому за нас Христу Спасителю предстоящу видяще, усердно молим Тя, известную о нас к Сыну Твоему Молитвенницу: не остави нас в день испытания и скорби, но во искушениях и напастех, нам бываемых, огради нас всечестным покровом Твоим от враг видимых и невидимых и даждь нам силу, во еже всесовершенную и благую волю Творца и мира Владыки творити. Зриши бо, милостивая Заступнице наша, колико грехом всяческим подвержени есмы: не токмо бо волею согрешаем, но и неволею в многоразличные прегрешения впадаем. Сего ради к Тебе, державней Устроительнице спасения христианскаго, прибегаем и умиленно вопием: ум наш познанием Божественныя истины просвети, сердце наше теплотою христианския любви и спасительных желаний согревай, волю же нашу в нелицемернем заповедей Господних исполнении утверди. Ей, Госпоже Премилостивая, приими с высоты Небесныя к воздыханием и молитве нас, грешных: исцели болезни

недужных, умири сердца озлобленных, даждь терпение страждущим, внуши страх Божий обидающим, укрепи гонимыя за правду, сироты и вдовы защити, подаждь утешение плачущим, испроси прощение кающимся, демонскую же бурю страстей во грешных душах утиши и в сердцах, чтущих Тя, Христову кротость и любовь вкорени и духом милосердия и сострадания сия утверди; отпадшия же от веры еретики и отступники к познанию истины направи и уста нечестивых, хулящих Святую Церковь и веру Православную поносящих, загради. Отшедшим от жития сего отцем, и братьям, и сестрам нашим, о Мати Божия, прощение грехов и предначатие блаженства вечнаго испроси. Егда же и наша кончины час приблизится, тогда убо, о Владычице, приими душу нашу и в сонме праведных сию упокой, идеже лица Ангел и святых угодник немолчно славословят державу и милость Отца и Сына и Святаго Духа и Твое матернее о нас предстательство и заступление, ныне и присно и во веки веков. Аминь.

Тропарь, глас 4

Преблагословенная Дево, Богородительнице Чистая, у Креста Сына Твоего и Бога

нашего предстоящи, скорбь велию претерпела еси и благодать от Него прияла еси сущия в скорбех утешати. Темже на пречистый образ Твой благоговейно взирающе и изображенную Тя на нем пред Крестом Спаса нашего видяще, умиленно к Тебе вопием: Заступнице усердная, благая и милостивая! Ускори избавити ны от всякия скорби, нужды и болезни и спаси души наша, да Тя со благодарением славим во веки.

Кондак, глас 8

Притецем, вернии, к благодатному милостей и щедрот источнику — чудотворному Пречистыя Девы образу: сей бо нам свыше даровася, душам и телесем во спасение, емуже покланяющеся с любовию, возопием к Богородице: о Всепетая Мати, о Царице Всемиловитая, покрый и соблюди нас от всякаго зла Твоим к Богу матерним предстательством.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Балыкинская икона Божией Матери

(30 июня/13 июля)

Пред иконой Пресвятой Богородицы «Балыкинская» молятся об исцелении от беснования, болезней глаз и слепоты, об избавлении от моровых поветрий и нашествия иноплемennых.

Молитва ко Пресвятой Богородице пред Ее иконою «Балыкинская»

Некогда от шведов град Твой защитившая, о, Мати Божия, милосердие нам явила еси, праведный гнев и прещение Божие от земли Российския отворотивши, и тако во области северстей Твоего всечестнаго лика прославила еси, видимыя слезы о прадедах наших, от супостат воюемых, изливающие. Также здравие слепым и бесным от сея иконы многожды подавала еси, и предстательством Твоим мор на человеки бывший и язю на скоты пришедшую прекратила еси. Ты и ныне струи милосердия всем с несумненною верою во Твою всеильную помощь прибегающим изливаеши. Вонми убо молению нашему, и путь нашего земнаго скитания управи, в жизнь вечную сей приводящи. Темже и люди церковныя от сетей лжепророков и лжеучителей, вземлющихся

на разум Божий, сохрани, и всем нам чистоту помышлений подаждь, Аще бо слезы и моления наша не довлеют прегрешений наших очистити, но к сим да приложится Твое всесильное предстательство, на неже уповающе, воспеваем Отца и Сына и Святаго Духа, ныне и присно и во веки веков. Аминь.

Тропарь, глас 4

Заступнице земли Российския от нашествия Свейскаго и непрестанная за нас Молитвеннице, мир земли и душам нашим у Господа испроси, да святится в нас Имя Божие во веки.

Величание

Величаем Тя, Пресвятая Дево, Мати Христа Бога нашего, и чтим образ Твой святыи, от негоже источаеши исцеления всем, с верою к Тебе притекающим.



Барская икона Божией Матери

(1/14 октября)

Пред иконой Пресвятой Богородицы «Барская» молятся при бедах, невзгодах, гонениях на христианство, а также о возвращении пленных.

Молитва ко Пресвятой Богородице пред Ее иконою «Барская»

Приидите, людие российстии, преславно и православно ублажим Преблагословенную и Пречистую Марию Деву, в Баре граде благодать Свою издревле выну явившую, православныя люди Подольския земли от агарян и сарацын свободившую, Православную веру в пленении латинством сохранившую. К кому убо прибегнем, аще не к Тебе, Владычице? Кому принесем слезы и воздыхания, аще не к Тебе, Пресвятая Богородице? Не имамы бо иныя помощи, не имамы иныя надежды, разве Тебе, Небесная Царице, Дево Пречистая, лестнице к небеси, святое вместилище Слова Божия, прибежище верным и избавление, достоянию Твоему помощь и защищение, скорбящим подательнице вечнаго радения, иноков богомудрых возведение к горнему Царствию. Ты бо, яко имущая державу непобедимую, злую дерзость латинскую отмстила еси, иезуитское и униатское неправоверие в веру Православную обратила еси, верую имя Твое всехвальное призвавших отцев наших спасла еси и покрыла их святым омофором. Не отврати и ныне рабы Твоя тщи, Тя бо едину надежду имамы; избави люди Твоя присно и град, и обитель, юже избрала еси Себе местом проявления

благодати Твоея, и Подольскую землю и вся православныя христианы от неверия, развращения и погибели вечныя, и от всякаго лютаго обстояния, и наветов врагов Церкви Твоея православныя, и до ныне тайно и неустанно сеющих скверныя плевелы на доброй, от века православной ниве Подольской; аще бо не Ты предсто-
яла молящи, кто бы избавил веру отцев наших от толиких бед, кто бы и нас сохранил до ныне свободны? Мы же преблагому Твоему заступлению о нас радующе-
ся, благодарственно да восписуем Ти и да зовем Ти: радуйся, Невесто Неневестная.



Белыничская икона Божией Матери

(12/25 апреля)

Пред иконой Пресвятой Богородицы «Белыничская» молятся об облегчении и исцелении своих недугов и об утешении в скорби.

Молитва ко Пресвятой Богородице пред Ее иконою «Белыничская»

О Всемиловитая Госпоже Царице Богородице, от всех родов избранная и всемирныя земными и небесными ублажаемая!

Припадаем, покланяемся Тебе и смиренно молим Тя: воззри милостиво на предстоящая пред святым образом Твоим чудотворным, и приими молитвы, со слезами Тебе приносимыя от нас, недостойных рабов Твоих, и к Твоему образу пение возсылаемое со умилением, яко Тебе Самой ту сущей, послушающей и подающей с верою просящим по коемуждо прошению исполнение. Ты, именуемая Всех скорбящих Радость, услыши нас, скорбных. Ты, называемая Утоли моя печали, утоли нашу печаль. Ты, купино неопалимая, сохрани мир и всех нас от вредоносных огненных стрел врага. Ты, взыскание погибших, не попусти нам погибнути в бездне грехов наших. Ты, Одигитрие, укажи нам правый путь ко спасению. Ты, неувядаемый цвете чистоты, даждь нам помощь, немощным плотскою страстию, и уцеломудри нас. Ты, боголюбивая скоропослушнице, услыши в час сей молитву нашу. Ты, Заступнице усердная, Мати Господа Вышняго, Ты, наша Мати и надеждо, облегчи скорбь нашу, немощным здравие даруй, расслабленных и недужных исцели и от одра болезни возстави. От бесных бесы отгони, обидимых от бед избави, вдов защити, грешныя прости, прокаженные очисти, слепым зрение даруй, старость поддержи, юныя настави,

малыя дети помилуй, неплодны от неплодства разреши, в семействах мир утверди, путешествующим спутешествуй, православным христианам на враги победу и одоление даруй, ереси и расколы изкорени, отпадшия от благочестивыя веры на путь правый обрати, страну нашу миром огради, земли плодородие даруй, всех же нас от внезапныя смерти сохрани и всякия многоразличныя страсти уврачуй, вся бо возможеши ходатайством к Сыну Твоему Христу Богу нашему.

О Всепетая Мати, Пресвятая Дево Богородице, не престани молитися о нас, недостойных, к пречистому образу Твоему со умилением припадающих и со страхом и любовью на сей взирающих, яко живеи Ти сущей. Услыши нас, Владычице, на Тя по Бозе едину надежду имущих. Прежде отшедшия отцы и матери, братию и сестры наша упокой в селениях святых, в месте светле, в месте злачне, в месте покойне, идеже несть печаль и воздыхание. Егда же приспее и наше от жития сего отшествие и к вечней жизни преселение, предстани нам, Преблагословенная Надеждо наша, даруй нам христианскую кончину живота нашего, безболезненну, непостыдну, мирну и Святых Таин причастну, да в будущем веце сподобимся вси купно со

всеми святыми безконечныя блаженныя жизни во Царствии возлюбленнаго Сына Твоего Иисуса Христа, Ему же подобает всякая слава, честь и поклонение со Безначальным Его Отцем и Пресвятым, и Благим, и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Беседная икона Божией Матери

(14/27 августа)

Пред иконою Пресвятой Богородицы «Беседная» молятся об успехах в строительстве, о строительстве вообще, о восстановлении и сохранении православных храмов и обителей.

Молитва ко Пресвятой Богородице пред Ее иконою «Беседная»

О Пресвятая Владычице Богородице, небесе и земли Царице! Призри на ны, грешныя и недостойныя рабы Твоя, и умоли Сына Твоего, Христа Бога нашего, да

оградит ны свыше силою Своею, еже навсегда сохраненным быти от всех искушений вражиих и прелестей бесовских. Ты, о Всемиловитая Госпоже Дево Богородице, якоже иногда всю Российскую страну удивила еси преславным по воздуху пречестныя Твоя со предвечным Младенцем иконы хождением, и святым тоя посещением града Тихвина, место же сие пустынно сущее истинным самосошествием и пречудным Твоим со святителем Николаем явлением возвеличила еси, тако и ныне, о Всеблагая Мати Бога Вышняго, сподобивши ны невидимыя Твоя благодати ко приятию, покрый ны всеблагим Твоим покровом. И якоже древле в богоизбранном пустыни сея месте богоугоднаго и благоговейнаго мужа божественный знак неизреченнаго сияния Твоего видети удостоивши, милостиво к тому возглагола еси, тако и ныне благосердыма очима Твоима, о Всепетая Богомати, со обычною Ти любовию воззриши на ны и на всех усердно молящихся и умильно просящих Твоя всеильныя помощи и заступления, буди всеблагая спасения душ и телес наших Ходатаица пред престолом Сына Твоего и Бога нашего. Спаси убо, о Пресвятая Дево Богородительнице, обитель сию и весь род христианский, и вся с верою приходящия и преклоняющияся пречестному Кресту

чудотворному, егоже вещество Сама освятила еси, и пречистей иконе явления Твоего, славящая же Пречистую Троицу, Отца и Сына и Святаго Духа, и Твое милостивное со святым Николаем предстательство, ныне и присно и во веки веков. Аминь.



Икона Божией Матери «Благовещение»

(25 марта/7 апреля)

Пред иконой Пресвятой Богородицы «Благовещение» молятся о получении облегчения и исцеления своих недугов и об освобождении из заточения.

Молитва ко Пресвятой Богородице пред Ее иконою «Благовещение»

Приими, Всеблагомощная, Пречистая Госпоже Владычице Богородительнице, сия честныя дары, Тебе единой прикладныя от нас, недостойных рабов Твоих, от всех родов избранная, всех тварей небесных и земных вышшая являющаяся. Понеже бо Тебе ради бысть Господь сил с нами, и Тобою Сына Божия познахом, и сподобихомся Святаго Тела Его и Пречистыя Крове Его. Темже блаженна еси в родех

родов, Богоблаженная, Херувимов светлейши и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и от всякаго обстояния, и сохранитися нам неврежденным от всякаго ядовитаго прилога диявольскаго. Но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице Единому Богу и всех Создателю возсылаем, ныне и присно и во веки веков. Аминь.

Тропарь, глас 4

Днесь спасения нашего главизна и еже от века таинства явление: Сын Божий Сын Девы бывает, и Гавриил благодать благовествует. Темже и мы с ним Богородице возопиим: радуйся, Благодатная, Господь с Тобою.

Кондак, глас 8

Взбранной Воеводе победительная, яко избавльшися от злых, благодарственная восписуем Ти раби Твои, Богородице, но, яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Величание

Архангельский глас вопием Ти, Чистая: радуйся, Благодатная, Господь с Тобою.



Икона Божией Матери «Благовещение» Устюжская

(8/21 июля)

Пред иконой Пресвятой Богородицы «Благовещение» Устюжская молятся о получении исцеления от всякого рода недугов.

Молитва ко Пресвятой Богородице пред Ее иконою «Благовещение» Устюжская

Приими, Всеблагоспособная, Пречистая Госпоже, Владычице Богородительнице, сия честныя дары, Тебе единой прикладныя, от нас, недостойных рабов Твоих, от всех родов избранная, всех тварей небесных и земных вышшая являющаяся. Понеже бо Тебе ради бысть Господь сил с нами, и Тобою Сына Божия познахом, и сподобихомся Святаго Тела Его и Пречистыя Крове Его. Темже блаженна еси в родех родов, Богоблаженная, Херувимов светлейши

и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и от всякаго обстояния, и сохранитися нам неврежденным от всякаго ядовитаго прилога диавольскаго. Но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице Единому Богу и всех Создателю возсылаем, ныне и присно и во веки веков. Аминь.

Тропарь, глас 4

Всепетая и Всеславная Царице Богородице, Мати всея твари Содетеля, христианская Надеждо и Заступнице, печальным утешение, ненадеющимся и отчаявшимся скорое надеяние, молим Тя: милостива буди нам, грешным, не остави раб Твоих и не отрини моления недостойных. Молимтися, взирающе ко образу Твоему честному святыя и чудотворныя иконы Твоея и вопиюще с плавающими и путь шествующими, да пребудет милость Твоя. О Владычице, ризою честною защити, и во всяцех местех злых соблюди, и молися к рождшемуся из Тебе Христу Богу нашему, да спасет от грех души наша.



Икона Божией Матери «Благодатное Небо»

*(6/19 марта
и в Неделю Всех Святых)*

Пред иконой Пресвятой Богородицы «Благодатное Небо» молятся о наставлении на путь, ведущий ко спасению и наследию Царствия Небесного, а также об исцелении различных душевных и телесных недугов, о благополучном путешествии на воздушном транспорте, от ересей и расколов, о наставлении в Православной вере.

Молитва ко Пресвятой Богородице пред Ее иконою «Благодатное Небо»

Что Тя наречем, о Благодатная Богомати Богоотроковице, Пренепорочная Марие? Киими песнопении возвеличим Тя, возвеличенную Небом и землею, Ангелами и человеки? Явися бо на Тебе неслышанное от века на земли и несведомое Ангелами на Небеси таинство, паче ума и слова, вочеловечения Бога Слова, рожденнаго съискони от Безначальнаго Отца без матери и воплощеннаго в Твоей утробе и с нетленною печатью девства Твоего родившагося. О, чудо

всех древних и новых чудес! Непреложное слово Самого Бога о победоносном семени жены и исполнился и совершился в Безмужней Деве. О, неизмеримая глубина премудрости и величия Божия! Киими имени наречем Тя, о Невесто Неневестная? Зарею ли наречем Тя восходящего на небе солнца? Но Ты — самое Небо, из Тебе бо возсия Солнце Правды — Христос Бог наш, Спаситель грешных. Именуем ли Тя вратами, вводящими в потерянный прародителями рай, обиловавший всеми благами? Но Ты Сама еси благодатный рай, произрастившая Цвет нетления, врачующий и отгоняющий смердение греха и зловоние прародительского тления. Наречем ли ты юною Непорочною Девкою, не познавшей брака? Но Ты и до старости пребыла Неискусобрачною и девственною до рождения, и в рождении, и по рождении Сына пребыла еси. Наименуем ли Тя Чистою и Святою Мариєю, превозшедшею Своею чистотою всех матерей и праматерей? Но Ты не токмо родила Того Младенца Христа, но и носила Его при Своих персех и питала Твоим матеродевственным млеком, Того, Иже питает всякое создание, Ему же со страхом и трепетом предстоят Небесные силы и Его же хвалит всякое дыхание и тварь. О, воистину Ты дивная еси в женах,

чудная в девах, неподражаемая в матерех!
К Тебе пред Твоим Божественным лицом припадаем и пред Твоими святыми стопами повергаем и слагаем все наши мысли, желания, намерения и чувства. Освяти их Твоим Богоматерним призрением и вознеси их, яко жертву нашего смиренного сердца, яко малоценную лепту нашей духовной нищеты, к Престолу Сына Твоего, Спасителя нашего, да ими же вестъ судьбами управит наш путь ко спасению и наследию Царствия Его, не имущаго конца во веки веков. Аминь.

Тропарь, глас 6

Что Тя наречем, о Благодатная? Небо? — яко возсияла еси Солнце Правды; рай? — яко прозябла еси Цвет нетления; Деву? — яко пребыла еси нетленна; Чистую Матерь? — яко имела еси на святых Твоих объятиях Сына, всех Бога. Того моли спастися душам нашим.

Кондак, глас тойже

Не имамы иныя помощи, не имамы иныя надежды, разве Тебе, Владычице, Ты нам помози, на Тебе надеемся и Тобою хвалимся, Твои бо есмы раби, да не постыдимся.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Благоуханный Цвет»

(15/28 ноября)

Пред иконой Пресвятой Богородицы «Благоуханный Цвет» молятся о чистоте помыслов, о сохранении чистой и праведной жизни, о разрешении семейных проблем, при различных жизненных невзгодах, телесных и душевных болезнях и при потере цели в жизни.

Молитва ко Пресвятой Богородице пред Ее иконою «Благоуханный Цвет»

К кому возопию, Владычице? К кому прибегну в горести моей, аще не к Тебе, Госпоже Богородице, Царице Небесная? Кто плач мой и воздыхание мое примет, аще не Ты, о Пренепорочная, надеждо христиан и прибежище грешным? Приклони, о Пречистая Владычице, уши Твоя к молению моему. Мати Бога моего, не презри мене требующа Твоея помо-

щи, услыши стенание мое, и воплю сердца моего вонми, о Госпоже Царице Богородице! И подаждь ми радость душевную, и подкрепи мя нетерпеливаго, унылаго и нерадиваго ко Твоему хвалению. Вразуми и научи мя, како Тебе молиться подобает, и не отступи от мене, Мати Бога моего, за роптание и нетерпение мое, но буди ми покров и заступление в жизни моей, и приведи мя к тихому пристанищу блаженного онаго покоя, и сопричти мя к лику избраннаго Твоего стада, и тамо удостой мя воспевати и славить Тя во веки веков. Аминь.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери, именуемая «Боголюбская» («Боголюбивая»)

(18 июня/1 июля)

Пред иконой Пресвятой Богородицы «Боголюбская» молятся об избавлении от эпидемии и чумы, от моровых поветрий, холеры.

**Молитва ко Пресвятой Богородице
пред Ее иконою «Боголюбская»
(«Боголюбивая»)**

О Пречистая Госпоже Богородице, Мати Боголюбивая, надеждо нашего спасения! Воззри милостивно на предстоящих с верою и любовью и поклоняющихся пречистому образу Твоему прими наше хвалебное пение сие и пролей теплую Твою молитву о нас, грешных, ко Господу, да, презрев вся наша согрешения, спасет и помилует нас. О Предивная Владычице! покажи на нас чудныя милости Твоя: избави нас от всякия скорби, настави на путь всякия благодетели и благостыни, спаси от искушений, бед и болезней, изми от нас оклеветаний и ссоры, сохрани от молниеноснаго грома, от запаления огненнаго, от глада, труса, потопа и смертоносныя язвы, подай нам Свою милостивую помощь на пути, в мори и на суше, да не погибнем люте. О Всемиловитая Боголюбивая Мати, с твердым упованием возсылаем к Тебе нашу убогую молитву! Не отрини наших слез и воздыханий, не забуди нас во вся дни живота нашего, но всегда пребывай с нами и Твоим заступлением и ходатайством у Господа подаждь нам отраду, утешение, защиту и помощь, да выну славим и величаем преблагословенное и всепетое имя Твое. Аминь.

Тропарь, глас 1

Боголюбивая Царице, Неискусомужная Дево, Богородице Марие, моли за ны Тебе Возлюбившаго и Рождшагося от Тебе Сына Твоего, Христа Бога нашего, подати нам оставление прегрешений, мiрови мир, земли плодов изобилие, пастырем святыню и всему чeловечу роду спасение. Грады наша и страны Российския от нахождения иноплемeнных заступи и от междоусобных брани сохрани. О Мати Боголюбивая Дево! О Царице Всепетая! Ризою Своею покрый нас от всякаго зла, от видимых и невидимых враг защити и спаси души наша.

Кондак, глас 3

Дева днесь предстоит Сыну, руце Свои к Нему простирающи, святыи князь Андрей радуется, и с ним Российская страна торжествует, нас бо ради молит Богородица Превечнаго Бога.

Величание

Величаем Тя, Пресвятая Дево, и чтим образ Твой святыи, егoже благоверный князь Андрей даде нам на враги в победу и всем верным во спасение.



Икона Божией Матери «Валаамская»

*(1-е воскресенье
после дня памяти святых
первоверховных апостолов
Петра и Павла)*

*Пред иконой Пресвятой Богородицы «Валаамская» молятся
об утверждении в вере и любви.*

Молитва ко Пресвятой Богородице пред Ее иконою «Валаамская»

О Чудная и вышшая всех тварей Царице Богородице, Небеснаго Царя Христа Бога нашего Мати! Услыши ны грешныя и недостойныя рабы Твоя, в час сей молящияся и припадающия к Тебе со воздыханием и слезами и умильно глаголющия: изведи нас от рова страстей, Владычице, избави нас от всякия скорби и печали, огради от всякия напасти и злых клевет и от неправеднаго и лютаго навета вражия. Можеши бо, о Благодатная Мати Божия, не точию от всякаго зла сохранить люди Твоя, но и всяким благодеянием снабдити их и спасти, разве Тебе иныя Предстательницы в бедах и обстояниях и теплыя Ходатаицы о нас грешных не имамы к Сыну Твоему, Христу Богу нашему. Егоже умоли, Владычице, да, спасении Тобою, славим в будущем веце

всесвятое имя Сына Твоего и Бога нашего, купно со Отцем и Святым Духом, ныне и в безконечныя веки. Аминь.

Тропарь, глас 4

Богородице Дево, на Твою икону пресветлую взирающе, радуемся, пред нею бо на острове Валааме мольбы усердно молящихся исполняются; услыши, Пречистая, и нас молящих Ти ся, утверди нас в вере и любви, и испроси миру мир и душам нашим велию милость.

Величание

Величаем Тя, Пресвятая Дево, и чтим образ Твой святой, от него же истекает благодатная помощь всем, с верою притекающим к нему.



«Введение во храм Пресвятой Богородицы»

(21 ноября/4 декабря)

Пред иконой «Введение во храм Пресвятой Богородицы» молятся об исцелении от различных недугов.

Молитва пред иконою «Введения во храм Пресвятой Богородицы»

К кому возопию, Владычице, к кому прибегну в горести моей, аще не к Тебе, Царице

Небесная? Кто плач мой услышит и воздыхание примет, аще не Ты, Пренепорочная, надеждо христиан и прибежище нам, грешным? Кто паче Тебе в несчастиях защитит? Услыши стенание мое и приклони ухо Твое ко мне, Владычице и Мати Бога моего! Не презри ищущаго Твоея помощи и не отрини мене грешнаго, Царице Небесная! Научи мене исполняти волю Сына Твоего и даруй желание всегда следовати Его святым заповедям. За мой ропот в болезнях, трудах и несчастиях не отступи от мене, но пребуди Материю и Покровительницею мене малодушнаго, Царице моя преблагая, Заступнице усердная! Твоим ходатайством прегрешения моя покрый, от видимых и невидимых врагов защити, сердца враждующих против мене смягчи и Христовою любовию согрей их. Мне же немощному даруй Твою всеильную помощь победити моя греховныя привычки, дабы, очищенный покаянием и последующею добродетельною жизнью, в общении со святой Церковию провел остальные дни земнаго странствия. Предстани мне, надеждо всех христиан, в час кончины моя и подкрепи мою веру в смертный тяжкий час. Вознеси за мене, многопрегрешающаго в жизни сей, Твоя всеильныя молитвы по отшествии моем, да оправдает мене Господь и соделает причастником Его безконечных радостей. Аминь.

Тропарь, глас 4

Днесь благоволения Божия преображение и человеков спасения проповедание в храме Божии ясно Дева является и Христа всем предвозвещает. Той и мы велегласно возопиим: радуйся, смотрения Зиждителява исполнение.

Кондак, глас 4

Пречистый храм Спасов, многоценный чертог и Дева, священное сокровище славы Божия, днесь вводится в дом Господень, благодать совводящи, яже в Дусе Божественном, Юже воспевают Ангели Божии: Сия есть селение Небесное.

Величание

Величаем Тя, Пресвятая Дево, Богоизбранная Отроковице, и чтим еже в храм Господень вхождение Твое.



Икона Божией Матери «Великая Панагия Оранская»

(27 ноября/10 декабря)

Пред иконой Пресвятой Богородицы «Великая Панагия Оранская» молятся об исцелении телесных и душевных болезней и страстей, об избавлении от душевных страданий.

**Молитва ко Пресвятой Богородице
пред Ее иконою «Великая
Панагия Оранская»**

Приими, Всеблагомощная, Пречистая Госпоже, Владычице Богородительнице, сия честныя дары, Тебе единой прикладныя, от нас недостойных рабов Твоих, от всех родов избранная, всех тварей небесных и земных вышшая являющаяся. Понеже бо Тебе ради бысть Господь сил с нами, и Тобою Сына Божия познахом, и сподобихомся Святаго Тела Его и Пречистыя Крове Его. Темже блаженна еси в родех родов, Богоблаженная, Херувимов светлейши и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и от всякаго обстояния, и сохранитися нам неврежденным от всякаго ядовитаго прилога диавольскаго. Но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице Единому Богу и всех Создателю возсылаем, ныне и присно и во веки веков. Аминь.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Вертоград заключенный»

(14/27 марта)

Пред иконой Пресвятой Богородицы «Вертоград заключенный» молятся за близких умерших, о душевном умиротворении после невзгод.

Молитва ко Пресвятой Богородице пред Ее иконою «Вертоград заключенный»

Нескверная, Неблазная, Нетленная, Пречистая Богородице, Пренепорочная Владычице, Небесная Царице, Мати Царя вышних сил, Творца небесе и земли, едина радости Ходатаице всему миру, рождающая Господа нашего Иисуса Христа, земным всем Спасителя! Вопию Ти припадая: прими молебное сие пение благодарственное от недостойнаго раба Твоего и от скверных устен моих, не презри мене, Всегосподованная Царице. Ибо никтоже прететекаяй к Тебе посрамлен бысть, или кто призываяй Тя не услышан от Тебе изыде; яко вся стихии, небо и земля, воздух и море повинуются Тебе, и вси противни дуси страхом обдержими трепещут, боящися имене святаго Твоего, ведуще Тя Матерь

Божию. Кто паки надежду возложивый на Тя погибе? Точию отметающися покланятися образу Твоему написанному, егоже вся силы небесныя чтут, вся же колена земная, христианский род и всяк возраст верных, славословяще покланяемся, Пречистая, благоговейно почитающе. Не имамы бо инаго Бога, разве Сына Твоего, со Отцем присно и Духом Святым, во Единем Божестве, от всея твари славимаго и покланяемаго, и Тебе по Господе Бозе Госпожу Богородицу исповедуем, истиннаго Бога нашего Матерь, и любезно вси почитаем, Госпоже. Милостива убо нам Сына Твоего сотвори, паче же покажи на мне обычное Твое милосердие, можеша бо, елика хочеша: умоли о мне, яко удалихся от Него за безчисленная и скверная беззакония моя, и толико прогневах благосердие Его, и огорчих человеколюбную Его благодать и многое милосердие и милость, яко несмь достоин от Него помилован быти, аще не Ты умилиши Его о мне, Госпоже Царице и Богомати, яко вся Тебе от Него возможна суть. Сего ради к Тебе прибегаю, теплей Помощнице и скорей Заступнице, не имам бо иныя разве Тебе к Нему Ходатаицы. Ей, Царице, моя Владычице, Пречистая Госпоже Богородице, несть ми инаго высочайшаго на земли и на небеси, якоже Ты по Господе

Бозе моем Иисусе Христе, и на Тя всю мою надежду имам, Пречистая Дево. Темже на Твой пресвятыи образ взирая, яко истинную Самую Тя зрю Богородицу, верую сердечною и любовию от души припадая, покланяюся Тебе с Превечным на руку Твоею держимым Младенцем, Господем нашим Иисус Христом, боголепно почитая, и молебная пения и молитвы принося Ти, ужасаюся, и трепещу за недостойнство мое, и вопию Ти: помилуй мя, Мати Божия, и покажи на мне убозем древния милости Твоя. Якоже иногда древле всеильным Твоим воеводством спасла еси царствующий град Твой от скифскаго воеводы зверообразнаго, лукаваго вепря, предстателя бесов, онаго прегордаго кагана*, и разсвирепеющим морем тьмочисленная воинства потопила еси, вопиющая и нападающая на град Твой; и паки, с небесе одождием горящих камык, тьмы кораблей в мори бреющем развари еси; и ныне, едина Богомати, едина Ты таяжде сущи, яви на мне человеколюбное Твое заступление. Победи невидимыя полки сатанины, душевный мой град распленившия, и царствующую душу мою в нем стрелою беззакония уязвившия, и всего мя мечми злободѣянія изсекшия, и греховным копием прободшия; ибо еле жива

* Каган — наименование хазарскаго князя (от хазар).

оставиша, и в рове греховнем затвориша
мя нечувствия, и окаменение сердечное
наложиша ми, яко едва ощущаюся, не
могий от порабощения тех свободитися.
Но к Тебе Матери Господа моего рыда-
нием слез зову: предстани ми в помощь
скоро, да не до конца погибну, исхити
мя из руки тех, и извлецы мя из гре-
ховнаго рова, возстави паки душевный
мой град, и ума владыку в нем воцари,
и над всеми чувства укрепи, неприступна
и страшна врагом покажи; да вси уведят,
яко Тобою содержимъ есмь. Спасаящи
спаси, Владычице Дево, душу мою, якоже
Твой град иногда, на Тя уповающий, спас-
ла еси, на славу и заступление верным, на
посрамление же нечестивым, и во веки на
безконечное их мучение, на величие же
и похвалу от рода в роды правоверному
христианскому роду. Темже Твою помощь
проповедую велегласно, и онаго Твоего ве-
ликаго заступления страшное воеводство
вспоминая, Тебе Взбранной Воеводе побе-
дительная восписую раб Твой, Богородице,
и молебное сие акафистово приношу бла-
годарение: прими е, и принеси Твоему
Сыну и Богу, и о мне, Царице, с небесными
вои и с лики святых всех, Ему предложи.
В день же судный не забуди мене, и недо-
стойнаго моего моления, и веры моя, яже
к Тебе, и все упование мое возложенное на

Тя вспомяни. Утеши оскорбленного мене, и телесное облегчи озлобление, душевныя же болезни и страсти телесныя прежде всех потреби Твоим невидимым представительством и ходатайством. Да путь мало-временнаго сего жития добре и непреткновенно возмогу прейти, и вечная оная благая получу, и славословлю Твое твердое заступление, яко багословена еси, с рождшимся от Тебе Сыном и Богом, ныне и в безконечныя веки. Аминь.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона
Божией Матери
«Взыскание
погибших», или
«Избавление от
бед страждущих»

(5/18 февраля)

Пред иконой Пресвятой Богородицы «Взыскание погибших» молятся о благословении брака; к ней приходят с мольбой об освобождении от пороков, притекают матери с ходатайством

о погибающих детях, о здравии и благополучии детей, об исцелении болезней глаз и слепоты, от зубной боли, от лихорадки, от недуга пьянства, при головной боли, о вразумлении отпавших от веры Православной и о возвращении заблудших в Церковь.

**Молитва ко Пресвятой Богородице пред
Ее иконою «Взыскание погибших»,
или «Избавление от бед
страждущих»**

О, Пресвятая и Препоблагословенная Дево, Владычице Богородице! Призри милостивым Твоим оком на нас, предстоящих пред святою иконою Твоею и со умилением молящихся Тебе, воздвигни нас из глубины греховная, просвети ум наш, омраченный страстями, и уврачуй язвы душ и телес наших. Не имамы иныя помощи, не имамы иныя надежды, разве Тебе, Владычице, Ты веси вся немощи и согрешения наша, к Тебе прибегаем и вопием: не остави нас Твоею Небесною помощию, но предстани нам присно и Твоим неизреченным милосердием и щедротами спаси и помилуй нас, погибающих. Даруй нам исправление греховная жизни нашея и избави нас от скорбей, бед и болезней, от напрасныя смерти, ада и вечныя муки. Ты бо, Царице и Владычице, скорая Помощница и Заступница всем, прибегающим к Тебе, и крепкое прибежище

грешников кающихся. Подаждь убо нам, Преблагая и Всенепорочная Дево, христианский конец живота нашего, мирен и непостыден, и сподоби нас Твоим ходатайством вселиться в обителях Небесных, идеже непрестанный глас празднующих радостию славит Пресвятую Троицу, Отца и Сына и Святаго Духа, ныне и присно и во веки веков. Аминь.

Тропарь, глас 4

Взыщи нас погибающих, Пресвятая Дево, не по грехом бо нашим наказуеши нас, но по человеколюбию милуеши, избави нас от ада, болезни и нужды и спаси нас.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Виленская» («Одигитрия»)

(14/27 апреля)

Пред иконой Пресвятой Богородицы «Виленскою» молятся об облегчении и исцелении своих недугов.

Молитва ко Пресвятой Богородице пред Ее иконою «Виленская» («Одигитрия»),

*чтомая в Виленском Свято-Троицком
монастыре*

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, Надеждо христиан и прибежище нам грешным? Кто паче Тебе в напастех защитит? Услыши убо стенание мое, и преклони ухо Твое ко мне, Владычице Мати Бога моего, и не презри мене требующаго Твоея помощи, и не отрини мене грешнаго. Вразуми и научи мя, Царице Небесная, не отступи от мене раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни,

да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемъ? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болезнующему сердцем, едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о Пренепорочная и Преславная Божия Мати Марие. Темже со упованием глаголю и вопию: радуйся, Благодатная; радуйся, Обрадованная; радуйся, Преблагословенная; Господь с Тобою.

Тропарь, глас 4

Заступнице верных Преблагая и Скорая, Пречистая Богородице Дево! Молим Тя пред святым и чудотворным образом

Твоим, да якоже древле от него заступление
Твое граду Москве даровала еси, тако и ны-
не нас от всяких бед и напастей милостивно
избави и спаси души наша, яко Милосердая.

Кондак, глас 8

Взбранной Воеводе победительная, яко
избавльшися от злых благодарственная
восписуем Ти, раби Твои, Богородице, но,
яко имущая державу непобедимую, от
всяких нас бед свободи, да зовем Ти: ра-
дуйся, Невесто Неневестная.

Величание

Величаем Тя, Пресвятая Дево, и чтим
образ Твой святей, имже дивную победу
на агаряны православным даровала еси.



Икона Божией Матери «Владимирская»

*(21 мая/3 июня,
23 июня/6 июля
и 26 августа/8 сентября)*

*Пред иконой Пресвятой Бого-
родицы «Владимирская» молятся об избавле-
нии от нашествия иноплемennых, о настав-
лении в Православной вере, о сохранении от
ересей и расколов, об умирении враждующих, о
сохранении России.*

Молитвы ко Пресвятой Богородице пред Ее иконою «Владимирская»

Молитва первая

О Всемиловитая Госпоже Богородице, Небесная Царице, Всемошная Заступнице, непостыдное наше Упование! Благодаряще Тя о всех великих благодеяниях, в роды родов людем российским от Тебе бывших, пред пречистым образом Твоим молим Тя: сохрани град сей (или: весь сию, или: святую обитель сию) и предстоящия рабы Твоя и всю Землю Русскую от глада, губительства, земли трясения, потопа, огня, меча, нашествия иноплемennых и междоусобных брани. Сохрани и спаси, Госпоже, Великаго Господина и Отца нашего (имя рек), Святейшаго Патриарха Московскаго и всея Руси, и Господина нашего (имя рек), Преосвященнейшаго епископа (или: архиепископа, или митрополита) (титул), и вся Преосвященныя митрополиты, архиепископы и епископы православныя. Дажь им Церковь Российскую добре управити, верныя овцы Христовы негиблемы соблюсти. Помяни, Владычице, и весь священнический и монашеский чин и спасение их, согрей сердца их ревностию о Бозе и достойно звания своего ходити коегождо укрепи. Спаси, Госпоже, и помилуй и вся рабы Твоя и даруй нам путь земнаго поприща

без порока преити. Утверди нас в вере Христовей и во усердии ко Православней Церкви, вложи в сердца наша дух страха Божия, дух благочестия, дух смирения, в напастех терпение нам подаждь, во благоденствии — воздержание, к ближним любовь, ко врагом всепрощение, в добрых делах преуспеяние. Избави нас от всякаго искушения и от окамененнаго нечувствия, в страшный же день Суда сподоби нас ходатайством Твоим стати одесную Сына Твоего, Христа Бога нашего, Емуже подобает всякая слава, честь и поклонение со Отцем и Святым Духом, ныне и присно и во веки веков. Аминь.

Молитва вторая

О Всемиловитая Госпоже Богородице, Небесная Царице, Всемошная Заступнице, непостыдное наше Упование! Благодарим Тя о всех благодеяниях, российским людем от Тебе бывших, от древле и до днесь от чудотворных иконы Твоея явленных. И ныне, Преплагая Владычице, призри на ны грешныя и недостойныя рабы Твоя, яви нам милость Твою и моли Сына Твоего, Христа Бога нашего, о еже избавитися нам от всякаго зла и сохранитися всякаму граду и веси, и всей стране нашей от глада, губительства, труса, потопа, огня, меча, нашествия

иноплеменных и муждоусобных брани. Испроси православным христианом благоденственное и мирное житие, здравие, долгоденствие, во всем благое поспешение и спасение. Сохрани и умудри пастырей Церкви, еже достойно пасти стадо Христово и право правити слово истины; укрепи христолюбивое всероссийское воинство, подаждь дух совета и разума военачальником, градоначальником и всем, иже во власти суть, ниспосли святое Твое благословение и всем православным христианом, покланяющимся Ти и молящимся пред цельбоною Твоею иконою. Буди нам Заступница и Ходатаица пред престолом Всевышняго, идеже предстоиши. К кому убо прибегнем, аще не к Тебе, Владычице? Кому принесем слезы и воздыхания, аще не к Тебе, Пресвятая Богородице? Не имамы бо иныя помощи, не имамы иныя надежды, разве Тебе, Небесная Царице. Под Твой покров притекаем, молитвами Твоими ниспосли нам мир, здравие, земли плодоносие, воздуха благорастворение, избави ны от всяких бед и скорбей, от всяких недугов и болезней, от внезапных смерти и от всех озлоблений врагов видимых и невидимых. Вразуми и научи ны, о, Всемиловитая Заступнице, како безгрешно прейти путь земнаго сего жития; Ты веси немощи наша, веси и согрешения наша, но и веру веси,

и упование видиши; даруй же нам исправление греховныя жизни и умягчи злая сердца наша. Укрепи в нас правую веру, вложи в сердца наша дух страха Божия, дух благочестия, дух смирения, терпения и любви, в добрых делах преуспеяние; избави же ны от искушений, от пагубных душевредных учений, от неверия, развращения и погибели вечныя. Тебе убо просим, Пречистая Владычице, и припадающе пред святою Твоею иконою, молимся, умилосердися на ны и помилуй ны, в страшный же день суда ходатайством и заступлением Твоим сподоби ны стати одесную Сына Твоего, Христа Бога нашего, Емуже подобает всякая слава, честь и поклонение, со Безначальным Его Отцем, и Пресвятым и Благим и Единосущным Его Духом, ныне и присно и во веки веков. Аминь.

Молитва третья

К кому возопием, Владычице! К кому прибегнем в горести нашей, аще не к Тебе, Царице Небесная? Кто плач наш и воздыхание примет, аще не Ты, Пренепорочная, Надеждо христиан и прибежище нам грешным? Кто паче Тебе в милости? Приклони ухо Твое к нам, Владычице, Мати Бога нашего, и не презри требующих Твоея помощи: услыши стенание наше, подкрепи

нас грешных, вразуми и научи, Царице Небесная, и не отступи от нас раб Твоих, Владычице, за роптание наше, но буди нам Мати и Заступница, и вручи нас милостивому покрову Сына Твоего, устрой о нас, како угодно будет святей Твоей воли, и приведи нас грешных к тихой и безмятежной жизни, да плачемся о гресех наших, да возрадуемся же с Тобою всегда, ныне и присно и во веки веков. Аминь.

Молитва четвертая

О Пресвятая Госпоже Владычице Богородице! Вышши еси всех Ангел и Архангел и вся твари честнейши, помощница еси обидимых, ненадеющихся надеяние, убогих заступница, печальных утешение, алчущих кормительница, нагих одеяние, больных исцеление, грешных спасение, христиан всех поможение и заступление. О Всемиловитая Госпоже, Дево Богородице Владычице! Милостию Твоею спаси и помилуй страну нашу, преосвященные митрополиты, архиепископы и епископы, и весь священнический и иноческий чин, военачальники, градоначальники и христоролюбивое воинство, и доброхоты, и вся православныя христиане ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя

и видимыя враги наша. О Всемиловитая Госпоже Владычице Богородице! Воздвигни нас из глубины греховныя, и избави нас от глада, губительства, от труса и потопа, от огня и меча, от нахождения иноплеменных и междоусобных брани, и от внезапных смерти, и от нападения вражия, и от тлетворных ветр, и от смертоносных язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя еже ко спасению, и сподобины, грешныя рабы Твоя, Царствия Сына Твоего, Христа Бога нашего, яко Держава Его благословена и препрославлена, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Молитва пятая

Приими, Вселобомощная, Пречистая Госпоже Владычице Богородительнице, сия честныя дары, Тебе единой прикладныя, от нас недостойных рабов Твоих, от всех родов избранная, всех тварей небесных и земных вышшая являющаяся. Понеже бо Тебе ради бысть Господь сил с нами, и Тобою Сына Божия познахом, и сподобихомся Святаго Тела Его и Пречистыя Крове Его. Темже блаженна еси в родах родов, Богоблаженная, Херувимов светлейши

и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и от всякаго обстояния, и сохранитися нам неврежденным от всякаго ядовитаго прилога диавольскаго. Но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице Единому Богу и всех Создателю возсылаем, ныне и присно и во веки веков. Аминь.

Молитва шестая

Царице моя преблагая, надеждо моя Богородице, прибежище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, направи мя яко странна. Обиду мою веси, разреши ту, якоже волиши: яко не имам иных помощи разве Тебе, ни иных предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

Молитва седьмая

О Пресвятая Госпоже Владычице Богородице! Приими недостойную молитву нашу, и сохрани нас от навета злых человек

и от внезапныя смерти, и даруй нам прежде конца покаяние. На моление наше умилосердися, и радость вместо печали даруй. И избави нас, Госпоже, от всякия беды и напасти, скорби и болезни и всякаго зла. И сподоби ны, грешныя рабы Твоя, одесную стати во втором пришествии Сына Твоего, Христа Бога нашего, и наследники быти Царствия Небеснаго и жизни вечныя со всеми святыми в бесконечныя веки веков. Аминь.

Молитва восьмая,
чтомая в неких храмах
Тульской епархии

О Пресвятая Владычице наша Богородице, Небесная Царице, наша Препоблагая Надеждо, преизыщная Отроковице, ненадеющимся надеяние, грешным спасение, сирым прибежище, странным предстательнице, нагим одеяние, скорбящим утешение и радости, обидимым покровительнице и всем сущим в бедах и напастьх вспоможение и заступление! О Всемиловитая Госпоже Дево Богородице! Зриши наша беды, скорби и напасти, помози нам немощным, печальным и унылым, скорбным же и отчаянным, и всяку печаль отими от нас. Обиду нашу Ты веси, разреши ту, Всенепорочная, якоже волиши и можеши, не даждь нам во отчаяние впасти. Не имамы бо иныя

помощи, разве Сына Твоего, Христа Бога нашего, и Тебе, о Мати Божия, о Владычице наша! Темже на Твой пречестный образ со воздыханием и сокрушением сердца взираем, и колена до земли преклоняем, взывающе: призри благосердным оком, Всепетая Богородице, и услыши нас, Препоблагая, не отрини, но благоволи помиловати, не омерзти нашего воздыхания. Никтоже бо притекаяй к Тебе посрамлен от Тебе исходит, но просит благодати и приемлет дар на пользу прошения во веки веков. Аминь.

Тропарь, глас 4

Днесь светло красуется славнейший град Москва, яко зарю солнечную восприемши, Владычице, чудотворную Твою икону, к нейже ныне мы притекающе и молящеся Тебе, взываем сие: о пречудная Владычице Богородице! Молися из Тебе воплощенному Христу Богу нашему, да избавит град сей и вся грады и страны христианския невредимы от всех навет вражиих и спасет души наша, яко Милосерд.

Кондак, глас 8

Взбранной Воеводе победительная, яко избавльшеся от злых пришествием Твоего честного образа, Владычице Богородице,

светло сотворяем празднество сретения Твоего и обычно зовем Ти: радуйся, Невесто Невестная.

Ин кондак, глас тойже

К Взбранней Воеводе и Заступнице, Деве и Богородице, в чистой совести, верую утвердившаяся, русстии народи, невозвратно надежду имуще, притецем, к чудотворному Ея и пречистому образу, и возопием Ей: радуйся, Невесто Невестная.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



**Икона
Божией Матери
«Владимирская-
Красногорская»
(«Черногорская»)
«Умиление»**

(21 мая/3 июня)

Пред иконой Пресвятой Богородицы «Владимирская-Красногорская» «Умиление» молятся об исцелении болезней, избавлении от пожара.

**Молитва ко Пресвятой Богородице
пред Ее иконою «Владимирская-
Красногорская» («Черногорская»)
«Умиление»**

О Пресвятая Дево, Мати Христа Бога нашего, Царице небесе и земли! Вонми многоболезненному воздыханию душ наших, призри с высоты святая Твоея на нас, с верою и любовью покланяющимся пречистому и чудотворному образу Твоему. Се бо грехми погружаемии и скорбьми обуреваемии, взирающе на Твой образ, яко живей Тебе сущей с нами, приносим смиренна моления наша. Не имамы бо иныя помощи, ни инаго предстательства, ни утешения, токмо Тебе, о Мати всех скорбящих и обремененных. Помози нам немощным, утоли скорби наша, настави на путь правый нас заблуждающих, уврачуй болезненна сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину, и на страшнем Суде Сына Твоего явися нам милосердая предстательница, да всегда поем, величаем и славим Тя, яко благую Заступницу рода христианскаго, со всеми угодившими Богу, во веки веков. Аминь.

Тропарь, глас 2

Радуйся, святая горо Красная, небеси пободная, слава бо Божия на тебе возсия. Взыграйте, горы и холми, веселием, яко

на сей горе икона Божия Матере, честнаго Ея умиления, прославися. Ликуйте, человецы, и веселитесь, яко нам даровася богатство неотъемлемое, исцелений сокровище, гласы, якоже трубы, возшумите, прославляюще Ея чудеса преславныя. И Ты, Чистая, радуйся, яко с Тобою Господь.

Кондак, глас 3

На горе святей видяще Твою святую икону, Богородице, Мати Дево, поем Твоего светообразнаго лика изображение, покланяемся Твоей святей иконе, почитаем оную, и славим тоя преславная чудеса, и сице зовем Тебе: радуйся, Невесто Неневестная.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона Божией Матери «Владимирская- Оранская»

(21 мая/3 июня)

Пред иконой Пресвятой Богородицы «Владимирская» Оран-

ская» молятся об исцелении от беснования, об исцелении болезней глаз и слепоты, болезней рук и ног, от горячки, немоты или при онемении языка.

**Молитва ко Пресвятой Богородице пред
Ее иконою «Владимирская-Оранская»,
*чтомая в Оранском Богородицком
монастыре Нижегородской епархии***

О Пресвятая Госпоже Владычице Богородице! Вышши еси всех Ангел и Архангел, и всея твари честнейши, помощница еси обидимых, ненадеющихся надеяние, убогих заступница, печальных утешение, алчущих кормительница, нагих одеяние, больных исцеление, грешных спасение, христиан всех поможение и заступление. О, Всемиловитая Госпоже, Дево Богородице Владычице! Молитвою Твоею спаси и помилуй раб Твоих, и преосвященные митрополиты, архиепископы и епископы, и весь священнический и инокский чин, и военачальники, градоначальники и христолюбивое воинство, и dobroхоты, и вся православныя христиане ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О Всемиловитая Госпоже Владычице Богородице! Воздвигни нас из глубины

греховныя, и избави нас от глада, губительства, от труса и потопа, от огня и меча, от нахождения иноплемennых, и междоусобныя брани, и от внезапныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя, еже ко спасению, и сподоби ны, грешныя рабы Твоя, Царствия Сына Твоего, Христа Бога нашего, яко держава Его благословена и препрославлена, со Безначальным Его Отцем, и с Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовущее из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

Кондак, глас 6

Не имамы иныя помощи, не имамы иныя надежды, разве Тебе, Владычице. Ты нам помози, на Тебе надеемся, и тобою хвалимся, Твои бо есмы рабы, да не постыдимся.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери, именуемая «Волынская- Каплуновская»

(30 июня/13 июля)

Пред иконой Пресвятой Богородицы «Волынская-Каплуновская» молятся о защите от иноплемennых, о сохранении России.

Молитва ко Пресвятой Богородице пред Ее иконою «Волынская- Каплуновская»

Приими, Вселюбвиomoщная, Пречистая Госпоже, Владычице Богородительнице, сия честныя дары, Тебе единой прикладныя, от нас, недостойных рабов Твоих, от всех родов избранная, всех тварей небесных и земных вышшая являющаяся. Понеже бо Тебе ради бысть Господь сил с нами, и Тобою Сына Божия познахом,

и сподобихомся Святаго Тела Его и Пречистыя Крове Его. Темже блаженна еси в родех родов, Богоблаженная, Херувимов светлейши и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и от всякаго обстояния, и сохранитися нам неврежденным от всякаго ядовитаго прилога диавольскаго. Но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице Единому Богу и всех Создателю возсылаем, ныне и присно и во веки веков. Аминь.

Тропарь, глас 4

Заступнице земли Российския от нашествия Свейскаго и непрестанная за нас Молитвеннице, мир земли и душам нашим у Господа испроси, да святится в нас Имя Божие во веки.

Кондак, глас 8

Взбранной Воеводе победительная, яко избавльшеся от злых, благодарственная восписуем Ти, раби Твои, Богородице, но,

яко, имущая державу непобедимую, от всяких нас бед свободи, да зовем ти: радуйся, Невесто Неневестная.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Воспитание»

(5/18 марта)

Пред иконой Пресвятой Богородицы «Воспитание» молятся о воспитании чад в вере и благочестии.

Молитва ко Господу нашему Иисусу Христу

Господи Иисусе Христе, Сыне Божий, молитв ради Пречистыя Твоея Матере услыши нас, недостойных раб Твоих, к Тебе прилежно притекающих. Господи, в милостивой власти Твоей чада наша, раби Твои (*имена*), помилуй и спаси их имени Твоего ради, прости им вся согрешения вольная или невольная, совершенная

ими пред Тобою, Господи. Настави их на путь истинный, разум их просвети светом Твоим, сердце согрей любовью Твоею. Господи, благослови их в доме, в учении, в пути и на всяком месте Твоего владычества. Господи, сохрани их под кровом Твоим Святым от летящих стрелы, от огня, меча, от смертоносных язвы и от напрасных смерти. Господи, огради их от всех видимых и невидимых врагов, исцели их от всякой болезни, очисти их от всякой скверны и облегчи их душевные страдания. Господи, даруй им благодать Духа Твоего Святаго на многая лета жизни, здравия, целомудрия и благочестия. Господи, умножи и укрепи их духовные и телесные силы, Тобою дарованные им. Даруй Твое благословение чадом нашим на благочестивую и, аще угодно Тебе, семейную жизнь. Господи, даруй нам, недостойным и грешным рабам Твоим (*имена*), благословение на воспитание чад наших и сподоби всех купно достигнути вечнаго Царствия и тамо прославити пречестное и великолепое имя Твое, со Отцем и Святым Духом. Аминь.

Молитва к Божией Матери

О Пресвятая Владычице Дево Богородице, милосердая Мати всех человек, спаси и сохрани под кровом Твоим чад

наших (*имена*), всех отроков, отроковиц, младенцев и во чреве матери носимых. Покрый их ризою Твоею, соблюди их во страхе Божиим и послушании родителем, умоли Господа нашего и Сына Твоего, да дарует им вся полезная к душевному спасению. Вручаем их Твоему Материнскому смотрению, яко Ты еси божественный покров рабом Твоим. Аминь.

Тропарь, глас 4

Воспитавшейся во храме во святая святых, одеянной верою и премудростию и безмерным девством, архистратиг Гавриил принесет с небес целование и еже «Радуйся, радуйся, Благословенная, радуйся, Препрославленная, Господь с Тобою».

Кондак, глас 6

Не имамамы иныя помощи, не имамамы иныя надежды, разве Тебе, Владычице. Ты нам помози, на Тебе надеемся, и тобою хвалимся, Твои бо есмы раби, да не постыдимся.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Всеблаженная»

(1/14 сентября)

Пред иконой Пресвятой Богородицы «Всеблаженная» молятся о защите от предстоящих неприятностей, о счастье и мире в семье, об утешении в скорбных обстоятельствах.

Молитва ко Пресвятой Богородице пред Ее иконою «Всеблаженная», или «Памакариста»

О Пресвятая Дево, Мати Господа Вышних сил, Небесе и земли Царице, града и страны нашае всемошная Заступнице! Приими хвалебное пение сие от нас недостойных раб Твоих, и вознеси молитвы наша ко престолу Бога Сына Твоего, да милостив будет неправдам нашим и пробавит благодать Свою чтущим всечестное имя Твое и с верою и любовию покланяющимся пречистому образу Твоему. Несмы бо достойни от Него помиловани быти, аще не Ты умилоставиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненней и скорей Заступнице нашей: услыши нас молящихся Тебе, удиви над нами великия и богатыя милости Твоя, яви нам небесную помощь

Твою и заступление, и испроси у Бога Сына Твоего пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание; нам же всем низпосли дух разума и благочестия, дух милосердия и кротости, дух чистоты и правды. Ей, Госпоже Пречистая! Умилосердися на немощныя люди Твоя, рассеянные собери, заблуждшия на путь правый настави, недугующия уврачуй, старость поддержи, юныя уцеломудри, младенцы воспитай, и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наши ко зрению спасения. Милостива нам буди зде и на страшнем суде Сына Твоего, преставльшиися же в вере и покаянии от жития сего отцы и братию нашу в вечней жизни со ангелы и со всеми святыми жити сотвори. Ты бо еси, Госпоже, слава небесных и упование земных, Ты по Бозе наша Надежда и Заступница всех притекающих к Тебе с верою. Тебе убо молимся, и Тебе, яко всемогущей Помощнице, сами себе и друг друга и всю жизнь нашу предаем, ныне и присно и во веки веков. Аминь.

Тропарь, глас 4

Торжество днесь празднуем светлое, се бо предлежит, о Всеблаженная, икона Твоя всечестная, к нейже, любовь сердца вси приходяще, Владычице, поклоняемся и тепле Тебе вопием: избави нас от бед и обстояний.

Кондак, глас тойже

В праздник Твой сошедшеся, вернии, священное ко славе Божией торжество Твое, Владычице, днесь всеблагоевейно совершаем, любовь же чтуще честную икону Твою, Тебе песнословим вси в радости: радуйся, Дево Честная, Всеблаженная.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Всех скорбящих Радость»

(24 октября/6 ноября)

Пред иконой Пресвятой Богородицы «Всех скорбящих Радость» молятся все обиженные, угнетенные, страждущие, в отчаянии, скорби, в поисках

утешения и защиты, при неизлечимых болезнях, о покровительстве сирот и убогих, страждущие припадками, расслаблением рук, болезнью горла, туберкулезом.

Молитвы ко Пресвятой Богородице пред Ее иконою «Всех скорбящих Радость»

Молитва первая

Надеждо ненадежных, сило беспомощных, пристанище обуреваемых, покрове нападствуемых, заступление обидимых, хлебоманно, улаждающая алчущих, нектаре небеснаго упокоения жаждущих, Мати Преподобословеннаго Бога, Преподобословенная и Пренепорочная Дево! К Тебе единой прибегаю, к Твоему покрову вседушно преклоняю колена, Владычице. Не презри плача и слез, утехо плачущих! Аще ужасает мя мое недостойнство и окаянство моих грехов, но уверяет мя цельбоносный сей образ, на немже благодать Твою и силу, яко неисчерпаемое море, вижду: слепых прозревших, скачущих хромым, странствующих аки под сению Твоего призрения, матерне упокоенных и по всему прошению благоизобильствующих; на оных помилования образ взирая, прибегах, слепый душевными очима и хром душевными чувствами. О, Свете Незаходимый! Просвети и исправи мя, веси всякую мою скорбь,

веси всякую беду, не презри моления моего, о Полезнодательнице! Не возгнушайся мене грешнаго, не презри мене сквернаго; вем, яко вся можеши, елика волиши, о добрая Надеждо моя, упование мое от сосцу матери моя. К Тебе привержен есмь от чрева матери моя, Тебе оставлен есмь, не остави мене, не отступи от мене, ныне и присно и во веки веков. Аминь.

Молитва вторая

Царице моя преблагая, Надеждо моя, Богородице, приятилище сирых, и странных предстательнице, скорбящих радости, обидимых покровительнице! Зриши мою беду, зриши мою скорбь; помози ми яко немощну, окорми мя яко странна. Обиду мою веси, разреши ту, яко волиши, яко не имам иныя помощи, разве Тебе, ни иныя предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

Молитва третья

О, Пресвятая Владычице Богородице, Вышшая Херувим и Честнейшая Серафим, Богоизбранная Отроковице, всех скорбящих Радосте!

Подаждь утешение и нам, в скорби сущим, разве бо Тебе инаго прибежища и помощи не имамы. Ты Едина еси радости

нашея ходатаица, и яко Мати Божия и Мати Милосердия, предстоящи у престола Пресвятыя Троицы, можеши нам помощи, никтоже бо притекаяй к Тебе посрамлен отходит.

Услыши убо и нас, ныне в день скорби пред Твоею иконою припадающих и со слезами Тебе молящихся, отжени от нас належащая на нас скорби и печали в сей временней жизни, не лишены же сотвори ны Твоим всесильным ходатайством и вечныя нескончаемыя радости во Царствии Сына Твоего и Бога нашего, Емуже подобает всякая слава, честь и поклонение, со Безначальным Его Отцем, и со Пресвятым и Благим и Животворящим Его Духом, ныне и присно и во веки веков. Аминь.

Молитва четвертая

О, Пресвятая Владычице Богородице, Преблагословенная Мати Христа Бога Спасителя нашего, всех скорбящих Радосте, больных посещение, немощных покрове и заступнице, вдовиц и сирых покровительнице, матерей печальных всенадежная утешительнице, младенцев немощных крепосте, и всем беспомощным всегда готовая помощь и верное прибежище! Тебе, о Всемиловитая, дадеся от Всевышняго благодать во еже всех заступати и избавляти от скорби и болезней, зане Сама лютыя

скорби и болезни претерпела еси, взирающи на вольное страдание Сына Твоего возлюбленного и Того на кресте распинаема зрящи, егда оружие, Симеоном предреченное, сердце Твое пройде; темже убо, о Мати чадолюбивая, вонми гласу моления нашего, утеши нас в скорби сущих, яко верная радости ходатаица, предстоящи престолу Пресвятыя Троицы, одесную Сына Твоего, Христа Бога нашего, можешши, аще восхощеши, вся нам полезная испросити; сего ради с верою сердечною и любовию от души припадаем к Тебе, яко Царице и Владычице, и псаломски вопити Тебе дерзаем: слыши, Дщи, и виждь, и приклони ухо Твое, услыши моление наше, и избави нас от обстоящих бед и скорбей; Ты бо прошения всех верных, яко скорбящих радость, исполняеши, и душам их мир и утешение подаеши, се зриши беду нашу и скорбь, яви нам милость Твою, посли утешение уязвленному печалию сердцу нашему, покажи и удиви на нас грешных богатство милосердия Твоего, подаждь нам слезы покаяния к очищению грехов наших и утоления гнева Божия, да с чистым седцем, совестью благою и надеждою несумненною прибегаем к Твоему ходатайству и заступлению. Приими, Всемиловитая наша Владычице Богородице, усердное моление наше, Тебе приносимое, и не отрини нас

недостойных от Твоего благосердия, но подаждь нам избавление от скорби и болезни, защити нас от всякаго навета вражия и клеветы человеческия, буди нам помощница неотступная во вся дни жизни нашей, яко да под Твоим Матерним покровом всегда пребудем целы и сохранены Твоим заступлением и молитвами к Сыну Твоему и Богу Спасителю нашему, Ему же подобает всякая слава, честь и поклонение, со Безначальным Его Отцем и Святым Духом, ныне и присно и во веки веков. Аминь.

Молитва пятая

О Пресвятая и Преблагословенная Дево, Владычице Богородице! Призри милостивным Твоим оком на нас, предстоящих пред святою иконою Твоею и со умилением молящихся Тебе; воздвигни нас из глубины греховныя, просвети ум наш, омраченный страстьми, и уврачуй язвы душ и телес наших. Не имамы иныя помощи, ни имамы иныя надежды, разве Тебе, Владычице; Ты веси вся немощи и согрешения наша, к Тебе прибегаем и вопием: не остави нас Твоею небесною помощию, но предстани нам присно и Твоим неизреченным милосердием и щедротами спаси и помилуй нас, погибающих. Даруй нам исправление греховныя жизни нашей и избави нас от скорбей, бед и болезней, от внезапныя смерти, ада

и вечныя муки. Ты бо, Царице и Владычице, скорая помощница и заступница еси всем притекающим к Тебе и крепкое прибежище грешников кающихся. Подаждь убо нам, Преплагая и Всенепорочная Дево, христианский конец жития нашего, мирен и непостыден, и сподоби нас Твоим ходатайством вселиться в обителях небесных, идеже непрестанный глас празднующих радостию славит Пресвятую Троицу, Отца и Сына и Святаго Духа, ныне и присно и во веки веков. Аминь.

Молитва шестая

Заступнице усердная, благоутробная Господа Мати, к Тебе прибегаю аз, окаянный и паче всех человек грешнейший; вонми гласу моления моего, вопль мой и стенание услыши, яко беззакония моя превзыдоша главу мою, и аз, якоже корабль в пучине, погружаюсь в море грехов моих. Но Ты, всеблагая и милосердная Владычице, не презри мене отчаяннаго и во гресех погибающаго; помилуй мя, кающагося в злых делах моих, и обрати на путь правый заблуждшую окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне и присно и во веки веков. Аминь.

Молитва седьмая,
*чтомая в Нижегородском
Крестовоздвиженском
монастыре*

О, Пресвятая Госпоже Владычице Богородице! Со страхом многим, и верою, и любовью приносяще благодарственная пения, молимся Ти пред сею чудотворною иконою, дивными чудесы просиявшею: не затвори нам грешным щедрот Твоих, Всенепорочная, не отвержи нас прибегающих к Тебе, Милосердая. Умоли Твоего Сына и Бога, Господа нашего Иисуса Христа, да Своею благодатию возставит, устроит и хранит обитель сию ко спасению душ, Ему унивестившихся. Сама же, яко Благая Мати Вышняго, пребуди неотступна от обители сея, сущаго достояния Твоего, и всеильными Твоими молитвами покрый и заступи zde подвижающихся от всех бед и нужд душевных и телесных. Не имамы бо иныя помощи, не имамы иныя надежды, разве Тебе, Пречистая Дево. Темже смиренно припадающе, молим Тя, Препоблагословенная Владычице: приими милостивно молитвы, прошения и благодарения всех с верою притекающих к честному Твоему образу, избавляй их от падения греховнаго, от навета злых человек, от скорбей и бед, от внезапных смерти и вечных мук, и даруй им дух

сокрушения, смирение сердца, чистоту ума и оставление прегрешений, да вси мы, благодарно Тя воспевающими, сподобимся Небеснаго Царствия, и тамо со всеми святыми да славим Пречестное и Великолепое имя Отца и Сына и Святаго Духа во веки веков. Аминь.

Молитва восьмая,
*чтомая в Высокогорской пустыни,
Нижегородской епархии*

О Всемиловитая и Премилосердая Госпоже Царице Богородице! Ты еже восхощеши, о всем упросити можешы Сына Твоего, Христа Бога нашего. Приими убо моление мое, и не отрини от Твоего заступления мене паче всех человек грешнейшаго: подаждь ми свободение от бед и скорбей, избави мене, Всепречистая, от видимых и невидимых враг и от злых человек клеветующих на мя, не попусти мне погибнути от глада, меча, труса, потопа и огня, и буди мне помощница неоскудна, яко да под Твоим кровом всегда сохранен буду и Твоим молением в страшный день суда неосужден предстану Сыну Твоему и Богу нашему, Емуже подобает слава и держава, со Безначальным Отцем и Святым Духом, ныне и в безконечныя веки веков. Аминь. *(Из рукописного акафиста.)*

Молитва девятая,
*чтомая в Вознесенском соборе
града Самары*

О Пресвятая Владычице Богородице, Богоизбранная Отроковице, всех скорбящих Радосте! Подаждь утешение нам в скорби сущим: отжени от нас печали, болезни, искушения и всякия напасти вражия. Услыши нас грешных, припадающих пред Твоею всечестною иконою с сокрушенным сердцем, и Твоим всесильным ходатайством сподоби нескончаемая радости во Царствии Сына Твоего и Бога нашего во веки веков. Аминь.

Молитва десятая,
*чтомая в церкви села Мурзиц
Симбирской епархии*

Владычице, Пресвятая Богородице, Небесная Царице, преизрядная Отроковице, ненадеющимся надеяние, болящим исцеление, сирым предстательнице, странным прибежище, нагим одеяние, скорбящим утешение и радости, обидимым покровительнице и всем сущим в бедах и напастьях скорое вспоможение и заступление! О Всемиловитая Госпоже Дево Богородице! Зриши беды наша, скорби и напасти: помоги нам бедным и страждущим, печальным и унылым, скорбящим и отчаянным, отими от нас всякую печаль, управи нас яко

странных. Обиды наша веси, Непорочная, и помощи нам, аще волиши, можеши. Не даждь убо, Госпоже, нам во отчаяние впасти, не имамы бо иныя помощи, разве Сына Твоего, Превечнаго Бога, Спаса Христа, и иныя предстательницы и утешительницы, разве Тебе, о Владычице, о Заступнице, о Дево Богоизбранная, о Царице всея твари, Голубице Пречестная. Темже на Твой пресвятой образ взирающе, со воздыханием и сокрушением сердца преклоняем главы и колена наша и молимся сице: призри благосердием, Всепетая Богородице, услыши, Преблагая, не отрини нас, но благоволи помиловати, и не отвержи наших воздыханий; никтоже бо притекаяй к Тебе посрамлен от Тебе исходит, но просит благодати и приемлет милость. Умоли, Госпоже Царице Владычице, Дево Марие, Превечнаго Бога, Господа и Спаса нашего Иисуса Христа, о всех нас с верою Тебе поклоняющихся и молящихся: соблюди же во здравии, долгоденствии и благополучнем пребывании православный народ и весь род христианский, державу нашу миром огради и плодов земных изобилием обогати. Образ же сей лица Твоего да будет нам стена и забрало и утверждение, врагом же нашим страх и поражение, на него мы вси людие Твои взирающе, да примем в недугех наших исцеление. Покрый же

и избави нас от всякаго нахождения скорби и печали. Тебе молимся и мили ся деем, образ Твой святыи целующе: помилуй, покрый и соблюди и огради Твоим заступлением, и настави ны на путь спасения в сем вѣце, в будущемъ вѣчныи изъми муки, яко благословена еси и препрославлена ныне, всегда и в безконечныи веки веков. Аминь.

Молитва одиннадцатая,
чтомая в тойже церкви

О Пресвятая Госпоже, Владычице Дево Богородице, Небеснаго Царя Мати! Приими от нас приносимое Тебе сие малое похвальное пение, Ты бо еси святѣйшая всехъ святыхъ Ангелъ и Архангелъ и всея твари честнейшая, ненадеющимъ надеяние, болящимъ исцеление, сирымъ предстательница, страннымъ прибежище, нагимъ одеяние, скорбящимъ утешение и радость, обидимымъ покровительница, и всемъ сущимъ в бедахъ и напастехъ скорое поможение и заступление. Темже святѣй Твоей иконѣ покланяющеся, молимся Тебѣ, умильно зывающе: Владычице Пресвятая, избави ны грешныи и недостойныи рабы Твоя от всякихъ бедъ, напастей, скорбей же и недуговъ, и настави насъ на путь спасения в нынешнемъ вѣце, в будущемъ же изъми муки вѣчныи, и сподоби ны Небеснаго Царствия Сына

Твоего и Бога нашего, яко благослови-
ся и прославися имя Твое во веки веков.
Аминь.

Молитва двенадцатая

О Пресвятая Дево, Мати Христа Бога на-
шего, Царице небесе и земли! Вонми мно-
гоболезненному воздыханию душ наших,
призри с высоты святых Твоя на нас, с ве-
рою и любовью покланяющимся пречистому
и чудотворному образу Твоему. Се бо грех-
ми погружаеми и скорбьми обуреваемы,
взирающе на Твой образ, яко живей Тебе
сущей с нами, приносим смиренная моле-
ния наша. Не имамы бо иныя помощи, ни
инаго предстательства, ни утешения, токмо
Тебе, о Мати всех скорбящих и обременен-
ных. Помози нам немощным, утоли скорби
наша, настави на путь правый нас заблуж-
дающих, уврачуй болезненную сердца наша
и спаси безнадежных, даруй нам прочее вре-
мя жития нашего в мире и покаянии про-
водитьи, подаждь христианскую кончину, и
явися нам милосердая предстательница, да
всегда поем, величаем и славим Тя, яко бла-
гую Заступницу рода христианскаго, со все-
ми угодившими Богу, во веки веков. Аминь.

Молитва тринадцатая

О Пресвятая Госпоже Владычице Бого-
родице! Приими недостойную молитву на-
шу, и сохрани нас от навета злых человек

и от внезапныя смерти, и даруй нам прежде конца покаяние. На моление наше умиლოსердися, и радость вместо печали даруй. И избави нас, Госпоже, от всякия беды и напасти, скорби и болезни и всякаго зла. И сподоби ны, грешныя рабы Твоя, одесную стати во втором пришествии Сына Твоего, Христа Бога нашего, и наследники быти Царствия Небеснаго и жизни вечныя со всеми святыми в бесконечныя веки веков. Аминь.

Молитва четырнадцатая

К кому возопию, Владычице, к кому прибегну в горести моей, аще не к Тебе, Царице Небесная? Кто плачь мой и воздыхание мое примет, аще не Ты, Пренепорочная, Надеждо христиан и прибежище нам, грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя, Царице Небесная, не отступи от мене раба Твоего, Владычице, за роптание мое, но буди мне Мати и Покровительница. Вручаю себе милостивому покрову Твоему, аще токмо восхощеши устроить о мне. Приведи мя, грешнаго, к тихой и безмятежней жизни, да плачуся о гресех моих. Увы мне, к кому прибегну повинный аз, токмо

к Тебе, упованию и прибежищу грешных, в надежде на неизреченную милость Твою и щедроты? Кое ли слово за преступления моя изрещи возмогу к величеству славы Твоея? О Владычице Царице Небесная, Ты мне Мати и надежда, Ты ми упование и прибежище, покров, заступление и помощь. Царице моя преблагая и побыстрая заступнице, покрый Своим ходатайством моя прегрешения, защити мене от враг видимых и невидимых: умягчи сердца злых человек, возстающих на мя. О Мати Господа моего Творца! Ты корень девства и неувядаемый цвет чистоты. О Богородительнице, Ты подаждь ми помощь немощствующему плотскими страстями и болезнующему сердцем, едино бо Твое, и с Тобою Твоего Сына и Бога нашего, имею заступление, и Твоим пречудным заступлением да оправдан буду, и да избавлюся от всякия беды и напасти Всесильными Твоими молитвами, Всечистая, и Непорочная, и Преславная Божия Мати Марие. Темже со упованием глаголю и вопию: Радуйся, Благодатная; радуйся, Обрадованная; радуйся, Преблагословенная, Господь с Тобою. Аминь.

Молитва пятнадцатая

Приими, о Всеблагословенная и Всемощная Госпоже Владычице Богородице Дево, сия молитвы, со слезами Тебе ныне

приносимыя от нас недостойных раб Твоих, ко Твоему цельбоносному образу пение возсылающих со умилением, яко Тебе Самой зде сущей и внемлющей молению нашему. По коемуждо бо прошению исполнение твориши, скорби облегчаеши, немощным здравие даруеши, разслабленные и недужныя исцеляеши, от бесных бесы прогоняеши, обидимыя от обид избавляеши, прокаженные очищаеши и малыя дети милуеши. Еще же, Госпоже Владычице Богородице, и от уз и темниц свободяеши и всякия многообразныя страсти врачуеши, вся бо суть возможна ходатайством Твоим к Сыну Твоему, Христу Богу нашему. О Всепетая Мати, Пресвятая Богородице! Не престай молиться о нас недостойных рабах Твоих, славящих Тя и почитающих Тя, и поклоняющихся со умилением пречистому образу Твоему, и надежду имущих невозвратну и веру несумненну к Тебе, Приснодеве преславней и непорочней, ныне и присно и во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

Ин тропарь, глас тойже

Не умолчим никогда, Богородице, силы Твоея глаголати недостойнии: аще бо Ты не бы предстояла молящи, кто бы нас избавил от толиких бед; кто же бы сохранил донныне свободны; не отступим, Владычице, от Тебе: Твоя бо рабы спасаеши присно от всяких лютых.

Ин тропарь, глас 8

Ко источнику приснотекущему милосердия, Пречистей Деве Богородице, притецем, людие вси, священницы же и иноцы, мужие, и жены, и чада, здравии и болящии, в покаянии вопиюще и умильно глаголюще: Владычице, помози грешным рабом Твоим, яви яко Благая славу Твою, присно потщися умилосердиться на ны, испросити очищение душ и телес наших от Источника жизни нашея, Бога, Егоже родила еси, едина Благословенная.

Ин тропарь, глас 4

Днесь пресветло красуется славнейший град Москва, имея чудотворную икону Владычицы нашея Богородицы: та бо, верным являющи чудеса, низпосылает дары целебныя. Сего ради и мы, с верою припадающе молимся, и на Тоя пречистый образ взирающе, яко истинную Самую зрим

Владычицу нашу Приснодеву Богородицу, и умильно глаголем: воззри, Мати Божия, оком милости, простри к нам руце Твои пречистыя, якоже на иконе Твоей сие зрится, и подаждь всем скорбящим радость, больным от всех недугов исцеление и от бед избавление, яко Ты еси скорая Предстательница о душах наших.

**Стихира, певаемая вместо тропаря,
глас 2**

Всех скорбящих Радосте, и обидимых Заступнице, и алчущих Питательнице, странных утешение, обуреваемых пристанище, больных посещение, немощных покрове и Заступнице, жезле старости, Мати Бога Вышняго Ты еси, Пречистая: потщися, молимся, спастися рабом Твоим.

Кондак, глас 6

Не имамы иныя помощи, не имамы иныя надежды, разве Тебе, Владычице. Ты нам помози, на Тебе надеемся, и Тобою хвалимся, Твои бо есмы раби, да не постыдимся.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона Божией Матери «Всецарица» («Пантанасса»)

(18/31 августа)

Пред иконой Пресвятой Богородицы «Всецарица» («Пантанасса») молятся об исцелении от раковых заболеваний, об избавлении от волшебных чар.

Молитвы ко Пресвятой Богородице пред Ее иконою «Всецарица»

Молитва первая

О Пречистая Богомати, Всецарице! Услыши многоболезненное воздыхание наше пред чудотворною иконою Твоею, из Афонского удела в Россию пренесенною, призри на чад Твоих неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне присно жива сущи, покрый нас многоцелебным Твоим омофором. Тамо, идеже надежда исчезает, несумненною Надеждою буди. Тамо, идеже лютыя скорби превозмогают, Терпением и Ослабою явися. Тамо, идеже мрак отчаяния в души вселися, да возсияет неизреченный свет Божества! Малодушныя утеши, немощныя укрепи,

ожесточенным сердцам умягчение и просвещение даруй. Исцели болящия люди Твоя, о Всемиловитая Царице! Ум и руки врачующих нас благослови: да послужат орудием Всемощного Врача Христа Спаса нашего. Яко живей Ти сущей с нами молимся пред иконою Твоею, о Владычице! Простри руце Твои, исполненные исцеления и врачбы, Радосте скорбящих, в печалех Утешение, да чудотворную помощь скоро получив, прославляем Живоначальную и Нераздельную Троицу, Отца и Сына и Святаго Духа во веки веков. Аминь.

Молитва вторая

Всеблагая, досточудная Богородице, Пантанасса, Всецарице! Несмь достоин, да внидеши под кров мой! Но яко милостиваго Бога любоблагоутробная Мати, рцы слово, да исцелится душа моя и укрепится немощствующее тело мое. Имаши бо державу непобедимую, и не изнеможет у Тебе всяк глагол, о Всецарице! Ты за мя упроси. Ты за мя умоли. Да прославляю преславное имя Твое всегда, ныне и в бесконечныя веки. Аминь.

Тропарь, глас 4

Образом радостотворным честныя Всецарицы, желанием теплым взыскающих благодати Твоея, спаси, Владычице; избави

от обстояний к Тебе прибегающих, от всякия напасти огради стадо Твое, к заступлению Твоему взывающее присно.

Кондак, глас 6

Не имамы иныя помощи, не имамы иныя надежды, разве Тебе, Владычице. Ты нам помози, на Тебе надеемся, и тобою хвалимся, Твои бо есмы раби, да не постыдимся.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией
Матери «В родах
Помощница», или
«Помогательница
женам чады
рождати»
(«Помощь
в родах»)

(26 декабря/8 января)

Пред иконой Пресвятой Богородицы «Помощь в родах» («Помогательница женам чады рождати»), или «В родах Помощница», молятся о благополучном разрешении беременных женщин и чтобы родить здоровых детей.

Молитва ко Пресвятой Богородице пред Ее иконою «Помощь в родах»

Царице моя преблагая, надеждо моя Богородице, прибежище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, направи мя яко странна. Обиду мою веси, разреши ту, якоже волиши: яко не имам инья помощи разве Тебе, ни инья предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовущее из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари яко Благая на помощь нас, верно зовущих Ти, ускори на молитву и потщися на умоление, предстательствующи присно, Богородице, чтущих Тя.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «В скорбех и печалех Утешение»

(19 ноября/2 декабря)

Пред иконой Пресвятой Богородицы «В скорбех и печалех Утешение» молятся об исцелении страждущих головной болью, немотой, параличом, расслабленных, об исцелении душевных и телесных болезней.

Молитва ко Пресвятой Богородице пред Ее иконою «В скорбех и печалех Утешение»

О Пресвятая Дево, Мати Христа Бога нашего, Царице Небесе и земли! Вонми многоболезненному воздыханию душ наших, призри с высоты святая Твоя на нас, с верою и любовью поклоняющихся пречистому и чудотворному образу Твоему. Се бо грехми погружаемии и скорбьми обуреваемии, взирающе на Твой образ, яко живей Тебе сущей с нами, приносим смиренная моле-

ния наша. Не имамы бо иныя помощи, ни инаго предстательства, ни утешения, токмо Тебе, о Мати всех скорбящих и обремененных! Помози нам немощным, утоли скорби наша, настави на путь правый нас заблуждающих, уврачуй болезненные сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину и на Страшном Суде Сына Твоего явися нам милосердая Предстательница, да всегда поем, величаем и славим Тя, яко Благоую Заступницу рода христианскаго, со всеми угодившими Богу, во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовущее из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

Кондак, глас 6

Не имамы иныя помощи, не имамы иныя надежды, разве Тебе, Владычице. Ты нам помози, на Тебе надеемся, и тобою хвалимся, Твои бо есмы раби, да не постыдимся.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Гребневская»

(28 июля/10 августа)

Пред иконой Пресвятой Богородицы «Гребневская» молятся об избавлении от иноплемennых и сохранении Российской державы, об исцелении от недугов телесных, о защите жилища от воров и нападения врагов, при пожаре.

Молитвы ко Пресвятой Богородице перед Ее иконою «Гребневская»

Молитва первая

К кому возопию, Владычице? К кому прибегну в горести моей, аще не к Тебе, Госпоже Владычице Богородице, Царице Небесная? Кто плач мой и вздыхание мое примет, аще не Ты, о Пренепорочная, надеждо христиан и прибежище грешным? Приклони, о Пречистая Владычице, ушеса Твоя к молению моему. Мати Бога моего,

не презри мя, требующа Твоя помощи, услыши стенание мое и вопль сердца моего внуши, о Госпоже Богородице Царице. И подаждь ми радость душевную, подкрепи мя нетерпеливаго, унылаго и нерадиваго к Твоему хвалению. Вразуми и научи мя, како Тебе молиться подобает, и не отступи от мене, Мати Бога моего, за роптание и нетерпение мое: но буди ми покров и заступление в жизни моей и приведи мя к тихому пристанищу блаженнаго онаго покоя, и сопричти мя к лику избраннаго Твоего стада и тамо удостой мя воспевати и славити Тя во веки. Аминь. *(Из акафиста.)*

Молитва вторая

О Пресвятая Госпоже Владычице Богородице! Приими недостойную молитву нашу, и сохрани нас от навета злых человек и от внезапныя смерти, и даруй нам прежде конца покаяние. На моление наше умилосердися, и радость вместо печали даруй. И избави нас, Госпоже, от всякия беды и напасти, скорби и болезни и всякаго зла. И сподоби ны, грешныя рабы Твоя, одесную стати во втором пришествии Сына Твоего, Христа Бога нашего, и наследники быти Царствия Небеснаго и жизни вечныя со всеми святыми в бесконечныя веки веков. Аминь.

Тропарь, глас 8

Днесь, яко солнце пресветло, просия в
Российстей стране, в конце ея полуденнем,
всечестная икона Твоя, Владычице, юже
благочестный великий князь Димитрий в
град Москву принесе. Светло празднуем,
благочестнии людие, честного образа при-
шествие, молящися прилежно: Владычице
Богородице, молися Сыну Твоему, Христу
Богу нашему, избавити град Москву, стра-
ну нашу и вся православныя христиане
от варварскаго пленения, и междоусоб-
ныя брани, и всех навет вражиих, Тебе бо
Едину Заступницу имамы.

Кондак, глас тойже

От святыя иконы Твоя, Богородице
Дево, источаются исцеления, яко реки
много, яже видевше, россиястии людие,
сиде глаголем: о Пресвятая Владычице
Богородице, не забуди грешных раб Твоих,
молящихся Христу Богу нашему спастися
нам.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери «Грузинская»

(22 августа/4 сентября)

Пред иконой Пресвятой Богородицы «Грузинская» молятся об избавлении от моровой язвы, эпидемии, чумы, об исцелении от глухоты и болезней ушей, слепоты или иной болезни глаз.

Молитвы ко Пресвятой Богородице пред Ее иконою «Грузинская»

Молитва первая

Приими, Всеблагомощная Пречистая Госпоже, Владычице Богородительнице, сия честныя дары от нас, недостойных рабов Твоих, к Твоему цельбоносному образу пение возсылающих со умилением, яко Тебе Самой сущей ту и слушающей моления наша, подающи с верою просящим по коемуждо прошению исполнение: скорбящим скорби облегчаеши, немощным здравие даруеши, ослабленных и недужных исцеляеши, и от бесных бесы прогоняеши, обидимыя от обид избавляеши, и насилуемых спасаеши, грешных прощаеши, прокаженных очищаеши, и малых детей милуеши, и неплодныя от неплодства разрешаеши. Еще, Госпоже Владычице, от

уз и темниц свобождаеши, и всякия многоразличныя страсти исцеляеши, и очныя болезни уврачуеши, и от смертоносныя язвы избавляеши: вся бо возможна суть ходатайством Твоим к Сыну Твоему, Христу Богу нашему. О Всепетая Мати, Пречистая Богородице! Не престай молити о нас, недостойных рабех Твоих, славящих Тя и почитающих, и поклоняющихся пречистому образу Твоему, и надежду имущих невозвратну и веру несумненну к Тебе, Приснодевей, Преславней и Непорочней, славящих, и чтущих, и поющих Тя во веки веков. Аминь.

Молитва вторая

К Тебе, Богоизбранная Отроковице, Пресвятая Дево Богородице, Небесе и земли Царице, припадающе, вопием: услыши молений наших глас и не отврати лица Твоего от нас, недостойных. Приими, Всеблагая, от недостойных раб Твоих, чтущих всечестное имя Твое и с верою поклоняющихся Тебе пред чудотворным Твоим образом, приносимое ныне теплое моление наше, вознеси е к Престолу Сына Твоего, Христа Бога нашего, да милостив будет к неправдам нашим и не воздаст нам по делом нашим, но да пробавит щедроты Своя. Вемы, яко несмы достойни, по грехом

нашим, от Него помиловани быти, аще не Ты, Владычице, умолиши Его о нас, вся бо можеша испросити у Него, матернее бо к Нему имаши дерзновение. Сего ради к Тебе, яко всемогущей и всеблагой Заступнице нашей, прибегаем, усердно молящися: испроси у рождающагося от Тебе Единороднаго Сына Божия, Христа Бога нашего, всем нам в святоотечестей Православней вере твердое до конца дней наших пребывание и во всех заповедех Господних неуклонное хождение, да, прочее время живота нашего поживше во всяком благочестии и чистоте, сподобимся мирных христианских кончин и добраго ответа на Страшном Суде Сына Твоего и Бога нашего и тако достигнем, под кровом Твоея помощи, живота вечнаго во Царствии Отца светов, Емуже купно со Единородным Его Сыном и Святым Духом, подобает слава, честь и поклонение, ныне и присно и во веки веков. Аминь.

Молитва третья

О Пресвятая Владычице Богородице! Приими недостойную молитву нашу, и сохрани нас от навета злых человек и от внезапныя смерти, и даруй нам прежде конца покаяние. На моление наше умилосердися, и радость вместо печали даруй. И избави нас, Госпоже, от всякия

беды и напасти, скорби и болезни и всякаго зла. И сподоби ны, грешныя рабы Твоя, одесную стати во втором пришествии Сына Твоего, Христа Бога нашего, и наследники быти Царствия Небеснаго, и жизни вечныя со всеми святыми в бесконечныя веки веков. Аминь.

Молитва четвертая,
*чтомая в Московской Грузинской
на Воронцовом поле церкви*

О Чудная и Пречудная Царице Богородице, Мати Христа Бога нашего! Услышны грешныя и недостойныя рабы Твоя, в час сей припадающия и прилежно вопиющия: от бед избави нас, Владычице, и заступи, не презри слез и воздыхания нашего, и избави нас от всякия скорби и напасти, от злаго же и лютаго оклеветания; разве бо Тебе Предстательницы и Ходатаицы теплыя к Сыну Твоему, Христу Богу нашему, не имамы. Емуже молися, да спасет Тебе ради души наша, ныне и присно и во веки веков. Аминь.

Молитва пятая

О Пресвятая Дево, Мати Христа Бога нашего, Царице Небесе и земли! Вонми многоболезненному воздыханию душ наших, призри с высоты святыя Твоея на нас, с верою и любовью поклоняющихся

пречистому и чудотворному образу Твоему. Се бо грехми погружаеми и скорбьми обуреваемы, взирающе на Твой образ, яко живей Тебе сущей с нами, приносим смиренная моления наша. Не имамы бо иныя помощи, ни иного предстательства, ни утешения, токмо Тебе, о Мати всех скорбящих и обремененных! Помози нам немощным, утоли скорби наша, настави на путь правый нас заблуждающих, уврачуй болезненную сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину, и на Страшном Суде Сына Твоего явися нам милосердая Предстательница, да всегда поем, величаем и славим Тя, яко Благоую Заступницу рода христианского, со всеми угодившему Богу, во веки веков. Аминь.

Молитва шестая,
*чтомая в Николаевской
Златокрестенской церкви
града Вологды*

О Пренебесная Царице, Богородице Марие, Божественного Света Светоприемнице, Божия Слова Вместилище, пророческое зеркало, апостольская проповедь, мучеником страдания венче, святителем похвало, преподобным светлое песнопение и помощнице, и всем святым ликование,

Вселенския Церкви чудная похвало, царем православным державо непобедимая, архиереем светлый венче, и всего православнаго христианства божественный покрове и помощнице, от всяческих зол избавление, грехов разрешение, к вечней жизни наставница и пред Христом о нас Ходатаице! Даруй, о Владычице Богомати, заступление и помощь, Твоя неизреченная и дивныя чудеса почитающим, и честныя Твоя иконы знамения, на спасение и заступление последним родом являемая. Алчущая сердца наша напитай небесною пищею, и веселия духовнаго исполни, и мыслем нашим смирение даруй, страх Твой в сердца наша всади, и любовь нелицемерну утверди в душах наших, и на всяк путь Божественных заповедей настави, во еже ходити нам по заповедем Сына Твоего, Господа нашего Иисуса Христа, Емуже слава подобает, со Отцем и Святым Духом, ныне и присно и во веки веков. Аминь.

Тропарь, глас 4

Днесь светло красуется обитель Красногорская, и с нею ликовствует Раифская пустыня, яко зарю солнечную, от востока возсиявшую, восприимши, Владычице,

чудотворную Твою икону, еюже разгоняеши мглу искушений и бед от вопиющих верно: избави обитель нашу и вся страны христианския от всех навет вражиих и спаси души наша, яко Милосердная Заступница рода христианскаго.

Ин тропарь, глас 5

Веселятся православнии народи, видяще, Владычице Дево Богородице, Твою пречудную и чудотворную икону, и приемлют врачевство душевное и телесное Твоею милостию всегда. Темже и мы, покланяющесе оней, усердно Тебе вопием: помилуй, Благая Мати, смиренныя рабы Твоя и избави нас от всякаго зла и навета вражия, молящи Сына Твоего Господа Иисуса, да, спасшеся zde, Небесное жительство получим человеколюбием и благодатию Его.

Кондак, глас 8

Тебе, Избранней от всех родов, Божией Матери, благодарственная пения приносим, пришествием честныя Твоя иконы, раби Твои, Богородице, озаряеми, но, яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Ин кондак, глас 6

Аще попущением Божественным от рук неверных честная Твоя, Владычице, икона поруганию подвержеся и копием варвар прободена бысть, обаче во стране нашей Православней любочестно всеми прославляется и благоговейно почитается, сего ради Тобою является слепым зрение, глухим слышание, немым глаголение, хромым хождение, разслабленным укрепление, скорбным утешение и отраду. Сих ради молим Тя, Милосердая Мати, до конца пробави милости Твоя на нас, яко Благая.

Величание

Величаем Тя, Пресвятая Дево, Мати Христа Бога нашего, и чтим образ Твой святыи, от негоже источаеши исцеления всем, с верою к Тебе притекающим.



Икона Божией Матери «Густынская», или «Ярмарковская»

(28 июля/10 августа)

Пред иконой Пресвятой Богородицы «Густынская-Ярмарковская» молятся об облегчении и исцелении немощи телесной и душевной.

Молитва ко Пресвятой Богородице пред Ее иконою «Густынская- Ярмарковая»

Царице моя преблагая, надеждо моя Богородице, приятелище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебе, ни инья предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

Тропарь, глас 2

Моление теплое и стена неборимая, милости источниче, миру прибежище, прилежно вопием Ти: Богородице Владычице, предвари, и от бед избави нас, Едина вскоре предстательствующая.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари яко Благая на помощь нас, верно зовущих Ти, ускори на молитву и потщися на умоление, предстательствующи присно, Богородице, чтущих Тя.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Державная»

(2/15 марта)

Пред иконой Пресвятой Богородицы «Державная» молятся о правде, сердечной радости, нелицемерной любви друг к другу, о мире в стране, о спасении и сохранении России, о покровительстве трона и государства, об избавлении от иноплемennых и о даровании исцелений телесных и душевных.

Молитвы ко Пресвятой Богородице пред Ее иконою «Державная»

Молитва первая

О Державная Владычице, Пресвятая Богородице, на объятиих Своих держащая Содержащаго дланию всю вселенную, Царя небеснаго! Благодарим Тя за неизреченное милосердие Твое, яко благоволила еси явити нам, грешным, сию святую чудотворную икону Твою во дни сии.

Благодарим Тя, яко призрела еси с высоты святых Своя на чад православных, и, яко солнце светлое, увеселяеши ныне изнемогшия от печали очеса наша пресладостным зрением державного образа Твоего! О Препоблагословенная Матерь Божия, Державная Помощнице, крепкая Заступнице, благодарящее Тя, со страхом и трепетом, яко раби непотребнии, мы припадаем, со умилением, с сокрушением сердечным, со слезами молим Тя: вкорени в сердцах всех нас правду, мир и радость о Дусе Святе, водвори в стране нашей тишину, благоденствие, безмятежие, любовь друг ко другу нелицемерную! Державою Твоею всеильною поддержи нас, слабых, малодушных, немощных, унылых, подкрепи, возстави! Яко да под державою Твоею всегда храними, поем, величаем и славим Тя, Державную Заступницу рода христианского во веки веков. Аминь.

Молитва вторая

О мира Заступнице, Матерь Всепетая, со страхом, верою и любовию припадающе перед честною иконою Твоею Державною, усердно молим Тя: не отврати лица Твоего от прибегающих к Тебе, умоли, Милосердная Матерь Света, Сына Твоего и Бога нашего, Сладчайшего Господа Иисуса Христа, да сохранит в мире страну нашу, да утвердит

державу нашу в благоденствии, да избавит нас от междоусобных брани и укрепит Святую Церковь нашу Православную, да непозыблему соблюдет ю от неверия, раскола и ересей. Не имамы бо иныя помощи, не имамы иныя надежды, разве Тебе, Пречистая Дево: Ты еси Всесильная христиан Заступница пред Богом, праведный гнев Его умягчающая. Избави всех, с верою Тебе молящихся, от падений греховных, от навета злых человек, от глада, скорбей и болезней. Даруй нам дух сокрушения, смирение сердца, чистоту помышлений, исправление греховныя жизни и оставление согрешений наших, да вси, благодарне воспевающе величия Твоя, сподобимся Небеснаго Царствия и тамо со святыми прославим Пречистое и великолепое Имя в Троице славимаго Бога: Отца, Сына и Святаго Духа. Аминь.

Тропарь, глас 4

Ангелов лица благоговейно Тебе служат, и вся Небесныя силы немолчными гласы Тя ублажают, Богородице Дево, усердно молим Тя, Владычице: да пребудет Божественная благодать на честней иконе Твоей Державной, и светозарный луч славы чудес Твоих да нисходит от нея на всех, с верою Тебе молящихся и вопиющих Богу: аллилуия.

Ин тропарь, глас тойже

Града Сионска взыскующе, под Твой кров, Дево Чистая, днесь притекаем, и никтоже возможет на ны, яко несть град силен, аще не Сущаго Бога, и несть ина крепость, аще не милость Владычицы Девы.

Ин тропарь, глас тойже

Век скончается, любовь оскудевает, победу лукавый торжествует, и кто нам помощи может, аще не Ты, Дево, Чудная Мати, оградиши Крестом Сына Твоего.

Кондак, глас 8

Взбранной Воеводе победительныя песни приносим, яко даровася нам держава Твоя, и ничесоже устрашимся, не от мира бо спасение наше, но Превознесенныя Владычицы милосердием ограждаемся и тому днесь радуемся, яко прииде Заступница на стражу земли Своя.

Ин кондак, глас тойже

Взбранней Воеводе, Заступнице нашей Державней, песни благодарственныя приносим о даровании нам иконы Ея святыя, еюже ограждаемы, ничесоже устрашимся, не от человек бо спасение наше, но Препоблагоденныя Владычицы милосердием. Темже днесь радуемся и празднуем светло, яко прииде Державная на стражу земли Своя.

Ин кондак, глас тойже

Избранней от всех родов Заступнице
рода христианскаго, покровом Своея бла-
гости покрывающей страну нашу право-
славную, благодарственные пения при-
носим Ти, Владычице, о явлении нам
чудныя иконы Твоея Державныя. Ты же,
яко Всемиловитая Заступница всех, с ве-
рою к Тебе притекающих, от всяких нас
бед свободи, да зовем Ти: радуйся, Матерь
Божия Державная, Заступнице Усердная
рода христианскаго.

Величание

Величаем Тя, Пресвятая Дево, Бого-
избранная Отроковице, и чтим Державный
образ святыни Твоея, имже подаеши ве-
лию милость всем, с верою к нему при-
текающим.

Ино величание

Достойно есть величати Тя, Богородице,
честнейшую Херувим и славнейшую без
сравнения Серафим.

Или сие:

Достойно есть величати Тя, Богородице,
земли Русския Царицу Небесную и людей
православных Владычицу Державную.



Икона Божией Матери «Донская»

(19 августа/1 сентября)

Пред иконой Пресвятой Богородицы «Донская» молятся об избавлении от иноплемennых и о сохранении Российской державы, о помощи православному русскому воинству, в трудные для России времена.

Молитвы ко Пресвятой Богородице пред Ее иконою «Донская»

Молитва первая

О Пресвятая Владычице, Дево Богородице, Заступнице наша благая и скорая! Воспеваем Ти вси благодарственная за чудная дела Твоя. Песнословим от лет древних неотъемлемое заступление Твое граду Москве и стране нашей, чудотворным образом Твоим Донским всегда являемое: в бегство обращаются полцы чуждих, гради и веси невредими сохраняются, людие же от лютыя смерти избавляются. Осушаются очи слезящеи, умолкают стенания верных, плач в радость общую претворяется. Буди и нам, Пречистая Богородице, утешение в бедствиях, возрождение надежды, образ мужества, источник милости и в скорбных обстоятельствах неистощимое терпение нам даруй.

Подаждь коемуждо по прошению и нужде его: младенцы воспитай, юныя уцеломудри и страху Божию научи, унывающие ободрь и немощную старость поддержи. Посети в болезнях и печалех Сущия, злая сердца умягчи, братолюбие укрепи, мира и любви всех нас исполни. Примири, Благосердая Мати, враждующия и оправдай оклеветанныя. Истреби пороки, да не восходят греси наши пред Судиею всяческих, да не постигнет нас праведный гнев Божий. Твоими молитвами, всемогущим Твоим покровом огради нас от нашествий вражиих, от глада, губительства, огня, меча и всякаго иного злострадания. Уповаем молитвами Твоими получитьи от Всевышняго Бога грехов прощение и изглаждение и с Богом примирение. Умоли стяжати нам Царствие Небесное и по скончании жизни нашаю одесную Престола Божия стати, идеже Ты, о Всепетая Дево, Святей Троице в вечней славе предстоиши. Удостой и нас с лики Ангелов и святых тамо восхвалити Пречестное Имя Сына Твоего, со Безначальным Его Отцем и Всесвятым и Благим и Животворящим Его Духом, во веки веков. Аминь.

Молитва вторая

О Всемиловитая Мати, Пречистая Дево Богородице! Услыши и приими моление мое. Призри на язвы души и тела моего,

греси юности, забвеннии и утаеннии, отягчают совесть мою, омый мя струями слезными, сними бремя тяжкое, укрепи мя, да сотворю плоды достойныя покаяния. Тернием скорбей усыпан есть путь мой. Вем, яко правда Божия накажет мя, умоли милосердие Божие о мне. Призри на стенание мое, и исправи путь мой, и спаси мя и чада и ближния моя. Буди ми сокровище веры и Хранительница благочестия. Даруй несокрушимое терпение в бедах, от веры проистекающее. Изгони гнев, зависть, уныние, памятозлобие, нечистоту, леность; сими и большими пороки недугует душа моя! Примири враждующих, оправдай оклеветанных, просвети нас, Владычице, светом Сына Своего и даждь нам глаголати другом и чадом своим слово истины, твердое в правде, мирное любве ради, растворенное благоразумием, посети в болезнях и печалех сущих, да вси, под державным покровом Твоим сохраняеми, безбедно Царствия Небеснаго достигнем, хвалу воздающе за вся Человеколюбцу Богу всегда, ныне и присно и во веки веков. Аминь.

Молитва третья

О Всемиловитая Мати, Пречистая Дево Богородице! Ты еси свет ума моего, радость сердца моего, сила воли моя.

Услыши и приими моление мое. Призри на язвы души и тела моего, обогатихся страстями, обнищах смирением. Исполнен есмь стыда за злая дела и трепещу Суда Божия. Греси юности, забвеннии и утаеннии греси отягчают совесть мою. Омый мя струями слезными, сними бремя тяжкое, греховное, да сотворю плоды достойныя покаяния. Тернием скорбей усыпан есть путь мой. Вем, яко правда Божия наказует мя. Умоли милосердие Божие о мне, призри на слезы моя и исправи и спаси мя и чада моя, буди ми сокровище веры и хранилище благочестия. Даруй несокрушимое терпение в бедах, от веры истекающее, отыми дух праздности, уныния, любоначалия. Изгони гнев, зависть, памятозлобие, нечистоту, леность, сими и большими пороки недугует душа моя. Примири враждующия, оправдай оклеветанныя. Просвети нас светом Сына Твоего и даждь нам глаголати слово истины, твердое в правде, мирное любви ради, растворенное благоразумием. Посети в болезнях и печалех сущих, да вси, под державным покровом Твоим сохраняеми, безбедно Царствия Небеснаго достигнем, хвалу воздающе за вся Человеколюбцу Богу. Аминь.

Молитва четвертая

К кому возопию, Владычице, к кому прибегну в горести моей, аще не к Тебе, Царице Небесная? Кто плачь мой и воздыха-

ние мое примет, аще не Ты, Пренепорочная, надеждо христиан и прибежище нам, грешным? Кто паче Тебе в несчастиях защитит? Услыши убо стенание мое, и приклони ухо Твое ко мне, Владычице, Мати Бога моего, и не презри мя, требующаго Твоея помощи, и не отрини мене, грешнаго. Вразуми и научи мя, Царице Небесная: не отступи от мене, раба Твоего, Владычице, за роптание мое; буди мне Мати и покровительница. Вручаю себе милостивому покрову Твоему, аще токмо восхощеши устроить о мне. Приведи мя, грешнаго, к тихой и безмятежней жизни, да плачуся о гресех моих. Увы мне, к кому прибегну повинный аз, токмо к Тебе, упованию и прибежищу грешных, в надежде на неизреченную милость Твою и щедроты? Кое ли слово за преступления моя изреци возмогу к величеству славы Твоея? О Владычице Царице Небесная, Ты мне Мати и надежда: Ты ми упование и прибежище, покров, заступление и помощь. Царице моя Преблагая и Пребыстрая заступнице, покрый Своим ходатайством моя прегрешения, защити мене от враг видимых и невидимых: умягчи сердца злых человек, возстающих на мя. О Мати Господа моего Творца, Ты корень девства и неувядаемый цвет чистоты. О Богородительнице, Ты подаждь ми помощь немощствующему

плотскими страстями и болезнующему сердцем: едино бо Твое, и с Тобою Твоего Сына и Бога нашего, имею заступление, и Твоим пречудным заступлением да оправдан буду, и да избавлюся от всякия беды и напасти Всесильными Твоими молитвами, Всечистая, и Непорочная, и Преславная Божия Матерь Марие. Радуйся, Благодатная; радуйся, Обрадованная; радуйся, Преблагословенная, Господь с Тобою. Аминь.

Тропарь, глас 4

Заступнице верных Преблагая и Скорая, Пречистая Богородице Дево! Молим Тя пред святым и чудотворным образом Твоим, да, якоже древле от него заступление Твое граду Москве даровала еси, тако и ныне нас от всяких бед и напастей милостивно избави и спаси души наша, яко Милосердая.

Ин тропарь, глас тойже

Всепетая и Всеславная Царице Богородице, Мати всея твари Содетеля, христианская надеждо и Заступнице, не надеющимся и отчаявшимся скорое надеяние, молим Тя: милостива буди нам,

грешным, не остави раб Твоих и не отри-
ни моления недостойных. Молимся, взи-
рающе ко образу Твоему честному святых
и чудотворных иконы Твоея и вопиюще: с
плавающими и путешествующими да пре-
будет милость Твоя. О Владычице, ризою
Твоею честною защити, и во всяких ме-
стех злых верных соблюди, и молися к
Рождшемуся из Тебе Христу Богу наше-
му, да спасет от грех души наша.

Кондак, глас 8

Взбранной Воеводе победительная, яко
избавльшеся от злых, благодарственная
восписуем Ти, раби Твои, Богородице, но,
яко имущая державу непобедимую, от
всяких нас бед свободи, да зовем Ти: ра-
дуйся, Невесто Неневестная.

Ин кондак, глас 2

В Небесныя обители преселившаяся с
плотию, сущия на земли никакоже оста-
вила еси, Богородице, образ Божественный
и многочудесный Пречистаго Лица Твоего
зрети любящим Тя и покланяться даро-
вала еси, яко знамение Твоея благодати;
чтим его, лобызающе.

Величание

Величаем Тя, Пресвятая Дево, и чтим образ Твой святой, имже дивную победу на агаряны православным даровала еси.

Ино величание

Величаем Тя, Пресвятая Дево, и чтим образ Твой святой, имже заступление дивное граду Твоему даровала еси.



Икона Божией Матери «Древо государства Российского»

*(21 мая/3 июня;
23 июня/6 июля;
26 августа/8 сентября)*

Пред иконой Пресвятой Богородицы «Древо государства Российского» молятся об избавлении от бед и о защите страны от врагов, о сохранении Российской державы и о мире в стране.

Молитва ко Пресвятой Богородице пред Ее иконою «Древо государства Российского»

Пресвятая Владычице моя Богородице! Святими Твоими и всесильными мольбами отжени от мене смиренного и окаянного

раба Твоего уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего, и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Дуниловская»

(29 июня/12 июля)

Пред иконой Пресвятой Богородицы «Дуниловская» молятся о получении облегчения и исцеления при всякой немощи телесной и душевной.

Молитва ко Пресвятой Богородице пред Ее иконою «Дуниловская»

О Пресвятая Госпоже Владычице Богородице! Со страхом, верою и любовью пред честною и чудотворною иконою Твоею припадающе, молим Тя: не отврати лица Твоего от прибегающих к Тебе. Умоли, Милосердая Мати, Сына Твоего и Бога нашего, Господа Иисуса Христа, да сохранит мирну страну нашу, да утвердит державу нашу, Церковь же Свою святую непоколебиму да соблюдет, и от неверия, ересей и раскола да избавит. Не имамы бо иныя помощи, не имамы бо иныя надежды, разве Тебе, Пречистая Дево, Ты еси всесильная христиан Помощница и Заступница. Избави же и всех, с верою Тебе молящихся, от падений греховных, от навета злых человек, от всяких искушений, скорбей, болезней, бед и от внезапныя смерти. Даруй нам дух сокрушения, смирение сердца, чистоту помышлений, исправление греховныя жизни и оставление прегрешений, да вси, благодарне воспевающе величия и милости Твоя, являемая над нами zde на земли, сподобимся и Небеснаго Царствия, и тамо со всеми святыми прославим Пречестное и Великолепое имя Отца и Сына и Святаго Духа во веки веков. Аминь.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Елецкая- Владимирская»

(26 августа/8 сентября)

Пред иконой Пресвятой Богородицы «Елецкая-Владимирская» молятся о защите от иноверных и иноплеменных, об исцелении всякой немощи телесной и душевной.

Молитва ко Пресвятой Богородице пред Ее иконою «Елецкая- Владимирская»

О Пресвятая Госпоже Владычице Богородице! Выпши еси всех Ангел и Архангел и всея твари честнейши, помощница еси обидимых, ненадеющихся надеяние, убогих заступница, печальных утешение, алчущих кормительница, нагих одеяние, больных исцеление, грешных спасение, христиан всех поможение и заступление. О Всемиловитая Госпоже, Дево Богородице Владычице! Милостию Твоею спаси и помилуй страну

нашу, преосвященныя митрополиты, архиепископы и епископы, и весь священнический и иноческий чин, военачальники, градоначальники и христолюбивое воинство, и доброхоты, и вся православныя христиане ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О Всемиловитая Госпоже Владычице Богородице! Воздвигни нас из глубины греховныя, и избави нас от глада, губительства, от труса и потопа, от огня и меча, от нахождения иноплемennых и междоусобныя брани, и от внезапныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя еже ко спасению, и сподобины, грешныя рабы Твоя, Царствия Сына Твоего, Христа Бога нашего, яко Держава Его благословена и препрославлена, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 4

Днесь светло красуется древний град Елец, поминающе славное чудо Пресвятыя Богородицы: егда бо на стогнах

Первопрестольныя Москвы икону Ея чудную людие московстии сретаху, тогда Сама, Владычице, на горе Аргамачстей во граде Ельце, на сретение нечестивому Тамерлану изшедше, грозное его нашествие вспять обрати. Сего дивнаго явления изображение на новописанней иконе зряще и Заступницу нашу за вся благодеяния Ея благодаряще, умильно Ей взываем: и в предняя не остави нас, о Мати Милосердая.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Елецкая- Черниговская»

(5/18 февраля)

Пред иконой Пресвятой Богородицы «Елецкая-Черниговская» молятся об исцелении душевных и телесных страданий верующих.

Молитва ко Пресвятой Богородице пред Ее иконою «Елецкая- Черниговская»

Премилосердая наша Заступнице, и душ наших благая Хранительнице, и телес наших милосердая Целительнице, Богородице Дево! Вемы, яко недостойни есмы, не точию Твоих дарований причастницы быти, но и очей своих на чудотворный Твой образ возвести, зане души наша грехов исполнены суть и очи завистными и блудными воззреньми осквернены суть. Обаче Твое сострадание человеком, в нуждах и скорбех пребывающим, воспоминающе, им же Твоего Божественнаго Сына на первое чудо в Кане Галилейстей преклонила еси, и даже до днесь Того праведный гнев от грешников отвращаеши, паки и паки на мольбу Тебе, пред чудотворным Твоим образом, подвигаемся и со смиренным упованием Тебе просим: испроси грехом нашим прощение, от пагубных страстей исцеление, от нечувствия и от сна духовнаго пробуждение и о добродетелех христианских ревность. Сими убо дарованьми души наша украсивши, избави нас от горестей, в уныние некрепкая сердца наша повергающих, исцели болезни молящихся и о нихже молитву тии приносят, от напрасныя смерти жизнь нашу сохрани и сию христианскою кончиною во время по-

добно увенчати сподоби. Но и земное наше пребывание от взаимныя злобы и зависти огради, и в любви Христовой сие препроводити нам помози. Церковь Сына Твоего во всей вселенней умножи и утверди, еретиком обращение ко истине испроси, языком же неверным веры истинное познание. Такожде и одоление на враги и супостаты даруй, и всех нас научи, якоже во дни веселия, тако и во дни печали Тебе прославляти и о всех Сына Твоего благодарити, житие свое в Его святую волю вручати со упованием вечнаго спасения ожидать, да и тамо прославим Его Пресвятое имя и Твое милосердное предстательство во веки веков. Аминь.

Тропарь, глас 6

Твоего милосердия дарования воспоминающе, Владычице, и Твой чудотворный образ благоговейно лобызающе, упованием же Твоя помощи сердца наша веселяще, аки среди нас прибывающую Тя помышляем и верою Тебе вопием: Твоего моли Сына и Господа, да научит нас заповеди Его всегда творити и злыя искушения побеждать, и Тебе, Предстательницу нашу, достойно пети и славить во веки.

Кондак, глас 5

На неувядаемом древе угоднику явив-
шись, Твое же предстательство всем мо-
лящимся присно являючи, Владычице, и
нашего не отврати смиренного моления,
но прегрешений наших прощения ис-
проси и, скорби душ наших отъемши,
благодарственное наше приими поклоне-
ние, да любовь Тя во веки славим, Все-
петая.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери «Живоносный Источник»

*(В пятницу Светлой
седмицы)*

*Пред иконой Пресвятой Богородицы «Живонос-
ный Источник» молятся о сохранении правед-
ной жизни, об исцелении телесных и душев-
ных недугов, страстей, о помощи в скорби.*

Молитва ко Пресвятой Богородице пред Ее иконою «Живоносный Источник»

О Пресвятая Дево, Мати Господа нашего Иисуса Христа! Ты еси Мати и покровительница всех к Тебе прибегающих, призри с благосердием на молитвы грешных и смиренных чад Твоих. Ты, именуемая Живоносный Источник благодатных врачеваний, исцели болезни страждущих и умоли Сына Твоего, Господа нашего Иисуса Христа, да низпослет и всем притекающим к Тебе здравие душевное и телесное и, пролив нам вольная и невольная согрешения наша, дарует нам вся яже к вечней и временней жизни потребная. Ты еси всех скорбящих радость, услыши нас, скорбных: Ты еси утление печали, утоли и нашу печаль; Ты еси взыскание погибших, не попусти и нам погибнуть в бездне грехов наших, но всегда избавляй нас от всяких скорбей и напастей и всякого злаго обстояния. Ей, Царице наша преблагая, надеждо наша несокрушимая и заступнице неборимая, не отвори лица Твоего от нас за множество прегрешений наших, но простри нам руце Матерняго милосердия Твоего и сотвори с нами знамение милости Твоея во благо: яви нам помощь Твою и благопоспеси во всяком деле благом. От всякого же начинания

греховнаго и помышления лукаваго от-
врати нас, да всегда славим пречестное
имя Твое, величающе Бога Отца и Сына
Единороднаго Господа Иисуса Христа и
Животворящаго Святаго Духа со всеми
святыми во веки веков. Аминь.

Тропарь, глас 4

Почерпем, человецы, цельбы душам
и телом молитвою, Река бо всем предте-
чет — Пречистая Царица Богородица, ис-
точающи нам чудную воду и измывающи
сердце черноты*, греховныя струпы очи-
щающи, души же освящающи верных
Божественною Благодатию.

Кондак, глас 8

От неистощимыя Ты, Источниче Бо-
гоблагодатный, подаеши ми, точащи, воды
Твоея благодати, приснотекущий паче сло-
ва, яко бо Слово рождающая паче смысла,
молятся, ороси мя благодатию, да зову
Те: радуйся, Вода спасительная.

Величание

Величаем Тя, Пресвятая Дево, и чтим
образ Твой святой, имже болезни наша
врачуеши и души наша к Богу возводиши.

* Чернота — свойство черного, означающее
греховность.



Икона Божией Матери «Жировицкая»

(7/20 мая)

Пред иконой Пресвятой Богородицы «Жировицкая» молятся при гонениях на Православие, при сомнениях, об избавлении от пожаров, при всякой немощи телесной.

Молитва ко Пресвятой Богородице пред Ее иконою «Жировицкая»

О Премилосердная Госпоже, Дево Богородице! Киима устнама прикоснуса ко святыни Твоей или киими словесы исповем щедроты Твоя, людем являемая: никтоже бо, притекаяй к Тебе, отходит тощ и не услышан. От юности моя взысках помощи и заступления Твоего и николиже лишен бых милосердия Твоего. Зриши, Госпоже, скорби сердца моего и язвы души моя ве-си. И ныне, коленопреклоненно предстоя пред пречистым Твоим образом, моления моя приношу Ти: не лиши мя всесильного ходатайства Твоего в день скорби моя и в день печали моя заступи мя. Тока слез моих не отвратися, Владычице, и радости мое сердце исполни. Прибежище и предстательство буди мне, Милостивая, и света Твоего зарями ум мой просвети. И не токмо молю Тя о себе, но и о людех, притекающих

к заступлению Твоему. Церковь Сына Твоего во благодати соблюди и огради ю от злокозненных наветов враг, возстающих на ню. Архипастырем нашим последи помощь Твою во апостольстве и сохрани их здравы, долгоденствующи, право правящи слово истины Господни. Пастырем испроси у Бога, Сына Твоего, ревность и бдение о душах врученного им стада словеснаго и дух разума и благочестия, чистоты и правды Божественныя им низпосли. Испроси такожде, Владычице, у Господа влаstem держащим и градоправителем мудрость и силу, судиям правду и нелицеприятие, всем же, притекающим к Тебе, дух целомудрия, смиренномудрия, терпения и любви. Еще же молю Тя, Премилосердная, осени страну нашу кровом Твоея благодати и избави ю от бедствий стихийных, нашествия иноплеменников и междоусобных нестроений, да вси, живущии в ней, в любви и мире пребывающе, тихое и безмятежное житие проживут и, благ вечных молитвами Твоими унаследивше, возмогут купно с Тобою восхваляти Бога на Небеси во веки. Аминь.

Тропарь, глас 2

Помощи от Тебе требующия не презри, Владычице, и милосердия бездну отверзи всем притекающим к цельбоносней иконе Твоей. Печали наша житейския утоли,

Всещедрая, и от юдоли* сея плачевныя к радости вечней верныя Твоя престави: Тебе бо вси стяжахом надежду и утверждение, милости источник, покров и спасение душ наших.

Кондак, глас 4

Величия Твоя кто исповестъ, Пресвятая Дево, Творца всех Христа Бога рождающая? Едина бо еси Мати и Дева, Препрословенная и Препрославленная, упование наше, источник благодости, верным прибежище и миру спасение.

Величание

Величаем Тя, Пресвятая Дево, и почитаем честную икону Твою, юже от лет древних во обители Жировицкой прославила еси.



Икона Божией Матери «Звезда Пресветлая»

(31 декабря/13 января)

Пред иконой Пресвятой Богородицы «Звезда Пресветлая» молятся о торжестве Православия, за страждущих близких и о спасении близких.

* Юдоль — здешний мир и земная жизнь, исполненные бедствий.

Молитва ко Пресвятой Богородице пред Ее иконою «Звезда Пресветлая»

Царице моя преблагая, надеждо моя Богородице, прибежище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, направи мя яко странна. Обиду мою веси, разреши ту, якоже волиши: яко не имам иных помощи разве Тебе, ни иных предстательницы, ни благия утешительницы, токмо Тебе, о Богомати, яко да сохраниши мя и покроеши во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Знамение» Абалацкая

(20 июля/2 августа
и 27 ноября/10 декабря)

Пред иконой Пресвятой Богородицы «Знамение» Абалацкая молятся при расслаблении и параличе, об исцелении болезней глаз и слепоты.

Молитва ко Пресвятой Богородице пред Ее иконою «Знамение» Абалацкая

О Пресвятая Владычице моя Богородице, милосердия сущи источник, покрове, упование и прибежище христиан! Тебе, Всесильней Предстательнице и Споручнице покаяния и спасения моего, аз, грешный раб Твой, вручаю душу и тело мое, входы и исходы моя, веру и жителство мое, кончину и число дней моих, глаголы и помышления моя, дела и начинания моя; Ты же, милостивая Мати Божия, мною руководствуй, покрывай, соблюдай и спасай мя от всех вражеских козней неведимо, да немолчно, до последнего издыхания моего, взываю Ти:

Радуйся, Невесто Неневестная!

Радуйся, Святая, святых большая!

Пресвятая Богородице, спаси мя!
Аминь!

Тропарь, глас 4

Яко необоримую стену и источник чудес стяжавше Тя раби Твои, Богородице пречистая, сопротивных ополчения низлагаем. Темже молим Тя: мир граду Твоему даруй и душам нашим велию милость.

Кондак, глас тойже

Честнаго образа Твоего знамение празднующе людие Твои, Богородительнице, имже дивную победу на сопротивных

граду Твоему даровала еси. Темже Тебе верою взываем: радуйся, Дево, христиан похвало.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Знамение» Корчемная

(27 ноября/10 декабря)

Пред иконой Пресвятой Богородицы «Знамение» Корчемная молятся о наставлении в Православной вере, об избавлении от ереси и расколов, об исцелении болезней рук и ног, от пьянства, о вразумлении отпавших от веры Православной и о возвращении заблудших в Церковь.

Молитва ко Пресвятой Богородице пред Ее иконою «Знамение» Корчемная

О Пресвятая Владычице Богородице, Небеснаго Царя Мати, Богоизбранная Отроковице! Ненадежных надеяние, больных

исцеление, сирым предстательнице, скорбящим утешение и радость, обидимым покровительнице и всем в бедах и напастьх сущим скорое поможение и заступление! Помози, о Мати Божия, и нам грешным в скорби нашей, возвесели радостию сердца людей Твоих; управи в мире и тишине жизнь нашу и не даждь во отчаяние впасти, Ты бо Едина еси паче всех святых и паче всех горних умов Предстательница наша к Богу, яко Всеблагаго Царя Благая Мати. Темже мы, грешнии, на Пречистый Твой образ «Знамение» взирающе, умиленно преклоняем колена и, благоговейно лобызающе, молим Тя, Благосердная Мати: не отрини смиренного моления нашего и яви нам знамение милости Твоея: никтоже бо, к Тебе прибегая со упованием, исходит от Тебе посрамлен, но просит благодати и приемлет дар к полезному прощению, прославляя Сына Твоего и Бога, и Тебе с Ним, во веки веков. Аминь.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Знамение» Курская-Коренная

(8/21 сентября,
27 ноября/ 10 декабря,

8/21 марта, а также в девятую пятницу
после Пасхи)

*Пред иконой Пресвятой Богородицы «Знамение»
Курская-Коренная молятся об избавлении от
междоусобной брани, во время бедствия и на-
шествия врагов, об исцелении от слепоты и бо-
лезней глаз, холеры, об охране и благословении
наших соотечественников, вынужденных ски-
таться по свету, об умирении враждующих.*

Молитва ко Пресвятой Богородице пред Ее иконою «Знамение» Курская- Коренная

Царице наша Преплагая, надеждо наша,
Богородице, Приятелище сирых и стран-
ных Предстательнице, скорбящих Радосте,
обидимых Покровительнице, зриши нашу
беду, зриши нашу скорбь; помози нам, яко
немоощным, окорми нас, яко странных, оби-
ду нашу веси, разреши ту, яко волиши, из-
бави отечество наше, страждущую землю
Российскую, от лютаго безбожников обсто-
яния, спаси и сохрани рабы Твоя (*имя рек*)
и всех нас, zde предстоящих и молящих-
ся, и покрый нас от всякаго зла честным
Твоим омофором, яко не имамы иныя помо-
щи разве Тебе, ни иныя предстательницы,

ни благия утешительницы, токмо Тебе, о Богомати, яко да сохраниши нас и покрывши во веки веков. Аминь.

Тропарь, глас 4

Яко неборимую стену и источник чудес стяжавше Тя раби Твои, Богородице пречистая, сопротивных ополчение низлагаем. Темже молим Тя: мир граду Твоему даруй и душам нашим велию милость.

Кондак, глас тойже

Честного образа Твоего знамение празднующе людие Твои, Богородительнице, имже дивную победу на сопротивных граду Твоему даровала еси. Темже Тебе верою взываем: радуйся, Дево, христиан похвало.

Величание

Достойно есть блажити Тя, Богородице Дево, честнейшую Херувим и славнейшую без сравнения Серафим.



Икона Божией Матери «Знамение» Новгородская

(27 ноября/10 декабря)

Пред иконой Пресвятой Богородицы «Знамение» Новгородская молятся о прекращении бедствий, о защите от нападения врагов, от пожаров, о защите

от воров и преступников и о возвращении утраченного, об избавлении от чумы, об умирении враждующих и избавлении от междоусобной брани.

**Молитва ко Пресвятой Богородице
пред Ее иконою «Знамение»
Новгородская**

О Пресвятая и Преблагословенная Мати Сладчайшаго Господа нашего Иисуса Христа! Припадаем и покланяемся Тебе пред святою чудотворною иконою Твоею, воспоминающе дивное знамение Твоего заступления, великому Новграду от нея явленное во дни ратнаго на сей град нашествия. Смиренно молим Тя, всесильная рода нашего Заступнице: якоже древле отцем нашим на помощь тогда ускорила еси, тако и ныне нас немощных сподоби Твоего Матерняго заступления и попечения. Спаси и сохрани, Владычице, под кровом милости Твоея Церковь святую, град Твой, обитель Твою, страну нашу православную и всех нас, припадающих к Тебе с верою и любовью и умиленно просящих со слезами Твоего заступления. Ей, Госпоже Всемиловитая! Умилосердися на ны, обуреваемыя грехми многими, простри ко Христу Господу Богоприимныя руце Твоя и предстательствуй за нас пред благостию Его, просящи нам прощения прегрешений наших, благочестнаго, мирнаго жития,

благия христианския кончины и добраго ответа на Страшнем Суде Его; да спасаеми всесильными Твоими к Нему молитвами, блаженство райское унаследуем и со всеми святыми воспоем Пречестное и Великолепое имя достопокланяемая Троицы, Отца и Сына и Святаго Духа, и Твое велие к нам милосердие во веки веков. Аминь.

Тропарь, глас 4

Яко неодолимую стену и источник чудес стяжавше Тя, раби Твои, Богородице пречистая, сопротивных ополчения низлагаем. Темже молим Тя: мир граду Твоему даруй и душам нашим велию милость.

Кондак, глас тойже

Честнаго образа Твоего знамение празднующе, людие Твои, Богородительнице, имже дивную победу на сопротивных граду Твоему даровала еси. Темже Тебе верою взываем: радуйся, Дево, христиан похвало.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



**Икона
Божией Матери
«Знамение»
Царскосельская**
(27 ноября/10 декабря)

Пред иконой Пресвятой Богородицы «Знамение» Царскосельская молятся об избавлении от эпидемии, от пожара и кораблекрушений, о покровительстве трона и государства.

**Молитва ко Пресвятой Богородице
пред Ее иконою «Знамение»
Царскосельская**

О Пресвятая Дево, Мати Господа Вышних Сил, Небесе и земли Царице, града и страны нашае всемогущая Заступнице! Приими благодарение и славу от нас недостойных раб Твоих, и вознеси молитвы наша ко престолу Бога Сына Твоего, да явит нам знамение милосердия Своего и пробавит благодать Свою чтущим Всечестное имя Твое и с верою и любовию покланяющимся чудотворному образу Твоему. Несмы бо достойни от Него помиловани быти, аще не Ты умиловиши Его о нас, Владычице, Тебе же вся от Него возможна суть. Сего ради к Тебе прибегаем, яко к несомненной и скорей Заступнице нашей. Услыши нас молящихся Тебе, осени нас вседержавным покровом

Твоим, и испроси от Господа Вседержителя стране нашей и православному народу мир, здравие, спасение и во всем благое поспешение, пастырем же нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, ибидящим страх Божий, скорбящим благодушие, радующимся благословение, болящим здравие, напаствуемым заступление, нам же всем дух веры и благочестия, дух милосердия и кротости, дух чистоты и правды. Ей, Царице Преблагая! Умилосердися на немощныя люди Твоя, рассеянные по распутием мира собери, заблуждающия на путь правый настави, старость укрепи, юныя уцеломудри, младецы воспитай, и призри на всех нас призрением Матерняго Твоего милосердия, воздвигни нас из глубины греховныя и просвети сердечныя очи наши ко зрению спасения. Милостива нам буди zde и тамо, во стране земнаго пришельствия и на Страшнем Суде Сына Твоего, преставльшиися же в вере и покаянии от жития сего отцы и братию нашу в вечней жизни со Ангелы и со всеми святыми жити сотвори. Ты бо еси, Госпоже, слава небесных и упование земных, Ты по Бозе наша Надежда и Заступница всех притекающих к Тебе

с верою. Тебе убо молимся, и Тебе, яко всемогущей Помощнице, сами себе и друг друга и всю жизнь нашу по Христе Бозе предаем, ныне и присно и во веки веков. Аминь.



Икона Божией Матери «Иверская»

*(12/25 февраля,
13/26 октября и во
вторник Светлой седмицы)*

Пред иконой Пресвятой Богородицы «Иверская» молятся об избавлении от разных напастей и об утешении в бедах, от пожара, об умножении плодородия земли, об избавлении от скорби и печали, об исцелении недугов телесных и душевных, при тяжелых обстоятельствах, о помощи земледельцам.

Молитва ко Пресвятой Богородице пред Ее иконою «Иверская»

О Пресвятая Дево, Мати Христа Бога нашего, Царице Небесе и земли! Вонми многоболезненному воздыханию душ наших, призри с высоты святая Твоея на нас, с верою и любовью поклоняющихся пречистому образу Твоему. Се бо, грехми погружаемыи и скорбьми обуреваемии, взирающе на Твой образ, яко живей Ти сущей с нами приносим смиренная моления наша. Не имамы бо иныя помощи, ни иного

предстательства, ни утешения, токмо Тебе, о Мати всех скорбящих и обремененных! Помози нам, немощным, утоли скорби наша, настави на путь правый нас, заблуждающих, уврачуй болезненна сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину и на Страшном Суде Сына Твоего явися нам милосердая Предстательница, да всегда поем, величаем и славим Тя, яко благую Заступницу рода христианскаго, со всеми угодившими Богу, во веки веков. Аминь.

Тропарь, глас 1

От святых иконы Твоея, о Владычице Богородице, исцеления и цельбы подаются обильно, с верою и любовию приходящим к ней. Тако и мою немощь посети и душу мою помилуй, Благая, и тело исцели благодатию Твоею, Пречистая.

Кондак, глас 8

Аще и в море ввержена бысть святая икона Твоя, Богородице, от вдовицы, не могущия спасти сию от врагов, но явилася есть хранительница Афона и вратарница обители Иверския, враги устрашающая и в православней Российстей стране чтущия Тя от всех бед и напастей избавляющая.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Иерусалимская»

(12/25 октября)

Пред иконой Пресвятой Богородицы «Иерусалимская» молятся в скорби, печали и унынии, об исцелении от слепоты, болезней глаз и паралича, при эпидемии холеры, об избавлении от падежа скота, от пожара, при расслаблении, а также при нападении врагов.

Молитва ко Пресвятой Богородице пред Ее иконою «Иерусалимская»

Пресвятая Госпоже, Владычице Богородице, упование всех уповающих на Тя, Заступнице печальных, прибежище отчаянных, вдов и сирот Питательнице! Услыши и помилуй ны, грешныя и недостойныя рабы Своя, со умилением ко пречистому Твоему образу припадающия: умоли, Милосердая Владычице, Сына

Твоего и Господа нашего Иисуса Христа, да отвратит от нас праведный гнев Свой, да простит грехи и беззакония наша, яко да сподобимся благостию Его скончати житие наше в покаянии и получитьи милость Его со всеми избранными Его, яко благословена и препрославлена еси во веки веков. Аминь.

Тропарь, глас 4

Богорадованная Владычице, препрославленная Мати щедрот и человеколюбия, всемилостивая о всем мире Ходатаице! Прилежно раби Твои ко Твоему представительству прибегаем и, ко пречудному образу Твоему со умилением, припадающе, молимся: молитву теплую Сыну Твоему и Богу нашему сотвори, о Всепетая Царице Богородице, да от всяких болезней и печалей нас Тебе ради избавит, и от грехов всяких свободив, Царствия Своего Небеснаго наследники ны покажет: велие бо и неизреченное яко Мати к Нему дерзновение имаши и вся от Него испросити можещи, Едина во веки преблагословенная.

Кондак, глас 5

Не отрини, о Милосердая Мати, слез и воздыханий наших, но прошения наша милостивно приимши, пред Иерусалимскою

иконою Твоею молящихся людей веру
укрепи, умилением сердца их исполни,
и крест земнаго жития нести им помози,
елика бо хощещи можещи.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери, именуемая «Избавительница»

*(17/30 октября
и 4/17 апреля)*

*Пред иконой Пресвятой Бого-
родицы «Избавительница» молятся об исцелении
страждущих беснованием, от нашествия саран-
чи, об исцелении душевных и телесных немощей,
во время бедствия, о ниспослании благодатной
силы при разрешении трудных обстоятельств.*

Молитва ко Пресвятой Богородице пред Ее иконою, именуемой «Избавительница»

О Мати Божия, помощи и защите на-
ша, егда попросим, буди избавительница
наша, на Тя уповаем и всегда вседушно

Тя призываем: умилосердися и помози, пожалей и избави, приклони ухо Твое и наша скорбныя и слезныя молитвы приими, и якоже хочещи, успокой и обрадуй нас, любящих Твоего Безначальнаго Сына и Бога нашего. Аминь.

Тропарь, глас 4

Избавление Приносящая всем, от сердца Тебе призывающим, принеси избавление скорое и нам, в лютых бедах прибегающим и в Тебе единой избавление наше по Бозе полагающим.

Кондак, глас тойже

Ко иконе Твоей, Пресвятая Госпоже, бедствовавший с верою прикетше, заступлением Твоим избавишася от злых, но яко Мати Христа Бога, и нас свободи от лютых обстояний, временных и вечных, да зовем Ти: радуйся, Избавительнице от всех бед.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Изборская»

(22 марта/4 апреля)

Пред иконой Пресвятой Богородицы «Изборская» молятся об исцелении душевных и телесных страстей, об избавлении от нашествия иноплемennых, об избавлении от всякого зла.

Молитва ко Пресвятой Богородице пред Ее иконою «Изборская»

О Всесвятая Владычице, молимся Твоему благосердию, щедроты Твоя прияти людем Твоим и достоянию Твоему, стани Молитвенница к рождшемуся из Тебе Богу нашему, да поможет нам, конечно погибающим, да измет ны от напастей неисцельных. Зриши, Владычице, коликими слезами потопляеми есмы, умиловствися убо и не отрини нас до конца. Вскую, Царице, лице Твое отвращаеши и забываеши нищету нашу и печаль нашу, расточи належащий на ны страх и трепет, утиши подвигшийся на ны гнев Божий, и пагубу укроти, и сущия посреде нас распри и мятежи умири, и тишину и мир подаждь рабом Твоим благодеянием, и, сия приложивше, проповедаем всегда Твоя чудеса, чающе дойти Твоими

молитвами вечныя жизни, славяще Отца и Сына и Святаго Духа, ныне и присно и во веки веков. Аминь.

Тропарь, глас 4

Яко звезда пресветлая, возсия во граде Изборске образ честный Твой, Богородице Дево, от негоже иногда из обою очию течаху слезы, яко струя, егоже тогда видевше народи изборстии, мужи и жены с чады, с плачем моляхуся к нему, мы же, взирающе умильно, сие глаголем: о Пресвятая Владычице Богородице, не забуди нас, грешных раб Своих, молящихся Христу, Богу нашему, спастися нам.

Кондак, глас 8

Заступнице христианом усердная и Предстательнице граду нашему Изборску непостыдная, не презри моления нас, грешных, якоже иногда от Твоего честнаго образа слезы источила еси из обою очию, молящихся прилежно, но предвари, яко Блага, на помощь нашу, верно к Тебе припадающих, услыши наша моления, Богородице, избави нас от нахождения поганных, от всякаго зла, ускори же на молитву нашу и потщися на умоление, заступающи присно, Богородице, чтущих Тя и вопиющих Ти: радуйся, Дево, христианом похвало.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Казанская»

(8/21 июля
и 22 октября/4 ноября)

Пред иконой Пресвятой Богородицы «Казанская» молятся о прозрении слепых очей и исцелении болезней глаз, об избавлении от нашествия иноплемennых, об заступлении в тяжелые времена, об исцелении всякой немощи телесной, о сохранении Российской державы, ею благословляют вступающих в брак.

Молитва ко Пресвятой Богородице пред Ее иконою «Казанская»

О Пресвятая Госпоже Владычице Богородице! Со страхом, верою и любовью препадающе пред честною иконою Твоею, молим Тя: не отврати лица Твоего от прибегающих к Тебе. Умоли, Милосердая Мати, Сына Твоего и Бога нашего, Господа Иисуса Христа, да сохранит мирно страну нашу, Церковь Свою святую да незыблему

соблюдет от неверия, ересей и раскола. Не имамаы бо инья помощи, не имамаы инья надежды разве Тебе, Пречистая Дево, Ты еси Всесильная христиан Помощница и Заступница. Избави всех, с верою Тебе молящихся, от падений греховных, от навета злых человек, от всяких искушений, скорбей, бед и от напрасныя смерти. Даруй нам дух сокрушения, смирение сердца, чистоту помышлений, исправление греховныя жизни и оставление прегрешений, да вси, благодарне воспевающе величия Твоя, сподобимся Небеснаго Царствия и тамо со всеми святыми прославим пречестное и великолепое Имя Отца и Сына и Святаго Духа. Аминь.

Тропарь, глас 4

Заступнице усердная, Мати Господа Вышняго, за всех молиши Сына Твоего Христа Бога нашего и всем твориши спастися, в державный Твой покров прибегающим. Всех нас заступи, о Госпоже, Царице и Владычице, иже в напастех и в скорбех, и в болезнях, обремененных грехи многими, предстоящих и молящихся Тебе умиленною душею и сокрушенным сердцем пред пречистым Твоим образом со слезами и невозвратно надежду имущих на Тя, избавления всех зол, всем полезная даруй и вся спаси, Богородице Дево: Ты бо еси Божественный покров рабом Твоим.

Кондак, глас 8

Притецем, людие, к тихому сему и доброму пристанищу, скорой Помощнице, готовому и теплому спасению, покрову Девы, ускорим на молитву и потщимся на покаяние: источает бо нам неоскудная милости Пречистая Богородица, предваряет на помощь и избавляет от великих бед и зол благодатная помощь всем, с верою притекающим к нему.

Величание

Величаем Тя, Пресвятая Дево, и чтим образ Твой святой, от негоже истекает благодатная помощь всем, с верою притекающим к нему.



Икона Божией Матери «Казанская- Пензенская»

(4/17 августа)

Пред иконой Пресвятой Богородицы «Казанская-Пензенская» молятся об избавлении от нашествия иноплемennых, о помощи в различных житейских нуждах.

Молитва ко Пресвятой Богородице пред Ее иконою «Казанская-Пензенская»

О Пресвятая Владычице Богородице, Царице Небеси и земли, вышшая Ангел и Архангел и всея твари честнейшая, Чистая

Дево Марие, миру Благая помощнице, и всем людям утверждение, и во всяких нуждах избавление! Призри и ныне, Госпоже Всемилостивая, на рабы Твоя, Тебе умиленною душою и сокрушенным сердцем молящиеся, со слезами к Тебе припадающие и покланяющиеся пречистому и цельбоносному образу Твоему, и помощи и заступления Твоего просящая. О Всемилостивая и Премилосердая Дево Богородице Чистая! Воззри, Госпоже, на люди Твоя: мы бо грешнии не имамы иныя помощи, разве Тебе и от Тебе рождаемого Христа Бога нашего. Ты еси заступница и предстательница наша, Ты еси обидимым защищение, скорбящим радование, сирым прибежище, вдовам хранительница, девам слава, плачущим веселие, больным посещение, немощным исцеление, грешным спасение. Сего ради, о Богомати, к Тебе прибегаем и на Твой пречистый образ с Предвечным на руку Твоею держимым Младенцем, Господем нашим Иисусом Христом взирающе, умиленное пение Тебе приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему, яко Тебе слава подобает, ныне и присно и во веки веков. Аминь.

Тропарь, глас 4

Заступнице усердная, Мати Господа
Вышняго, за всех молиши Сына Твоего,
Христа Бога нашего, и всем твориши спа-
стися, в державный Твой покров прибегаю-
щим. Всех нас заступи, о Госпоже, Царице
и Владычице, иже в напастех, и скорбех,
и в болезнях обремененных грехи многи-
ми, предстоящих и молящихся Тебе уми-
ленною душою и сокрушенным сердцем
пред пречистым Твоим образом со слеза-
ми и невозвратно надежду имущих на Тя,
избавления всех зол, всем полезная даруй
и вся спаси, Богородице Дево: Ты бо еси
Божественный покров рабом Твоим.

Кондак, глас 8

Притецем, людие, к тихому сему и до-
брому пристанищу, скорой Помощнице, го-
товому и теплomu спасению, покрову Девы,
ускорим на молитву и потщимся на покая-
ние: источает бо нам неоскудные милости
Пречистая Богородица, предваряет на по-
мощь и избавляет от великих бед и зол
благодетельная и богобоящая рабы Своя.

Величание

Величаем Тя, Пресвятая Дево, и чтим
образ Твой святой, имже избавихомся от
поганных нашествий.



Икона Божией Матери «Казанская- Песчанская»

(8/21 июля)

Пред иконой Пресвятой Богородицы «Казанская-Песчанская» молятся об исцелении от недугов телесных, о помощи в житейских делах, о защите государства.

Молитва ко Пресвятой Богородице пред Ее иконою «Казанская- Песчанская»

О Премилостивая и Премилосердая Мати Божия, покровительнице града нашего Изюма и страны нашея, купно же и всего мира молитвеннице, приими коленопреклонение ума и сердца нашего и услыши молитвы, во умилении душ наших Тебе возсылаемыя, якоже издревле принимала еси молитвы любящих душ, zde пред иконою Твою возносимыя. Помози нам в побеждении прелестей и соблазнов мира сего, не попусти нам отверженным быти вечнаго небеснаго блаженства. Ты едина еси наша радость и утешение в жизни сей временней, Ты едина наша надежда в жизни вечней. Веруем, яко Ты Своею Богоматернею любовью и снисхождением удостоиши нас с Собою вожделеннаго Царствия Сына Твоего. Тебе

убо просим: не отступай от нас, Всеблагая, защищай от всех козней вражиих, непусти нам чрез грехи наша лишиться милосердия Божия, изжени из нас леность в молитве и посещении храма Божия. Избави нас от малодушия, уныния, вражды, гнева, подозрения, зависти, клеветы, ненависти и гордости бесовския. Вразуми поправших заповеди Церкви Христовы. Сродником нашим даруй мир и любовь, да согласно проживут родителие и дети. Да будет в стране нашей правда Божия, да сохраняются в народе нашем святоотечестии обычаи. Возноси, о Всеблагая, усердные молитвы пред Богом о всего мира умирении, да не погибнет род людский в пламени опустошения всемирнаго, да познают вси народи Отца своего Небеснаго и Тя, Матерь Божию, заступницу рода христианскаго. Приведи вся народы к истинному покаянию и жизни грехвныя исправлению, да не будет нам страшен день страшнаго суда Божия, но сподобит нас Господь с Тобою вечныя радости небесныя, Емуже подобает всякая слава, честь и поклонение, Отцу и Сыну и Святому Духу, ныне и присно и во веки веков. Аминь.

Тропарь, глас 4

О Пречудная, Преблагословенная Мати Христа Бога нашего, светом небесным от иконы Твояе люди страны Российския присно озаряющая, Ты бо еси преизобильная река

Благодати Божественныя. Сего ради к Сыну
Твоему молитвами от всяких нас бед защиты,
покровом милости Твоея огради и в Горний
Иерусалим, Царствие Небесное, возведи.

Кондак, глас 8

Взбранной Воеводе и Покровительнице
страны Российския, многия чудеса от ико-
ны Твоея предивныя приемше, похвальная
воспеваем Ти, Царице Богородице; Ты же,
яко имущая благодать от всяких нас бед
свободати, спаси души наша, да зовем Ти:
радуйся, Владычице мира, иконою Твоею
Песчанскою сердца наша утешающая.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери «Калужская»

(18/31 июля; 2/15
сентября; 12/25 октября
и первое воскресенье
Петрова поста)

*Пред иконой Пресвятой Богородицы «Калуж-
ская» молятся страдающие недугом расслабле-
ния, болезнью ушей, глухотой, об избавлении от
холеры и чумы, от нашествия иноплемennых.*

Молитва ко Пресвятой Богородице пред Ее иконою «Калужская»

О Пресвятая Дево, Мати Христа Бога нашего, Дивная Царице Небесе и земли! Вонми многоболезненному воздыханию сердец наших; призри с высоты святыя Твоея на нас, с верою и любовью предстоящих пред чудотворною Твоею иконою и со умилением молящихся Тебе, Владычице! Не предаждь умалению Церковь Православную, помози нам, Пресвятая Богородице, святоотеческую Православную веру до конца дней наших непорочно сохранить, во всех заповедех Господних неуклонно ходити и избави ны от пагубных душевредных учений.

На Твою, Дивная Царице Небеси и земли, милость уповаем раби Твои: очисти умы наша от греховных помыслов, душевного расслабления, обуревания страстей, от искушений, соблазнов и грехопадений; Ты бо еси, Владычице, крепкое прибежище грешников кающихся. Воздвигни нас из глубины греховныя и истинным покаянием ороси изсохшие сердца наша, просвети сердечныя очи наша к зрению спасения, и прельщенных бесовскою прелестию на путь правый настави; всякое дело злое и богопротивное разруши; всякому же благому и богоугодному делу научи

и споспешествуй; вложи, Владычице, в сердца наша дух страха Божия, дух благочестия, дух кротости, смирения, терпения, незлобия; умягчи злыя сердца наша и злые благи сотвори, ниспосли нам ревность о спасении ближних.

Вразуми и научи ны, о Всемилостная Заступнице наша, како безгрешно ходити по пути земнаго сего жития, яко Ты, Пресвятая, веси и веру нашу и упование наше видеши, Владычице мира! Скорбящих утеши, бедствующим помози; сохрани от молниеноснаго грома, тлетворных ветр, лютых болезней, смертоносныя язвы, междоусобныя брани, нашествия врагов иноплеменных.

Пресвятая Богородице! Избави ны от внезапныя и насильственныя смерти; всем нам даруй обращение на путь истинный и христианскую кончину живота нашего безболезненну, непостыдну, мирну, Святых Таин причастну. Во время исхода нашего предстани нам, Дево Богородице, и избави ны от власти бесовския, воздушных горьких мытарств и огня вечнаго. Скончавшимся внезапною смертию милостива быти Сына Твоего умоли и о всех усопших, иже не имут сродников, о упокоении их Сына Твоего умоляющих, Сама буди непрестанная и теплая Молитвенница и Ходатаица. Преставльшихся же в вере

и покаянии от временнаго жития сего отцы, братию и сестры наша сподоби Твоим ходатайством вселиться во обителях небесных со Ангелы и со всеми святыми, идеже непрестанно гласы празднующих и радостно славящих Пресвятую Троицу, Отца и Сына и Святаго Духа, ныне и присно и во веки веков. Аминь.

Тропарь, глас 4

Заступнице от враг иноплеменных Необоротимая Калужския земли и Избавительнице от смертоносных язвы Милостивая! Избави рабы Твоя от всяких бед и болезней, с верою и любовию прибегающия к чудотворней иконе Твоей, и спаси души наша.

Кондак, глас 6

Не имамы песней, ниже словес, како достойно восхваляти Тя, Мати Христа Бога нашего, явления ради чудотворных иконы Твоея земли Калужстей, токмо можем вопити Тебе: не отвори милости Твоея от нас и ниспосли ю всем притекающим к цельбоносней иконе Твоей.

Величание

Величаем Тя, Богородице Дево, и почитаем чудотворную икону Твою, еюже благоволила еси спасти землю Калужскую от нашествий вражиих и всегубительных болезней.



Икона Божией Матери «Кипрская»

*(20 апреля/3 мая
и в день Святого Духа)*

Пред иконой Пресвятой Богородицы «Кипрская» молятся об исцелении неизлечимых болезней и тяжких телесных недугов, об исцелении страждущих параличом и расслабленных, об избавлении от эпидемии и чумы, от моровых поветрий и холеры.

Молитва ко Пресвятой Богородице пред Ее иконою «Кипрская»

Нескверная, неблазная, нетленная, пречистая, чистая Дево, Богоневесто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупляющая, яже ненадежных едина надеждо и боримых помощи, готовое заступление к Тебе притекающих, и всех христиан прибежище! Не гнушайся мене грешного, скверного, скверными помыслы и словесы и деяньми всего себе непотребна сотворша, и разумом лености сластей жития раба бывша. Но яко человеколюбиваго Бога Мати, человеколюбне умилисердися о мне грешнем и блуднем, и приими мое еже от скверных устен приносимое Тебе моление; и Твоего Сына и нашего Владыку и Господа,

Матернее Твое дерзновение употребляючи, моли, да отверзит и мне человеколюбныя утробы Свояя благодати, и презрев моя безчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко милостивая и милосердая и благолюбивая, в настоящем убо житии теплая представительница и помощница, сопротивных нашествия отгоняючи, и ко спасению наставляючи мя, и во время исхода моего окаянную мою душу соблюдаючи, и темная зраки лукавых бесов далече от нея отгоняючи, в страшный же день Суда вечныя мя избавляючи муки, и неизреченныя славы Твоего Сына и Бога нашего наследника мя показуючи; юже и да улучу, Владычице моя, Пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа, Емуже подобает всякая слава, честь и поклонение, со Безначальным Его Отцем и Пресвятым и Благим, и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Козельщанская»

(21 февраля/5 марта)

Пред иконой Пресвятой Богородицы «Козельщанская» молятся при различных телесных повреждениях, травмах, обращаются с мольбой устроить семейное счастье, об исцелении тяжелых телесных недугов.

Молитва ко Пресвятой Богородице пред Ее иконою «Козельщанская»

Богородице Дево Пренепорочная Мати Христа Бога нашего, Заступнице всего рода христианского! Чудотворней иконе Твоей благоговейне предстояще, молим Тя, услыши нас молящихся Тебе: приими благодарения наша недостойная о всех неизреченных Твоих к нам благодеяниях, в месте сем и во многих весях и градах земли Российския явленных и являемых. Ты бо еси больных исцеление, скорбящих утешение, заблуждших исправление и вразумление. Буди всем нам покров и утешение, пристанище от всяких зол, бед и обстоятельств, от глада, труса, потопа, огня, меча, нашествия иноплемеников, смертоносных язвы и от злых человек

озлобления. О Премилосердная Мати, буди присно молитвенница любвеобильная о благосостоянии святого храма сего, о мире и тишине жительства общины сея, укрепи и поддержи священнодействующие и служащая во святем храме сем; осени вседержавным покровом Твоим строители и благотворители святые обители сея, воздаждь им вечными дары щедрот Твоих; заступи от всякия напасти и сохрани с верою и благоговением притекающая к чудотворней иконе Твоей и молящиеся Тебе с любовью zde и на всяком месте. Вознеси молитвы наша, яко кадило благовонное, ко престолу Всевышняго, дарующаго нам здравие, долгоденствие и в трудах благочестивых поспешение, да Твоим окормлением управляеми, и покровом Твоим осеняеми, прославим Отца, Сына и Святаго Духа и Твое Матернее о нас заступление, всегда, ныне и присно и во веки веков. Аминь.

Тропарь, глас 4

Веселися, земле Полтавская и все Отечество наше православное: се бо, яко светозарное солнце, явился пречудная икона Твоя, Препоблагословенная Богомати, мир

озаряючи множеством чудес Твоих, теми убо обретаем, яже на земли, вся благая и полезная, и сущих, яже на Небеси, сокровищ сподобляемся. Сего ради вопием Ти: радуйся Похвало наша, приснопоклоняемая, спаси ны, молящихся Тебе, единая Надеждо и Радование вечное поющих Тя.

Кондак, глас 3

Благолепно во смирении красуется обитель Красногорская, осеняемая и спасаемая предивным образом Владычицы Пречистыя, Небесе и земли Царицы Богородицы, от негоже источники благодати и чаша чудес обильно изливаются, и усердно притекающим исцеления верою приемлют, и невернии верою крепкою сердца исполняют и мы, раби Твои, Богомати, благодарне вопием Ти: радуйся, Предстательство христиан непостыдное и обители Твоя красото и радование.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Колочская»

(9/22 июля)

Пред иконой Пресвятой Богородицы «Колочская» молятся об исцелении болезней глаз и слепоты, болезней рук и ног, болезней ушей и глухоты, от паралича и расслабления, от немоты, при онемении языка.

Молитва ко Пресвятой Богородице пред Ее иконою «Колочская»

Пресвятая Владычице Богородице, Царице Небесе и земли, вышшая Ангел и Архангел и вся твари Честнейшая, Чистая Дево Марие, миру Благая помощнице, всех христиан поможение и утверждение, и всем во всяких нуждах избавление! Призри ныне, о Всемиловитая Госпоже, на рабы Твоя, умиленною душою и сокрушенным сердцем Тебе молящиеся, со слезами к Тебе припадающие и пречистому и цельбоносному образу Твоему поклоняющиеся, Твоя же помощи и заступления в скорбех и напастех своих просящая. Буди за нас ходатаица к Сыну Твоему, Христу Богу нашему, мы бо грешнии не имамы

иныя помощницы разве Тебе, Владычице. Ты еси наша надежда и упование, Ты еси заступница и предстательница наша, Ты обидимым защищение, печальным утешение, скорбящим радование, сирым прибежище, вдовам хранительница, девам слава, слезящим веселие, больным посещение, немощным исцеление, грешным спасение. Сего ради, о Богомати, к Тебе прибегаем, и на Твой святой образ взирающе, с любовью покланяемся Тебе с Предвечным на руку Твоею держимым Младенцем, Господем нашим Иисусом Христом, и молебное пение приносим, вопиюще: помилуй ны, Мати Божия, и прошения наша исполни во благо, вся бо возможна суть ходатайству Твоему к Сыну Твоему и Богу нашему, Ему же подобает всякая слава, честь и поклонение и благодарение, со Безначальным Его Отцем и со Присносущным Его Духом, ныне и присно и во веки веков. Аминь.

Величание

Величаем Тя, Пресвятая Дево, и чтим образ Твой святой, от него же истекает благодатная помощь всем, с верою притекающим к нему.



Икона Божией Матери «Конеvская»

(10/23 июля)

Пред иконой Пресвятой Богородицы «Конеvская» молятся об исцелении от беснования, болезней глаз и слепоты, от паралича и расслабления.

Молитва ко Пресвятой Богородице пред Ее иконою «Конеvская»

О Всемиловитая Госпоже Дево Богородице! Вонми смиренному молению моему и сокрушенно ныне предстоящего образу Твоему услыши глас. Вем бо, о Содетеля моего Мати, яко Ты еси предстательство христиан непостыдное и ходатайство ко Творцу непреложное. Вем и сие, яко беззакония моя превзыдоша главу мою и, яко бремя тяжкое, отяготеша на мне, и уже несмь достоин видети высоту Небесную, ниже возрети ко Престолу славы Сына Твоего и Бога нашего, но достоин мук и вечнаго осуждения. Сего ради к Тебе (со предстоящими купно) припадаю, Тя прошу умиленно, к Тебе со слезами взываю: сотвори к Нему матернее Твое моление, да не отвержет нас, грешных, от лица Своего, но, яко Милостив, да простит нам согрешения наша вольная и невольная, на путь спасения наставляя

нас и свыше силою укрепляя к творению заповедей Своих святых. Да сохранит нас от соблазнов мира, от вожделений греховных, от козней диавольских и от нападения видимых врагов. Да благословит дела рук наших, подавая обители сей и всякому граду и стране обилие благ земных. Да сотворит всем нам дни благи и безмятежны, да оградит миром Церковь Свою святую и разстоящая да соединит той, яко Благ Господь, Долготерпелив и Многомилостив, от всея твари со Отцем и Святым Духом славимый, во веки веков. Аминь.

Тропарь, глас 1

Возсия нам, яко солнце светозарное от востока в велелепии, Твоя, Владычице, икона, озаряющи чудес сиянием преславно всех, выну приходящих к ней с верою и любовию и молящихся усердно Твоему, еже о Сыне Твоем и Бозе, величию. Слава Богу, Арсением сию дававшему нам, слава возвратившему от Новаграда, слава действующему тою всем исцеления.

Кондак, глас 8

Препрославленная Вышняго Мати созывает к песнопению нас Своего образа пришествием от Новаграда и возбуждает зрением того на подвиг, побеждати

сопротивных силу, и к Ней, яко наша радость виновней, пети: радуйся, Невесто Невестная.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Коробейниковская»

*(воскресенье после
18 июня)*

Икона Божией Матери «Коробейниковская» является покровительницей Алтайского края, ей молятся о благополучии края и его жителей.

Молитва ко Пресвятой Богородице пред Ее иконою «Коробейниковская»

О Пречистая Владычице Богородице, Царице Небеси и земли, вышшая Ангел и Архангел и всея твари честнейшая, Чистая Дево Марие, миру Благая Помощнице, и всем людям утверждение, и во всяких нуждах избавление! Призри и ныне, Госпоже Всемилостивая, на рабы Твоя, Тебе умиленною душою и сокрушенным

сердцем молящихся, со слезами к Тебе припадающих и покланяющихся пречистому и цельбоносному образу Твоему и помощи и заступления Твоего просящих. О Всемиловитая и Премилосердная Дево Богородице Чистая! Воззри, Госпоже, на люди Твоя: мы бо грешнии не имамы иныя помощи, разве Тебе и от Тебе рождаемого Христа Бога нашего. Ты еси заступница и предстательница наша, Ты еси обидимым защищение, скорбящим радование, сирым прибежище, вдовам хранительница, девам слава, плачущим веселие, больным посещение, немощным исцеление, грешным спасение. Сего ради, о Богомати, к Тебе прибегаем и на Твой пречистый образ с Предвечным на руку Твоею держимым Младенцем, Господем нашим Иисусом Христом, взирающе, умиленное пение Тебе приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему, яко Тебе слава подобает, ныне и присно и во веки веков. Аминь.

Тропарь, глас 4

Яко заря всесветлая солнца правды незаходимаго возсияла икона Твоя, Богородице, шествующи в пределах Алтайских, храм веси Коробейниково озарила еси,

тму безбожия в земли нашей разгоняю-
щи и верныя люди во Православии укреп-
ляющи, ныне же молим Тя, Заступнице
усердная, буди нам икона сия защитою
от козней вражиих и залогом спасения
душ наших.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери «Корсунская»

(9/22 октября)

*Пред иконой Пресвятой Бого-
родицы «Корсунская» молятся
об исцелении душевных и те-
лесных страданий верующих.*

**Молитва ко Пресвятой Богородице
пред Ее иконою «Корсунская»,
чтомая в Петроградском Исаакиевском
кафедральном соборе**

О Пресвятая Дево, Мати Христа Бо-
га нашего, Царице Небесе и земли! Вон-
ми многоболезненному воздыханию душ

наших, призри с высоты святыя Твоея на нас, с верою и любовью покланяющихся пречистому и чудотворному образу Твоему. Се бо грехми погружаеми и скорбьми обуреваемии, взирающе на Твой образ, яко живей Тебе сущей с нами, приносим смиренная моления наша. Не имамы бо иныя помощи, ни инаго предстаительства, ни утешения, токмо Тебе, о Мати всех скорбящих и обремененных! Помози нам немощным, утоли скорби наша, настави на путь правый нас заблуждающих, уврачуй болезненную сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину, и на Страшном Суде Сына Твоего явися нам милосердая Предстательница, да всегда поем, величаем и славим Тя, яко благую заступницу рода христианскаго, со всеми угодившими Богу, во веки веков. Аминь.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Косинская», или «Моденская»

*(20 июня/3 июля
и в первое воскресенье
после Вознесения
Господня)*

Пред иконой Пресвятой Богородицы «Косинская», или «Моденская» молятся об исцелении болезней рук и ног, холеры, головных болей, в желании иметь детей.

Молитва ко Пресвятой Богородице пред Ее иконою «Косинская» или «Моденская»

О Премилостивая и Пречудная Света Умнаго Царице! Достоинo славимая и праведно от всех горних чинов ублажаемая, яко без сравнения их превосходящая, Бога и Творца всяческих рождающая! Благодарим Тя о всех благодеяниях Твоих, яже благоволила еси явити нам преславным принесением чудотворных Твоя иконы. Кое благохваление пришествию Твоему сотворим, недоумеваем, точию удивляемся, величающе Твое милосердие, еже на нас показала еси. Темже мы, грешнии, со страхом и радостию

припадающе к цельбоносней иконе Твоей, благодарственно вопием Ти: о Всесильная рода нашего Помощнице! Услыши нас, молящихся Тебе, и яви милость Твою; се бо, на пречистый образ Твой взирающе, яко живей Ти сущей с нами, молим Тя усердно: не помяни множества грехов наших, но исполни во благих прошения, даруй нам вся потребная к животу и благочестию, избави нас от скорбей, бед и всяких болезней, наипаче же от смертоносных язвы и пагубы, от навета злых человек и всякаго обстояния. Соблюдай и спасай нас благодатию Своею, Владычице, от тлетворных учений неверия и суеверия, от лукавых совращений. Сохрани нас и Отечество наше от всяких крамол, нестроений и злых развращений, врагами веры православныя воздвигаемых. Сподоби же нас, Всеблагая Заступнице наша, благочестно житие сие земное совершити, христианскую безболезненную, непостыдную, мирную кончину получитьи и Небеснаго Царствия наследовати. Да всегда поем, величаем и славим Тя, яко Благоую Заступницу рода христианскаго, со всеми угодившими Богу. Аминь.

Величание

Величаем Тя, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Любечская»

(7/20 мая)

Пред иконой Пресвятой Богородицы «Любечская» молятся об исцелении недугов телесных и душевных.

Молитва ко Пресвятой Богородице пред Ее иконою «Любечская»

О Пресвятая и Преблагословенная Мати Господа и Спаса нашего Иисуса Христа, Пречистая Приснодево, Богородице Марие! Припадаем и покланяемся Тебе пред святою и чудотворною иконою Твоею, юже от лет древних zde чудесы многими и исцеленьми неисчетными прославить благоизволила еси. Смиренно молимся Тебе, Благой и милосердной Заступнице нашей, предстательством угодника Твоего, преподобнаго Антония Печерскаго, вонми гласу грешных молений наших, не презри воздыханий от души, виждь скорби и беды, нас обышедшия, и, яко любвеобильная воистину Мати, потщися на помощь нам, беспомощным, унылым, во многия и тяжкия грехи впадшим и приснопрогневающим Господа и Создателя нашего,

Егоже умоли, Предстательнице наша, да не погубит нас со беззаконии нашими, но явит нам человеколюбную Свою милость. Испроси нам, Владычице, у благости Его, телесное здравие и душевное спасение, благочестное и мирное житие, земли плодоносие, воздуха благорастворение, дожди благовременны и благословение свыше на вся благая дела и начинания наша. Исходатайствуй, Госпоже, у Царя царствующих и Господа господствующих стране нашей на вся враги победу и одоление, всем же православным христианом милость Божию, благоустройство и во всех благих изобилие. О Царице Всепетая, Мати Божия Всеблагая, прости богоноснии руке Твои к возлюбленному Сыну Твоему и Богу нашему, умоли Его вся ны спасти и избавити погибели вечныя. Якоже древле на месте сем отцем нашим милость Твою являла еси, Владычице, сие и нам ныне яви, Богородице, Твоя щедроты: болящия исцели, скорбящия утеши, бедствующим помози. Споспеши всем нам носить иго Христово в терпении и смирении и сподоби нас благочестно житие сие земное скончати, христианскую непостыдную кончину получитьи и Небесное Царствие унаследити Матерним ходатайством Твоим к рождшемуся от Тебе Господу и Богу нашему

Иисусу Христу, Емуже со Безначальным Его Отцем и Пресвятым Духом подобает всякая слава, честь и поклонение, ныне, и присно и во веки веков. Аминь.

Тропарь, глас 4

Преблагословенная Царице, Пречистая Дево Богородице, прославльшая град Любеч угодника Твоего преподобнаго Антония Печерскаго рождением и чудотворныя иконы Твоя явлением, молим Тя, Всеблагая: моли за ны рождшагося от Тебе Царя, Христа Бога нашего, и Матерним Твоим к Нему предстательством избави нас от всякаго зла, недуги наша исцели, печали наша утоли и наследники яви нас Царствия Небеснаго, яко Милосердна.

Кондак, глас 8

Притецем, вернии, к многоцелебному образу Заступницы нашея, Богородицы Марии, и, припадающе к нему с любовью, сице рцем: о Всепетая Мати, о Царице Всемиловитая, призри свыше благосердием Твоим на ны, недостойныя, и молитвами угодника Твоего, преподобнаго Антония Печерскаго, яви нам Твоя милости и щедроты: в болезнех исцеление, в скорбех утешение, в бедах скорую помощь нам даруй, и вся ны спаси, на Тя уповающия, да зовем Ти: радуйся, Дево, христиан заступление.

Величание

Величаем Тя, Пресвятая Дево, и чтим образ Твой святой, от него же истекает благодатная помощь всем, с верою притекающим к нему.



Икона Божией Матери «Ляданская»

*(День празднования
неизвестен)*

Пред иконой Пресвятой Богородицы «Ляданская» молятся об облегчении и исцелении своих недугов.

**Молитва ко Пресвятой Богородице
пред Ее иконою «Ляданская»,
чтомая в Ляданском Благовещенском
монастыре Минской епархии**

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, Надеждо христиан и прибежище нам грешным? Кто паче Тебе в напастех защитит? Услыши убо стенание мое, и преклони ухо Твое ко мне, Владычице Мати Бога моего, и не презри мене требующаго Твоея помощи,

и не отрини мене грешнаго. Вразуми и научи мя, Царице Небесная, не отступи от мене раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окриляемъ? О Владычице Царице Небесная! Ты мне упование и прибежище, покров, и заступление, и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болезнующему сердцем, едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о Пренепорочная и Преславная Божия Мати Марие. Темже со упованием глаголю и вопию: радуйся, Благодатная; радуйся, Обрадованная; радуйся, Преблагословенная; Господь с Тобою.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Макарьевская»

(17/30 сентября)

Пред иконой Пресвятой Богородицы «Макарьевская» молятся об исцелении расслабленных, от беснования, от холеры, о прекращении и предотвращении пожара.

**Молитва ко Пресвятой Богородице
пред Ее иконою «Макарьевская»,
чтомая в Макариево-Унженском
монастыре Костромской
епархии**

Преблагая Царице, Мати Господа Небесе и земли, Ангелов радости, пророков сладосте, апостолов славо, святителей украшение, мучеников крепосте, преподобных радование, вселенная похвало, ненадежных надеждо, скорбных утешение, болящих

здравие, нищих неистощимое богатство, богатых некрадомое сокровище, грешников спасение, и всех христиан поможение и заступление! К Тебе, Богоневесто Владычице, мы грешнии раби Твои прибегаем, и от Тебе, Всеблагая Госпоже Богородительнице, скорыя помощи просим: озари наш ум светом истинного богопознания, согрей сердца наша ко приятию спасительных заповедей Сына Твоего и Бога нашего; уврачуй, Владычице, язвы неисцельных душ и телес наших всесильными Твоими молитвами, и подаждь нам, Всеблагая, вся полезная ко спасению; огради нас святыми Ангелы от всех бед, добрая и полезная нам деяти даруй, да прочее время жизни нашея в мире и покаянии проживем; христианскую же кончину жития нашего мирну и непостыдну исходатайствуй нам. Ей, Владычице, Царице Небесная! Услыши сей глас моления нашего, и по исходе от временныя жизни сея, помози нам безбедно прейти вся воздушная мытарства миродержителя тьмы века сего, и в райских обителях со избранными вселитися нам сподоби; да во светлостех святых со веми небесными силами, воспеваем Великолепое имя Отца и Сына и Святаго Духа, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Максимовская»

(18 апреля/1 мая)

Пред иконой Пресвятой Богородицы «Максимовская» молятся при различных жизненных невзгодах.

Молитва ко Пресвятой Богородице пред Ее иконою «Максимовская»

Нескверная, неблазная, нетленная, пречистая, Чистая Дево, Богоневесто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных единая надеждо и боримых помощи, готовое заступление к Тебе притекающих, и всех христиан прибежище! Не гнушайся мене грешного, скверного, скверными помыслы и словесы и деяньми всего себе непотребна

сотворша, и разумом лености сластей жития раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и приими мое еже от скверных устен приносимое Тебе моление; и Твоего Сына и нашего Владыку и Господа, Матернее Твое дерзновение употребляющи, моли, да отверзит и мне человеколюбныя утробы Своея благодати, и презрев моя безчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко милостивая и милосердая и благолюбивая, в настоящем убо житии теплая предстательница и помощница, сопротивных нашествия отгоняющи, и ко спасению наставляющи мя, и во время исхода моего окаянную мою душу соблюдающи, и темныя зраки лукавых бесов далече от нея отгоняющи, в страшный же день Суда вечныя мя избавляющи муки, и неизреченныя славы Твоего Сына и Бога нашего наследника мя показующи; юже и да улучу, Владычице моя, Пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа, Ему же подобает всякая слава, честь и поклонение, со Безначальным Его Отцем и Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 4

Днесь светло красуется славнейший град Владимир, радостно совершая, Владычице, праздник явления Твоего святителю Максиму, в нем бывшаго, о немже ныне воспоминающе и молящися Тебе, взываем сице: о Пречудная Владычице Богородице, молися Превечному Архиерею — Сыну Твоему, да непоколебиму утвердит Церковь Православную, град наш Владимир и всю Русскую землю в мире сохранит и спасет в правоверии души наша.

Кондак, глас 6

Призри на нас, Всепетая Богородице, возсияй просвещение сердцем помраченным и озари стадо Твое, Пречистая, елика бо хочещи и можещи, яко Мати сущи Зиждителя, и возопий молящим Тя: Аз есмь с вами, и никтоже возможет на вы.

Величание

Величаем Тя, Пресвятая Дево, и чтим образ Твой святой, егоже святитель Максим даде граду Владимиру в покров и всем верным во спасение.



**Икона
Божией Матери
«Мателикийская»,
или
«Метелинская»
(29 мая/11 июня)**

Пред иконой Пресвятой Богородицы «Мателикийская», или «Метелинская», молятся при всякой немощи телесной и душевной.

**Молитва ко Пресвятой Богородице
пред Ее иконою «Мателикийская»**

О Пресвятая Владычице Богородице, вышшая Херувим и честнейшая Серафим, Богоизбранная Отроковице, всех скорбящих Радосте! Подаждь утешение и нам, в скорби сущим, разве бо Тебе инаго прибежища и помощи не имамы. Ты едина еси радости наша Ходатаица, и яко Мати Божия и Мати милосердия, предстоящи у престола Пресвятыя Троицы, можеши нам помощи; никтоже бо притекаяй к Тебе посрамлен отходит. Услыши убо и нас, ныне в день скорби пред Твоею иконою припадающих и со слезами Тебе молящихся: отжени от нас належащая на нас скорби и печали в сей временней жизни, не лишены же сотвори ны Твоим всесильным ходатайством и вечныя нескончаемыя радости во Царствии Сына Твоего и Бога нашего, Ему же подо-

бают всякая слава, честь и поклонение, со Безначальным Его Отцем и со Пресвятым и Благим и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Милостивая- Киккская»

*(12/25 ноября
и 26 декабря/8 января)*

Пред иконой Пресвятой Богородицы «Милостивая-Киккская» молятся об избавлении от засухи, об исцелении от кровотечения, бесплодия и даровании чадородия, об укреплении в нуждах и печалях, о помощи несения иноческого креста, об исцелении от головной боли, об исцелении расслабленных и в семейных скорбях.

Молитва ко Пресвятой Богородице пред Ее иконою «Милостивая-Киккская»

О Пресвятая и Препоблагословенная Мати Господа, Бога и Спаса нашего Иисуса Христа, Милостивая Богородице и

Приснодево Марие! Припадая к святей и чудотворней иконе Твоей, смиренно молимся Тебе, Благой и Милосердой Заступнице нашей: вонми гласу грешных молений наших, не презри воздыханий от души, виждь скорби и беды нас обышедшия, и яко любвеобильная воистину Мати потщися на помощь нам беспомощным, унылым, во многия и тяжкия грехи впадшим и присно прогневляющим Господа и Создателя нашего, Егоже умоли, Предстательнице наша, да не погубит нас со беззаконьми нашими, но явит нам человеколюбную Свою милость. Испроси нам, Владычице, у благодати Его, телесное здравие и душевное спасение, благочестное и мирное житие, земли плодоносие, воздуха благорастворение, дожди благовременны и благословение свыше на вся благая дела и начинания наша, и якоже древле призрела еси милостиво на смиренное славословие послушника Афонскаго, воспевавшего Ти песнь хвалебную пред пречистою иконою Твоею, и послала еси к нему Архангела Гавриила научити его пети песнь небесную, еюже славословят Тя Ангели горе, сице приими благоутробно и наше ныне усердно приносимое Тебе молитвословие, и принеси е Сыну Твоему и Богу, да милостив будет Он нам грешным, и пробавит милость Свою всем чтущим Тя и с верою

поклоняющимся святому образу Твоему. О Царице Всемиловитая, Мати Божия Всеблагая, простри к Нему Богоносней Твои руки, имиже Его, яко младенца носила еси, и умоли Его вся ны спасти и избавити от погибели вечныя. Яви нам, Владычице, Твоя щедроты: болящия исцели, скорбящия утешь, бедствующим помози, благопоспешь всем нам носити иго Христово в терпении и смирении, сподоби нас благочестно житие сие земное скончати, христианскую непостыдную кончину получитьи, и Небесное Царствие унаследити, Матерним ходатайством Твоим к рождшемуся от Тебе Христу Богу нашему, Емуже со Безначальным Его Отцем и Пресвятым Духом, подобает всякая слава, честь и поклонение, ныне и присно и во веки веков. Аминь.

Тропарь, глас 1

Притецем, людие, со дерзновением к Милостивой Царице Богородице, и умиленно воззовем к Ней: ниспосли, Владычице, милости Твоя богатая, сохраняя во здравии и благоденствии грешных рабы Твоя. Болящия исцели, скорбящия утешь и бедствующим помози. И сподоби нас, Премилостивая, благочестно житие сие земное скончати, христианскую непостыдную кончину получитьи и Небесное Царствие

унаследовати. Град наш избави от всякаго злаго обстояния, ограждая Твоим милостивым заступлением. Мирови мир даруй и спасение душам нашим испроси.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Милующая», или «Достоинно есть»

(11/24 июня)

Пред иконой Пресвятой Богородицы «Милующая», или «Достоинно есть», молятся при душевных и телесных болезнях, при окончании всякого дела, при эпидемиях, о счастье в браке, при несчастных случаях.

Молитва ко Пресвятой Богородице пред Ее иконою «Милующая» («Достоинно есть»)

Достоинно славимая и праведно от всех горних чинов ублажаемая, яко без сравнения их превосходящая, Бога и Творца всяческих рождшая, паче всех возвеличенная, Пречудная Владычице! Молися из

Тебе воплощенному Христу Богу нашему, да призрит на ны люди безответныя, да сохранит нас невредимых от всех навет вражиих и злых клевет, много бо может Твоя Матерняя молитва, по реченному: проси, Мати Моя, не отвращуся, но вся прошения Твоя исполню. Сего ради, радостию о сем исполняеми, взываем Ти: спаси, Владычице, погибающия рабы Твоя, просвети омраченныя суемудрствованьми века сего и приведи ны ко сладчайшему Иисусу, да вечно радуящеся взываем: слава Отцу, слава Сыну, слава Святому Духу, слава и Тебе Преславней и Пренепорочней Деве Богоматери, ублажаемей и благословляемей в безконечныя веки веков. Аминь.

Тропарь, глас 4

Притецем, вернии, со дерзновением к милующей Царице Богородице и умильно воззовем к Ней: низпосли на ны милости Твоя богатая: Церковь нашу сохрани, люди во благоденствии соблюди, землю нашу избави от всякаго обстояния, мир даруй миру и спасение душам нашим.

Кондак, глас 4

Празднует днесь весь Афон, яко песнь прият от Ангела чудно Тебе, Чистой Богоматери, Юже вся тварь чтит, славящи.

Величание

Достойно есть величати Тя, Богородице, Честнейшую Херувим и Славнейшую без сравнения Серафим.



Икона Божией Матери «Минская»

(13/26 августа)

Пред иконой Пресвятой Богородицы «Минская» молятся об избавлении от нашествия иноплемennых, от скорби и искушений, об исцелении болезней.

Молитва ко Пресвятой Богородице пред Ее иконою «Минская»

О Всепетая и Всеблагая Дево Богородице, небесная наша заступнице! К Тебе по Бозе, яко премилосердней Госпоже, соборне прибегаем и вопием: приими сие малое хвалебное пение, сохрани богоспасаемый град сей, емуже чудотворная икона Твоя во отраду и утешение дадеся. Молим Тя, Владычице Всемиловитая: избави нас от враг видимых и невидимых, от нашествия иноплемennых и междоусобных брани, от злаго

обстояния и скорби, от искушений, бед и болезней. Спаси и помилуй рабы Твоя: великаго господина и отца нашего Алексия, Святейшего Патриарха Московскаго и всея Руси, преосвященныя митрополиты, архиепископы, епископы, весь священнический и монашеский чин и весь причет церковный. Приими под кров Твой власти и воинство богохранимыя страны нашея, вразуми и настави их право правити, заповеди Божия соблюдаяще, да тихое и безмолвное житие поживем во всяком благочестии и чистоте. О Пресвятая Владычице! Не забуди нас во вся дни жизни нашея и да пребывает с нами неотступно образ Твой честный. Во время же исхода нашего пролей теплую молитву ко Праведному Судии, да презрев безчисленная согрешения наша, помилует и спасет нас, яко благ и человеколюбец. Аминь.

Тропарь, глас 6

На водах Свислочи явилась еси, Пренепорочная Отроковице, от Царьграда и Киева богоспасаемому граду Минску милость показа, просвети нас грешных сиянием Своим, яви, яко присно, силу Твою, спаси нас предстательством Своим и избави от навет вражиих, Тя бо небориму стену и едину надежду имамы.

Кондак, глас 8

Благодарственная приносяще Ти раби Твои, Богородительнице, о всех, имже благодеяла еси граду нашему, из глубины души взываем Тебе: не престани, Владычице, Матерними к Сыну Твоему молитвами подавати вся благая и спасительная всем с верою и любовью вопиющим Тебе: радуйся, Дево, христиан похвало.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Мирожская»

(24 сентября/7 октября)

Пред иконой Пресвятой Богородицы «Мирожская» молятся при всякой немощи телесной и душевной, об облегчении недугов, от морового поветрия.

Молитва ко Пресвятой Богородице пред Ее иконою «Мирожская»

О Пресвятая Владычице Богородице, Небеснаго Царя Мати, Богоизбранная Отроковице, ненадежных надеяние, больных исцеление, сирым предстательнице, скорбящим утешение и радость, обидимым покровительнице и всем в бедах и напастьх сущим скорое поможение и заступление! Помози, о Мати Божия, и нам грешным в скорби нашей, возвесели радостию сердца людей Твоих, управи в мире и тишине жизнь нашу, и не даждь нам во отчаяние впасти. Ты бо едина еси паче всех святых и паче всех горних умов предстательница наша к Богу, яко Всеблагаго Царя Благая Мати. Темже мы грешнии, на пречистый Твой образ знамения взирающе, умиленно преклоняем колена, и благоговейно лобызающе, молим Тя, Благосердая Мати: не отрини смиренного моления нашего и яви нам знамение милости Твоея, никтоже бо, к Тебе прибегая со упованием, исходит от Тебе посрамлен, но просит благодати и приемлет дар к полезному прощению, прославляя Сына Твоего и Бога, и Тебе с Ним, во веки веков. Аминь.

Тропарь, глас 4

Яко звезда пресветлая возсия в Рос-
сийстей земли: от иконы честнаго образа
Твоего, Богородице Дево, из обою очию те-
коша слезы Твоя, яко река, и видевше на-
роди псковстии, мужи и жены и со чады, с
плачем молящися образу Твоему, сие гла-
голаху: о Пресвятая Владычице Богородице,
не забуди грешных раб Твоих, молящихся
Христу Богу нашему спастися нам.

Кондак, глас 7

Заступнице христианом непостыдная и
Предстательнице граду нашему Пскову, не
презри моления нас, грешных, видящих
от Твоего честнаго образа слезы текуща
из обою очию и молящихся прилежно,
но предвари, яко Блага, на помощь нам,
верно к Тебе прибегающим, услыши наша
моления, Богородице, и избави нас от на-
хождения поганных, ускори же на молит-
ву нашу и потщися на умоление, засту-
пающи присно, Богородице, чтущих Тя;
радуйся, Дево, христианом похвало.

Величание

Величаем Тя, Пресвятая Дево, богоиз-
бранная Отроковице, и чтим образ Твой
честный, имже показала еси пречудное
знамение.



Икона Божией Матери «Михайловская»

(23 августа/5 сентября)

Пред иконой Пресвятой Богородицы «Михайловская» молятся об исцелении телесных недугов.

**Молитва ко Пресвятой Богородице
пред Ее иконою «Михайловская»,
чтомая в Успенской церкви слободы
Большой Писаревки Харьковской
епархии**

Царице моя преблагая, надеждо моя Богородице, прибежище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, направи мя яко странна. Обиду мою веси, разреши ту, якоже волиши, яко не имам иныя помощи разве Тебе, ни иныя предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

Величание

Величаем Тя, Пресвятая Дево, и чтим образ Твой святой, от него же истекает благодатная помощь всем, с верою притекающим к нему.



Икона Божией Матери «Млекопита- тельница»

(12/25 января
и 15/28 августа)

Пред иконой Пресвятой Богородицы «Млекопитательница» молятся при трудных родах, о кормлении младенцев материнским молоком, при недостатке грудного молока, а также о здоровье младенцев.

Молитва ко Пресвятой Богородице пред Ее иконою «Млекопитательница»

Приими, Госпоже Богородительнице, слезная моления рабов Твоих, к Тебе притекающих. Зрим Тя на святей иконе, на руках носящую и млеко питающую Сына Твоего и Бога нашего, Господа Иисуса Христа. Аще и безболезненно родила еси Его, обаче матерния скорби веси и немощи сынов и дщерей человеческих зриши. Темже тепле припадающе к цельбоносному образу Твоему и умиленно сей лобызающе, молим Тя, Всемиловитая Владычице: нас грешных, осужденных в болезнях родити и в печалех питати чада наша, милостивно пощади и сострадательно заступи, младенцы же наша, такожде и родившая их, от тяжкаго недуга и горькия скорби избави.

Даруй им здравие и благомощие, да и питаемии от силы в силу возрастати будут, и питающия их исполнятся радостию и утешением, яко да и ныне предстательством Твоим из уст младенцев и ссущих Господь совершит хвалу Свою. О Мати Сына Божия! Умилосердися на матери сынов человеческих и на немощныя люди Твоя: постигающия нас болезни скоро исцели, належащия на нас скорби и печали утоли, и не презри слез и воздыханий рабов Твоих. Услыши нас в день скорби пред иконою Твоею припадающих, и в день радости и избавления приими благодарная хваления сердец наших. Вознеси мольбы наша ко престолу Сына Твоего и Бога нашего, да милостив будет ко грехом и немощем нашим и пробавит милость Свою ведущим имя Его, да и мы, и чада наша, прославим Тя, Милосердную заступницу и верную надежду рода нашего, во веки веков. Аминь.

Тропарь, глас 3

Без семене от Божественнаго Духа, волею же Отчею зачала еси Сына Божия, от Отца без матере прежде век суща, нас же ради из Тебе без отца бывша, плотию родила еси и Младенца млекою питала еси, темже не престай молити избавитися от бед душам нашим.

Кондак, глас 5

Душ наших чувствавья очистивше, узрим на иконе таинство преславное, Творца Вселенных и Господа вышних сил, во объятиих держима и от сосцу Твоею яко Младенца питаема, и, со страхом и радостью покланяющеся Тебе и рождшемуся от Тебе Спасу нашему, воззовем: радуйся, Владычице, жизни нашея Питательнице.

Величание

Величаем Тя, Пресвятая Дево, Млекопитательнице Спаса нашего, и чтим образ Твой святой, от негоже благодать исцеления нам присно подаеши.



Икона Божией Матери «Моздокская» («Иверская»)

(15/28 августа
и в Преполовление
Пятидесятницы)

Пред иконой Пресвятой Богородицы Моздокская-Иверская молятся о защите от междоусобной брани, об избавлении от скорби и печали, об исцелении недугов душевных и телесных, при тяжелых обстоятельствах.

**Молитва ко Пресвятой Богородице
пред Ее иконою «Моздокская»,
*чтомая в Моздокском Успенском соборе,
Владикавказской епархии***

О Пресвятая Дево, Мати Христа Бога нашего, Царице Небесе и земли! Вонми многоболезненному воздыханию душ наших, призри с высоты святыя Твоея на нас, с верою и любовью поклоняющихся пречистому образу Твоему. Се бо грехми погружаемыи и скорбьми обуреваемии, взирающе на Твой образ, яко живей Тебе сущей с нами, приносим смиренныя моления наша. Не имамы бо иныя помощи, ни инаго предстательства, ни утешения, токмо Тебе, о Мати всех скорбящих и обремененных! Помози нам немощным, утоли скорби наша, настави на путь правый нас заблуждающих, уврачуй болезненныя сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину, и на страшнем Суде Сына Твоего явися нам милосердая предстательница, да всегда поем, величаем и славим Тя, яко благую заступницу рода христианскаго, со всеми угодившими Богу, во веки веков. Аминь.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Молченская»

(18 сентября/1 октября
и 24 апреля/7 мая)

Особенное милосердие Царицы Небесной является ко всем отходящим в жизнь вечную. Пред иконой Пресвятой Богородицы «Молченская» молятся о защите от нападения врагов, от скорби, печали и уныния, об исцелении болезней, о защите от пожара, о напутствии и покрове отходящих в жизнь вечную. По молитве пред этой иконой получают исцеление больные нервными заболеваниями и психическими расстройствами.

Молитва ко Пресвятой Богородице пред Ее иконою «Молченская»

О, Всемиловитая, человеколюбивая Владычице наша Богородице! Услыши сие немощное моление с любовью и трепетом припадающих к честней и славней Молченской иконе Твоей. Смиренно просим Тя: буди Стена нерушимая стране нашей Российстей, святую Церковь Православную защити от неверия, ересей и расколов. Ты бо еси всесильная христиан Заступница. Всякую душу, к Тебе прибегающую, огради от злаго обстояния, скорби и болезни,

удержи от падений греховных, падших возстави к покаянию, страждущих душевными недугами и одержимых злыми духами исцели, подаждь уходящим в жизнь вечную утешение и надежду спасения, и вся потребная к благочестивой жизни даруй. Да славим в Троице Единого Бога, Отца и Сына и Святого Духа, и Твое милостивное предстательство, ныне и присно и во веки веков. Аминь.

Тропарь, глас 4

Днесь светло красуется славный град Москва и в Путивле ликование велие, яко чествуют, Богомати, дивную икону Твою, медом благодати всех напояющую.

Кондак, глас 6

Притецем людие, к Владычице нашей Деве Богородице, икону бо Свою Молченскую нам даровала, токи исцелений источающую, всякую помощь в душевных и телесных недугах подающую и к жизни вечной приводящую.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Муромская» («Рязанская»)

(12/25 апреля)

Пред иконой Пресвятой Богородицы «Муромская» молятся о даровании благочестия, милосердия, кротости, чистоты и правды, о сохранении града и страны христианской, об избавлении от иноплемennых, о помощи в учении и даровании духа разума к обучению наукам.

Молитва ко Пресвятой Богородице пред Ее иконою «Муромская»

О Пресвятая Дево, Мати Господа Вышних сил, Небесе и земли Царице, града и страны нашея Всемощная Заступнице! Услыши нас, молящихся Тебе, и испроси у Бога, Сына Твоего, пастырем нашим ревность и бдение о душах, градоправителем — мудрость и силу, судиям — правду и нелицеприятие, наставником — разум и смиренномудрие, супругом — любовь и согласие, чадом — послушание, обидимым — терпение, обидящим — страх Божий, скорбящим — благодушие, радующимся — воздержание. Нам же всем ниспосли дух разума и благочестия, дух милосердия и кротости, дух чистоты и правды. Ей, Госпоже Пречистая! умиლოსердися

на немощныя люди Твоя: разсеянные собери, заблуждшия на путь правый настави, недугующия уврачуй, старость поддержи, юныя уцеломудри, младенцы воспитай и призри на всех нас призрением милостиваго Твоего заступления. Милостива нам буди zde и на Страшнем Суде Сына Твоего. Ты бо еси, Госпоже, слава Небесных и упование земных, Ты по Бозе наша надежда и Заступница всех, притекающих к Тебе с верою. Тебе убо молимся и Тебе, яко Всемогущей Помощнице, сами себе и друг друга и всю жизнь нашу предаем, ныне и присно и во веки веков. Аминь.

Тропарь, глас 4

Днесь светло красуется град Муром, яко зарю солнечную, восприемши, Владычице, чудотворную Твою икону, к нейже ныне мы притекающе и молящеся, Тебе взываем сие: о Пречудная Владычице Богородице, молися из Тебе воплощенному Христу Богу нашему, да избавит град сей и вся грады и страны христианския невредимы от всех навет вражиих и спасет души наша, яко Милосерд.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Не рыдай Мене, Мати»

(25 января/7 февраля)

Пред иконой Пресвятой Богородицы «Не рыдай Мене, Мати» молятся за страждущих близких и о спасении близких, за детей.

Молитва ко Пресвятой Богородице пред Ее иконою «Не рыдай Мене, Мати»

К Тебе, Пречистей Божией Матери, аз
окаянный припадаю молюся: веси, Царице,
яко непрестанно согрешаю и прогневаю
Сына Твоего и Бога моего. И аще многажды
каюся, ложь пред Богом обретаюся: каюся
трепеща, да не како поразит мя Господь, и
по часе мале паки таяжде творю. Ведущи
сия, Владычице моя, Госпоже Богородице,
молю, да помилуеши, да укрепиши мя, и
благая творити да подаси ми. Ты веси, о
Владычице моя Богородице, яко имам в
совершенней ненависти злая моя дела и
всею мыслию люблю закон Бога моего. Но
не вем, Госпоже Пречистая, откуда яже не-
навизду, тая творю, а благая преступаю.
Не попускай убо, Пречистая, воли моей со-
вершатися, неужодна бо есть, но да будет
во мне воля Сына Твоего и Бога моего, да

мя спасет, и вразумит, и подаст ми благодать Святаго Духа, да бых аз отселе престал сквернодействуя и прочее пожил бых в повелениях Сына Твоего, Господа нашего Иисуса Христа, Емуже подобает всякая слава, честь и поклонение, со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Недремлющее Око»

(29 мая/11 июня)

Пред иконой Пресвятой Богородицы «Недремлющее Око» молятся при бессоннице детей.

Молитва ко Пресвятой Богородице пред Ее иконою «Недремлющее Око»

О, Предивная Госпоже, Владычице Богородице! Приими нас, припадающих к Твоему образу; воззри недремлющим оком

Твоим на душевныя язвы наша греховныя; умоли сердцем бдящего о нас Сына Твоего, Христа Бога нашего, да избавит нас, с верою к Нему прибегающих, от тяжкаго сна греховнаго и от всех навет вражиих, да спасет души наша, яко Человеколюбец. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Неопалимая Купина»

(4/17 сентября)

Пред иконой Пресвятой Богородицы «Неопалимая Купина» молятся об избавлении от пожара и поражения молнией, от лютых бед, об исцелении недугов.

Молитва ко Пресвятой Богородице пред Ее иконою «Неопалимая Купина»

Царице Небесная, Владычице наша, Госпоже вселенныя, Пресвятая Богородице, нескверная, неблазная, нетленная, пречи-

стая, чистая Приснодево, Марие Богоневесто, Мати Творца твари, Господа славы и Владыки всяческих!

Тобою Царь царствующих и Господь господствующих прииде и на земли нам явился. Ты убо Божие милосердие воплощенное. Ты Мати Света и живота сущи, якоже некогда во чреве Твоем носила еси Его и на объятиих Твоих имела еси Младенца Слово Превечное, Бога, тако и всегда Того с Собою имаши.

Сего ради мы по Бозе к Тебе прибегаем, яко к нерушимей стене и предстательству: призри благосердием, Всепетая Богородице, на лютое озлобление наше, и исцели душ и телес наших болезни, отжени от нас всякаго врага и супостата, избави от глада, мора, от язвы, от вод многих и воздухов тлетворных, и от смерти внезапныя; и якоже три отроки в пещи вавилонстей, сохрани и соблюди нас, да якоже древле людем Божиим, тако будут вся благая нам чтущим Тя; врази же и вси ненавидящие нас да постыдятся и посрамятся, и уразумеют вси, яко с Тобою Господь, о Владычице, и Тобою с нами Бог.

Во дни осени нас сению благодати Твоея, во тьме же ночней просвети светом свыше, всем полезная устрояючи; преложи горесть нашу во сладость и слезы утри согрешивших и бедствующих раб Твоих,

исполняючи коегождо прошения вся во благо; вся бо можеша, елика хочеша Ты, Мати Слова и Живота.

Тебе Отец венча Дщерь, Сын Матерь Деву, Дух Святой Невесту, да царствуеши яко Царица, предстоящи одесную Святыя Троицы, и милуеши нас якоже хочеша, ныне и присно и во веки веков. Аминь.

Тропарь, глас 4

Иже во огни купины неопалимая, древле Моисеем виденная, тайну воплощения Своего от неискусобрачныя Девы Марии Пробразовавый, Той и ныне, яко чудес Творец и всея твари Создатель, икону Ея святую чудесы многими прослави, даровав ю верным во исцеление недугом и в защищение от огненнаго запаления. Сего ради вопием Препоблагословенней: надеждо христиан, от лютых бед, огня и грома избави на Тя уповающия, и спаси души наша, яко Милосерда.

Кондак, глас 8

Предочистим чувства душ и телес наших, да видим таинство Божественное, образно явленное древле великому во пророках Моисею купиною, горевшею огнем и не сгаравшею, в нейже Твоего безсеменнаго

Рождества, Богородице, предвозвешение исповедуем и, благоговейно покланяющемся Тебе и рождшемуся от Тебе Спасу нашему, со страхом вопием: радуйся, Владычице, покрове и прибежище, и спасение душ наших.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Нерушимая Стена»

*(31 мая/13 июня
и в Неделю Всех святых)*

Пред иконой Пресвятой Богородицы «Нерушимая Стена» молятся об ограждении от всякого зла и тяжких обстоятельств, о сохранении града.

Молитва ко Пресвятой Богородице пред Ее иконою «Нерушимая Стена»

О Благодатная Владычице наша Богородице, Приснодево, прими от нас сие благодарственное хвалебное пение и вознеси

ко Творцу и Зиждителю нашему теплыя молитвы Твоя за нас недостойных, да простит Он, Милосердый, нам вся грехи наша, помыслы лукавыя и нечистыя, дела скверныя. О Госпоже Пресвятая, умилосердися и низпосли дар по коегождо потребе: болящия исцели, скорбящия утеши, заблуждшия вразуми, охрани младенцы, воспитаи и научи юныя, ободрити и настави мужи и жены, поддержи и согрей старыя, буди нам и зде, и в жизни вечней, Стено Нерушимая, избави от всяких бед и напастей и от вечнаго мучения, да всегда воспевающе Твою Материнскую любовь, восхваляем всем сердцем Сына Твоего, со Отцем Его и Святым Духом, во веки веков. Аминь.

Тропарь, глас 4

Яко нерушимую стену и всемогущий покров стяжахом Тя, раби Твои, Владычице Богородице, мрак грехов и скорбей отгоняющую. Темже вопием Ти: мир миру да даруй и душам нашим свет и спасение.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Неувядаемый Цвет»

(3/16 апреля)

Пред иконой Пресвятой Богородицы «Неувядаемый Цвет» молятся о сохранении праведной жизни, о правильном выборе супруга или супруги, о счастье в браке, о чистоте и целомудрии, об избавлении от брани плотской, при вступлении в брак. Чистая и пламенная молитва перед этой иконой помогает в разрешении тяжелых семейных проблем.

Молитва ко Пресвятой Богородице пред Ее иконою «Неувядаемый Цвет»

О Пресвятая и Пренепорочная Мати Дево, надеждо христиан и прибежище грешным! Защити всех в несчастиях к Тебе прибегающих, услыши стенания наша, приклони ухо Твое к молению нашему, Владычице и Мати Бога нашего, не презри требующия Твоея помощи и не отрини нас грешных, вразуми и научи нас: не отступи от нас, рабов Твоих, за роптание наше. Буди нам Мати и Покровительнице, вручаем себе милостивому покрову Твоему. Приведи нас грешных к тихой и безмятежней жизни; да оплачем грехи наша. О Мати Марие, наша преблагая и скорая Заступнице, покрый нас Своим ходатайством. Защити от врагов

видимых и невидимых, умягчи сердца злых людей, возстающих на нас. О Мати Господа Творца нашего! Ты корень девства и неувядающий цвет чистоты и целомудрия, пошли помощь нам немощным и обуреваемым плотскими страстями и блуждающими сердцами. Просвети наша душевные очи, да видим пути правды Божия. Благодатию Сына Твоего укрепи нашу слабую волю во исполнение заповедей, да избавимся от всякия беды и напасти и оправданы будем Твоим пречудным заступлением на страшнем Суде Сына Твоего. Емуже мы воздаем славу, честь и поклонение ныне и присно и во веки веков. Аминь.

Тропарь, глас 5

Преблагословенная Богородице Дево, покланяемся Твоему пречистому образу, Тебе поем хвалебную песнь, Тебе приносим нужды, горе и слезы, Ты же, о, кроткая Заступнице наша, Тебе так близки земные печали, приими наша воздыхания, помоги нам и от бед спаси. Неустанно бо и со умилением да зовем Ти: радуйся, Мати Божия, Цвете Неувядаемый.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Неупиваемая Чаша»

(5/18 мая)

Пред иконой Пресвятой Богородицы «Неупиваемая Чаша» молятся об исцелении одержимых недугом страсти пьянства и запоя, наркомании и табакокурения.

Молитва ко Пресвятой Богородице пред Ее иконою «Неупиваемая Чаша»

О Премилостивая Владычице! К Твоему заступлению ныне прибегаем, молений наших не презри, но милостивно услыши нас: жен, детей, матерей и тяжким недугом пианства одержимых и от Матери — Церкви Христовой и спасения отпадающих братьев, сестер и сродник наших исцели.

О Милостивая Мати Божия, коснися сердец их и скоро возстави от падений греховных и ко спасительному воздержанию приведи их. Умоли Сына Твоего, Христа Бога нашего, да простит нам согрешения наша и не отвратит милости Своея от людей Своих, но да укрепит нас в трезвости и целомудрии.

Приими, Пресвятая Богородице, молитвы матерей, о чадах своих слезы проливающих,

жен, о мужех своих рыдающих, чад сирых и убогих, заблуждшими оставленных, и всех нас, к иконе Твоей припадающих. И да придет сей вопль наш молитвами Твоими ко престолу Всевышняго.

Покрый и соблюди нас от лукаваго ловления и всех козней вражиих, в страшный же час исхода нашего помози прейти нам непреткновенно воздушныя мытарства, молитвами Твоими избави нас вечнаго осуждения, да покрыет нас милость Божия в бесконечныя веки веков. Аминь.

Тропарь, глас 4

Днесь притецем, вернии, к Божественному и пречудному образу Пресвятыя Богоматере, напояющей верных сердца Небесною Неупиваемою Чашею Своего милосердия и людем верным чудеса показующей. Яже мы видяще и слышаще духовно празднуем и тепле вопием: Владычице Премилостивая, исцели наша недуги и страсти, молящи Сына Твоего, Христа Бога нашего, спасти души наша.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем с верою к Тебе притекающим.



Икона Божией Матери «Нечаянная Радость»

(9/22 декабря и 1/14 мая)

Пред иконой Пресвятой Богородицы «Нечаянная Радость»

молятся об обращении заблудших, о здравии и благополучии детей, об исцелении глухоты и болезней ушей, о возвращении отпавших от веры Православной в Церковь.

Молитва ко Пресвятой Богородице пред Ее иконою «Нечаянная Радость»

из службы со акафистом

О Пресвятая Дево, Всеблагаго Сына Мати Всеблагая, града Москвы Покровительнице, всех сущих во гресех, скорбех, бедах и болезнях Верная Предстательнице и Заступнице! Приими молебное пение сие от нас, недостойных раб Твоих, Тебе возносимое, и якоже древле грешника, на всяк день многажды пред честною иконою Твоею молившагося, не презрела еси, но даровала еси нечаянную радость ему и преклонила еси Сына Твоего многим и усердным к Нему ходатайством ко прощению сего грешнаго и заблудшаго, тако и ныне не презри моления нас, недостойных рабов Твоих, и умоли Сына Твоего и Бога нашего, да и всем

нам, с верою и умилением покланяющимся пред цельбоносным образом Твоим, дарует нечаянную по коегождо потребе радость: грешником, погрязшим во глубине зол и страстей, — вседейственное вразумление, покаяние и спасение; сущим в скорбех и печалех — утешение; обретающимся в бедах и озлоблениях — совершенное сих избытие; малодушным и ненадежным — надежду и терпение; в радости и изобилии живущим — непрестанное Благодетелю благодарение; бедствующим — милосердие; сущим в болезни и долгонедужии и оставленным врачами — нечаемое исцеление и укрепление; иждившим от недуга ум — ума возвращение и обновление; отходящим в вечную и нескончаемую жизнь — память смертную, умиление и сокрушение о гресех, дух бодр и твердую на милосердие Судии надежду. О Госпоже Пресвятая! Умилосердися ко всем, чтущим всечестное имя Твое, и всем яви всемогущий покров Твой и заступление; во благочестии, чистоте и честнем жительстве пребывающия до последняго их скончания во благодати соблюди; злая благи сотвори; заблуждающия на путь правый настави; всякому делу благому и Сыну Твоему угодному споспешествуй; всякое дело злое и богопротивное разруши; в недоумении и трудных, и опасных обстояниях обретающимся

незримую помощь и вразумление с Небесе низпосли; от искушений, соблазнов и погибели спаси; от злых человек и от врагов видимых и невидимых защиты и сохрани; плавающим сплавай; путешествующим спутешествуй; сущим в нужде и гладе буди Питательница; неимущим крова и пристанища буди покров и прибежище; нагим подаждь одеяние; обидимым и неправо гонимым — заступление; клевету, поношение и хуление терпящия незримо оправдай; клеветники и хулители пред всеми обличи; ожесточенно враждующим нечаемое подаждь примирение, и всем нам друг ко другу любовь, мир и благочестие и здравие с долгоденствием. Супружества в любви и единомыслии сохрани; супруги, во вражде и разделении сущия, умири, соедини я друг ко другу и положи им союз любви неразрушимый; матерем, дети родящим, скорое подаждь разрешение; младенцы воспитай; юныя уцеломудри, отверзи им ум к восприятию всякаго полезнаго учения, страху Божию, воздержанию и трудолюбию настави; от домашней брани и вражды единокровных миром и любовью огради. Безматерних сирот буди Матерь, от всякаго порока и скверны отврати я и всему благому и Богоугодному научи, прельщенные же и во грех и нечистоту падшия, скверну греха отъявши, из бездны

погибели изведи. Вдов буди Утешительница и Помощница, старости буди жезл, от внезапныя смерти без покаяния всех нас избави, и всем нам христианскую кончину живота нашего, безболезненну, непостыдну, мирну и добрый ответ на страшнем Судищи Христове даруй. Преставльшиися в вере и покаянии от жития сего со Ангелы и всеми святыми жити сотвори, скончавшимся внезапною смертию милостива быти Сына Твоего умоли, и о всех усопших, иже не имут сродников, о упокоении их Сына Твоего умоляющих, Сама буди непрестанная и теплая Молитвенница и Ходатаица, да вси на Небеси и на земли ведут Тя, яко твердую и непостыдную Предстательницу рода христианскаго, и, ведуще, славят Тя и Тобою Сына Твоего, со Безначальным Его Отцем и Единосущным Его Духом, ныне и присно и во веки веков. Аминь.

Тропарь, глас 4

Днесь, вернии людие, духовно торжествуем, прославляюще Заступницу усердную рода христианскаго, и, притекающе к пречистому Ея образу, взываем сице: о Премилостивая Владычице Богородице, подаждь нам нечаянную радость, обремененным грехи и скорбьми многими, и избави нас от всякаго зла, молящи Сына Твоего, Христа Бога нашего, спаси души наша.

Кондак, глас 6

Не имамы иныя помощи, не имамы иныя надежды, разве Тебе, Владычице. Ты нам помози, на Тебе надеемся, и Тобою хвалимся, Твои бо есмы раби, да не постыдимся.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



**Икона
Божией Матери
«Никейская»
(«Бысть Чрево
Твое Святая
Трапеза»)**

(28 мая/10 июня)

Пред иконой Пресвятой Богородицы «Никейская» молятся о вразумлении заблудших и отступивших от веры.

Молитва ко Пресвятой Богородице пред Ее иконою «Никейская»

О Пресвятая Госпоже Владычице Богородице! Вышли еси всех Ангел и Архангел и всея твари честнейши, помощница еси

обидимых, ненадеющихся надеяние, убогих заступница, печальных утешение, алчущих кормительница, нагих одеяние, больных исцеление, грешных спасение, христиан всех поможение и заступление. О Всемиловитая Госпоже, Дево Богородице Владычице! Милостию Твоею спаси и помилуй страну нашу, преосвященные митрополиты, архиепископы и епископы, и весь священнический и инокский чин, военачальники, градоначальники и христолюбивое воинство, и доброхоты, и вся православныя христианы ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О Всемиловитая Госпоже Владычице Богородице! Воздвигни нас из глубины греховныя, и избави нас от глада, губительства, от труса и потопа, от огня и меча, от нахождения иноплемennых и междоусобныя брани, и от внезапныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя еже ко спасению, и сподоби ны, грешныя рабы Твоя,

Царствия Сына Твоего, Христа Бога нашего, яко Держава Его благословена и прославлена, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 4

Бысть чрево Твое святая трапеза, имущи Небеснаго Хлеба, Христа, от Негоже всяк ядый не умирает, якоже рече всяческих, Богородице, Питатель.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «О Тебе радуется»

*(День празднования
не известен)*

Пред иконой Пресвятой Богородицы «О Тебе радуется» читаются благодарственные молитвы за благодеяния Пресвятой Богородицы.

Молитва ко Пресвятой Богородице пред Ее иконою «О Тебе радуется»

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое приимет, аще не Ты, Пренепорочная, Надеждо христиан и прибежище нам, грешным? Кто паче Тебе в напастех защитит? Услыши убо стенание мое, и преклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя, Царице Небесная, не отступи от мене раба Твоего, Владычице, за роптание мое, но буди мне Мати и заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не

к Тебе, упованию и прибежищу грешных, надеждою на неизреченную милость Твою и щедроты Твоя окриляемъ? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болезнующему сердцем, едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о Пренепорочная и Преславная Божия Мати Марие. Темже со упованием глаголю и вопию: радуйся, Благодатная; радуйся, Обрадованная; радуйся, Преблагословенная; Господь с Тобою.

Тропарь, глас 8

О Тебе радуется, Благодатная, всякая тварь, ангельский собор и человеческий род, освященный храм и раю словесный, девственная похвало, из Неяже Бог воплотися и Младенец бысть, прежде век

сый Бог наш: ложесна бо Твоя престол сотвори и чрево Твое пространнее небес содела. О Тебе радуется, Благодатная, вся тварь, слава Тебе.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Одигитрия» («Смоленская»)

(28 июля/10 августа)

*Пред иконой Пресвятой Богородицы «Одигитрия» «Смоленская» молятся о сохранении и помощи в пути, о путешествующих, о помощи заблудшим и потерявшим цель в жизни, о покровительстве вдов и сирот, об исцелении болезней глаз, от нашествия ино-
племенных.*

Молитва ко Пресвятой Богородице пред Ее иконою «Смоленская», именуемую «Одигитрия»

О Пречудная и Превышшая всех тварей Царице Богородице, Небеснаго Царя Христа Бога нашего Мати, Пречистая

Одигитрие Марие! Услыши нас, грешных и недостойных, в час сей молящихся и припадающих к Твоему пречистому образу со слезами и умиленно глаголющих: изведи нас от рова страстей, Владычице Преблагая, избави нас от всякия скорби и печали, огради от всякия напасти и злыя клеветы, и от неправеднаго и лютаго навета вражия. Можеши бо, о Благодатная Мати наша, от всякаго зла сохранить люди Твоя и всяким благодеянием снабдити и спасти; разве Тебе иныя Предстательницы в бедах и обстояниях, и теплыя Ходатаицы о нас, грешных, не имамы. Умоли, Госпоже Пресвятая, Сына Твоего Христа Бога нашего, да удостоит нас Царствия Небеснаго; сего ради всегда славим Тя, яко Виновницу спасения нашего, и превозносим святое и великолепое имя Отца и Сына и Святаго Духа, в Троице славимаго и покланяемаго Бога, во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

Кондак, глас 6

Не имамы иныя помощи, не имамы
иныя надежды, разве Тебе, Владычице,
Ты нам помози, на Тебе надеемся и Тобою
хвалимся, Твои бо есмы раби, да не по-
стыдимся.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери «Озерянская»

*(30 сентября/13 октября
и 30 октября/12 ноября)*

*Пред иконой Пресвятой Бого-
родицы «Озерянская» молятся о покровитель-
стве рыбаков и охотников, а также о помощи
при тяжелых переломах и травмах, об успехах
в рыболовстве.*

Молитва ко Пресвятой Богородице пред Ее иконою «Озерянская»

От суеты житейския возникше и ума
своего помыслы воедино собравше, ко
Твоей, Богородице, иконе очи душ и телес

наших воздвигаем, и Тебе взываем сице: не остави, Пречистая, нас немощных во гресех наших растлеться, не попусти злому демону души наши от Сына Твоего в дебри страстей отгнати, но помози нам Того заповеди присно памятовати, да ниже блудным возбешением себе предаем, ниже друг друга злобою угрызаем, но якоже днесь, святыни Твоей предстояще, о исправлении жития нашего ревностию распяемся, тако и от храма Твоего в дома своя отшедше, сие доброе намерение сохранить потщимся.

По сих же и телесныя наша нужды утоли, и горести Твоею молитвою исцели, Всепетая. Вемы, яко подобаше нам паче вся сия благодушне претерпевати и точию о терпении в скорбех Господа просити; но понеже изнемогают в печалех души наша и помыслы уныния нашу колеблют веру, сего ради в сокрушении сердец к Тебе сице взываем. Якоже безчисленные болящия страдальцы исцелила еси и скорбящия утешила еси, тако и нас пред чудотворною Твоею иконою припадающих и в скорби Тебе молящихся, услыши, и всех прошения во благое исполни, болящим здравие, скорбящим утешение подаючи, во вражде сущим мир от Бога низпосылаючи, сомнящимся же веры утверждение.

Услыши грешныя рабы Твоя, Пречистая, воздвигни нас на благодарственное Тебе славословие, да умножится вера людей Твоих, да прославится в них Твое заступление, да тако Царствие Сына Твоего посреде нас утвердится; Емуже подобает всякая слава, честь и поклонение, со Безначальным Его Отцем и Пресвятым и Благим и Животворящим Духом, ныне и присно и во веки веков. Аминь.

Тропарь, глас 3

Твоего предстательства уверение и милосердия Твоего явление икона Озерянская нам, Владычице, показася; пред неюже души наша в молитве изливаем и верую Тебе вопием: воззри, Милосердая, на люди Твоя, вся скорби наша и печали утоли, утешение благое в сердца наша низпосли и спасение вечное душам нашим, Пречистая, испроси.

Кондак, глас 5

Не отрини, о Милосердая Мати, слез и воздыханий наших, но прошения наша милостивно приими, пред иконою Твоею молящихся людей веру укрепи, умилением сердца их исполни и крест земнаго жития носить им помози; елика бо хочещи, можеши.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Оковецкая» («Ржевская»)

(11/24 июля)

Пред иконой Пресвятой Богородицы «Оковецкая» («Ржевская») молятся об избавлении от различных телесных и душевных недугов, а также о помощи в пути.

Молитва ко Пресвятой Богородице пред Ее иконою «Оковецкая»

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, Надеждо христиан и прибежище нам, грешным? Кто паче Тебе в напастех защитит? Услыши убо стенание мое, и преклони ухо Твое ко мне, Владычице Мати Бога моего, и не презри мене требующаго Твоея помощи, и не от-

рини мене, грешнаго. Вразуми и научи мя, Царице Небесная, не отступи от мене раба Твоего, Владычице, за роптание мое, но буди мне Мати и заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окриляемъ? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болезнующему сердцем, едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о Пренепорочная и Преславная Божия Мати Марие. Темже со упованием глаголю и вопию: радуйся, Благодатная; радуйся, Обрадованная; радуйся, Преблагословенная; Господь с Тобою.

Тропарь, глас 4

Предстательнице нератная, о Одигитрие готовая! Тверския земли и града Москвы красота и слава, днесь в кров Твой вси прибегаем и умильно вопием Твоему крепкому заступлению, просяще избавления от злых наветников Православия, присно борющихся нас, и получитьи, Богородительнице Чистая, токи неисчерпаемых чудесных исцелений от Твоея пречудныя иконы молитвой предстоящаго пред Тобою Мирликийскаго чудотворца Николая, да усердно вси Твое проповеваемы наше ограждение.

Величание

Величаем Тя, Пресвятая Дево, Мати Христа Бога нашего и чтим образ Твой святой, от негоже источаеши исцеления всем, с верою к Тебе притекающим.



Икона
Божией Матери
«Опочецкая»,
или «Себежская»
(«Умиление»)

(14/27 марта)

Пред иконой Пресвятой Богородицы «Опочецкая», или «Себежская», молятся об исцелении от недугов телесных и душевных, о защите от иноплемennых и иноверных, о покровительстве воинов.

**Молитва ко Пресвятой Богородице
пред Ее иконою «Опочецкая», или
«Себежская» («Умиление»)**

О Пресвятая Дево, Мати Христа Бога нашего, Царице небесе и земли! Вонми многоболезненному воздыханию душ наших, призри с высоты святая Твоея на нас, с верою и любовью поклоняющимся пречистому и чудотворному образу Твоему. Се бо грехми погружаемии и скорбьми обуреваемии, взирающе на Твой образ, яко живей Тебе сущей с нами, приносим смиренная моления наша. Не имамы бо иныя помощи, ни инаго предстательства, ни утешения, токмо Тебе, о Мати всех скорбящих и обремененных. Помози нам немощным, утоли скорби наша, настави на путь правый нас заблуждающих, уврачуй болезненныя сердца наша и спаси безнадежных, даруй нам прочее время жития нашего в мире и покаянии проводить, подаждь христианскую кончину, и на страшнем Суде Сына Твоего явися нам Милосердая Предстательница, да всегда поем, величаем и славим Тя, яко благую Заступницу рода христианскаго, со всеми угодившими Богу, во веки веков. Аминь.

Тропарь, глас 8

Взыдем, православнии народи града Опочки, на тучную гору, яко на Фаворскую, в дом Спасителя своего, в честь боголепного

Преображения Его, обилующу чудес и стократный клас израстившую, и узрим славу чудесе от чудотворнаго образа Пресвятыя Богоматере Умиления Себежския: яко море пролияся и Евфрат, текий из рая, тако слезы Ея быша, из обою оку пролитыя, о нашедшем гневѣ Создателя Своего за наше согрешение, припадем, каменносердечнии, и возрыдаем, просяще: о Владычице, умоли Сына Своего и Господа нашего сими пресвятыми Своими слезами, да избавит нас от всякаго злаго обстояния, и огненнаго запаления, и междоусобныя брани, от мора и глада, и нашествия иноплемennых в грядущия времена, и, радующеся, со Гавриилом благовестником возопиет Ти: радуйся, Обрадованная, Господь с Тобою.

Кондак, глас 4

Притецем, людие, богатии и убозии, сирии и вдовицы, старии и юнии, в тихое пристанище, под покров цельбоноснаго источника Богоматере. Слезы бо, яко реки, источает из обою оку чудотворнаго образа Себежския о находящем гневѣ за наша злая согрешения и укрепляет град, егоже возлюбила еси, на сопротивныя, утверждает веру православных христиан и избавляет от всякаго зла молитвами Своими.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Отрада», или «Утешение», Ватопедская (Афонская)

(21 января/3 февраля)

Пред иконой Пресвятой Богородицы «Отрада», или «Утешение», молятся об избавлении от скорби и печали, в надежде получить утешение, а также об избавлении от недугов телесных.

Молитва ко Пресвятой Богородице пред Ее иконою «Отрада», или «Утешение», Ватопедскою (Афонская)

О Пресвятая Дево, Мати Господа, Царице Небесе и земли! Вонми многоболезненному воздыханию душ наших, призри с высоты святыя Твоя на нас, с верою и любовью поклоняющихся пречистому образу Твоему. Се бо грехми погружаемии и скорбьми обуреваемии, взирая на Твой

образ, яко живеи Ти сущей с нами, приносим смиренныя моления наша. Не имамы бо ни иныя помощи, ни инаго предстательства, ни утешения, токмо Тебе, о Мати всех скорбящих и обремененных! Помози нам немощным, утоли скорбь нашу, настави на путь правый нас заблуждающих, уврачуй и спаси безнадежных, даруй нам прочее время живота нашего в мире и тишине проводить, подаждь христианскую кончину и на страшнем суде Сына Твоего явися нам Милосердая Заступница, да всегда поем, величаем и славим Тя, яко благую Заступницу рода христианскаго, со всеми угодившими Богу. Аминь.

Тропарь, глас 4

О Покров благодатный и спасительный стяжахом честную Твою икону, Богородице. На сию убо со умилением взирающе, Тебе вопием: Владычице, низпосли отраду и утешение, на Тя упование возлагаем грешнии и смиреннии, на Твое предстательство надеемся недостойнии, ускори нас избавити от бед и скорбей и умоли Сына Твоего, Христа Бога нашего, помиловати и спасти души наша.

Кондак, глас 8

Взбранной Воеводе победительная, яко избавльшеся от злых, благодарственная восписуем Ти, раби Твои, Богородице,

но яко имущая державу непобедимую,
от всяких нас бед свободи, да зовем Ти:
Радуйся, Невесто Неневестная.

Величание

Величаем Тя, Пресвятая Дево, и чтим
образ Твой святой, имже болезни наша
врачуеши и души наша к Богу возво-
диши.



Икона
Божией Матери
«Печерская»
(«Печерская-
Нерукотворенная»)
(3/16 мая и 15/28
августа)

*Пред иконой Пресвятой Богородицы «Печерская-
Нерукотворенная» молятся об исцелении слепых,
бесноватых и о заступничестве от врагов.*

Молитва ко Пресвятой Богородице пред Ее иконою «Печерская- Нерукотворенная»

О, Пресвятая и Пренепорочная Дево Бо-
городице, наша Печерская похвало и укра-
шение, державный покрове Святаго места
сего, истинная Владычице избраннаго уде-
ла Своего. Приими нас, недостойных рабов

Твоих, убогое моление с верою и любовью приносящих пред чудным образом Твоим, да посетиши милостивно греховное житие наше, просвещаючи его светом покаяния, осени нас, обремененных скорбьми многими, Твоею Небесною радостью и сподоби нас присно славить Тя в мире и благочестии на месте святем сем, да, без порока прешедше путь жития нашего, помощью Твоею достигнем вечнаго веселия во светлостех святых и Богоносных отец наших Антония и Феодосия и всех преподобных Печерских и едиными усты и сердцем воспоем Тя с Предвечным Сыном Твоим, со Безначальным Его Отцем и Пресвятым, Всеблагим, Животворящим и Единосущным Его Духом во веки веков. Аминь.

Тропарь, глас 4

Днесь светло торжествует Печерская обитель и радуется явлением образа Богоматере безмерный лик Печерских отцев, с нимиже и мы непрестанно вопием: радуйся, Благодатная, Печерская похвало.

Кондак, глас 3

Дева днесь невидимо предстоит в церкви и с лики Печерских отцев молится о нас, благоговейно величающих Ея безмерную

милость к роду нашему, являющуюся в чудном образе Ея, обитель Печерскую украшающем.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Печерская- Свенская»

*(3/16 мая и 17/30
августа)*

Пред иконой Пресвятой Богородицы «Печерская-Свенская» молятся об избавлении от нашествия иноплемennых, об исцелении душевных и телесных страданий, о прозрении слепых и об исцелении глазных болезней.

Молитва ко Пресвятой Богородице пред Ее иконою «Печерская-Свенская»

О, Пресвятая и Пренепорочная Дево Богородице, наша Печерская похвало и украшение, державный покрове Святаго места сего, истинная Владычице избраннаго уде-

ла Своего. Приими нас, недостойных рабов Твоих, убогое моление с верою и любовью приносящих пред чудным образом Твоим, да посетиши милостивно греховное житие наше, просвещаючи его светом покаяния, осени нас, обремененных скорбьми многими, Твоею Небесною радостью и сподоби нас присно славить Тя в мире и благочестии на месте святем сем, да, без порока прешедше путь жития нашего, помощию Твоею достигнем вечнаго веселия во светлостех святых и Богоносных отец наших Антония и Феодосия и всех преподобных Печерских и едиными усты и сердцем воспоем Тя с Предвечным Сыном Твоим, со Безначальным Его Отцем и Пресвятым, Всеблагим, Животворящим и Единосущным Его Духом во веки веков. Аминь.

Тропарь, глас 4

Днесь светло торжествует Печерская обитель и радуется явлением образа Богоматере безмерный лик Печерских отцев, с нимиже и мы непрестанно вопием: радуйся, Благодатная, Печерская похвало.

Кондак, глас 3

Дева днесь невидимо предстоит в церкви и с лики Печерских отцев молится о нас, благоговейно величающих Ея безмерную милость к роду нашему, явльшуюся в чудном образе Ея, обитель Печерскую украшающем.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Плач Богоматери»

(В Великий Пяток)

Пред иконой Пресвятой Богородицы «Плач Богоматери» молятся об избавлении от душевных страданий.

**Молитва ко Пресвятой Богородице
пред Ее иконою «Плач Богоматери»,
чтомая в церкви села Горностаева
Московской епархии**

О Пресвятая Госпоже Богородице, нашего спасения Надеждо! Воззри милостивно на люди Твоя, с верою и любовью предстоящая и пречистому образу Твоему поклоняющаяся. Приими наше хвалебное пение сие и пролей теплую Твою молитву о нас грешных ко Господу, да презрев вся наша согрешения, спасет и помилует нас. Еще же молим Тя умиленно: избави нас от всякия скорби и смертоносныя язвы, подай нам Твою милостивую помощь, не отрини наших слез и воздыха-

ний, не забуди нас во вся дни жизни нашея, но всегда пребывай с нами, и Твоим заступлением и ходатайством у Господа подаждь нам отраду, утешение, защиту и помощь, да славим и величаем Препоблагословенное и Всепетое имя Твое во веки веков. Аминь.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Подательница ума», или «Прибавление ума»

(15/28 августа)

Пред иконой Пресвятой Богородицы «Подательница ума», или «Прибавление ума», молятся о просвещении разума к учению грамоты, в слабом учении детей, об успешном учении.

**Молитва ко Пресвятой Богородице пред
Ее иконою «Подательница ума»,
или «Прибавление ума»**

Богородице Пречистая, Доме, Егоже созда Себе Премудрость Божия, даров духовных Подательнице, от мира к премирным

ум наш возводящая и всех к познанию
разума приводящая! Приими молебное
пение от нас, недостойных раб Твоих, с
верою и умилением покланяющихся пред
пречистым образом Твоим. Умоли Сына
Твоего и Бога нашего, да дарует влаstem
нашим мудрость и силу, судиям правду и
нелицеприятие, пастырем мудрость духов-
ную, ревность и бдение о душах наших,
наставником смиренномудрие, чадом по-
слушание, всем же нам дух разума и бла-
гочестия, дух смирения и кротости, дух
чистоты и правды. И ныне, Всепетая наша
Мати, подай нам ума прибавление, умири,
соедини во вражде и разделении сущия и
положи им союз любви нерушимый, всех
заблуждших от неразумия к свету исти-
ны Христовы обрати, страху Божию, воз-
держанию и трудолюбию настави, слово
премудрости и душеполезное знание про-
сящим даруй, осени нас вечною радостью,
Херувимов честнейши и Серафимов слав-
нейши сущая. Мы же, дивная дела и мно-
горазумную Премудрость Божию в мире и
жизни нашей видяще, устранимся земныя
суеты и излишних житейских попечений,
и ум, сердце наше на небеса возведем, яко
да Твоим заступлением и помощью сла-
ву, хвалу, благодарение за вся в Троице

славимому Богу и всех Создателю возсылаем, ныне и присно и во веки веков. Аминь.

Тропарь, глас 3

Волею Отца Небеснаго зачала Сына Божия, без семени земнаго отца, прежде творения мира от Отца без матери рожденнаго плотию родила еси, и Егоже моли о даровании нам ума ко спасению душ наших.

Кондак, глас 6

Рожденнаго Духом от Отца Небеснаго, прежде сотворения денницы, Тобою плотию Рожденнаго без отца, не нарушив девства, Того умоли помочь нам победить завистию одержимаго падшаго денницу. Да одержим полную победу над диаволом, миром и плотию, Твоими молитвами, Богоневестная.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона Божией Матери «Подольская»

*(День празднования этой
иконы неизвестен)*

Пред иконой Пресвятой Богородицы «Подольская» молятся об избавлении от пагубных страстей, о заступлении сирых и беспомощных.

Молитва ко Пресвятой Богородице пред Ее иконою «Подольская», яже во граде Житомире

О Всемиловитваго Бога Милосердая Мати, Преплагословенная Владычице, Приснодево Богородице! Услыши стенание и вопль наш и вонми гласу моления нашего. Простри нам Твоим всемогущим предстательством руку помощи, да не погибнем со безаконными нашими, но в покаяние благовременно приидем. Веси бо нашу немощь и скорбь нашу, от страстей и бесов нам бываемую. Избави нас от нападений демонских и от наветов злых человек, Тобою бо демоны попираются, и Тобою врази посрамляются. Исполни во благо прошения наша, Тебе приносимая, никто же бо, притекаяй к Тебе, посрамлен отходит. Умоли Сына Твоего и Бога, да милостив будет неправдам нашим

и да не внидет в суд с рабы Своими, яко не оправдится пред Ним всяк живой. Вемы бо, яко много может Матернее моление Твое ко благосердию Владыки, и вся Тебе от Него возможна суть. Исцели язвы телес наших, грехми оскверненных, и очисти души наша, омраченныя страстьми. Направи ум наш на путь правый и утверди волю нашу ко исполнению дел благих и к соблюдению заповедей Сына Твоего, да милосердие Его не отступно будет от нас. Паче же, о Всеблагая Владычице, покрый, соблуди и спаси всех сирых и беспомощных, к чудотворному Твоему образу припадающих, и всех нас днесь осени всемогущим Твоим покровом. Но и в прочее время жития нашего Твоя милости и многия благодати нас не лиши, и буди нам присно упование непостыдное в земнем житии и по преставлении нашем, да вси немолчными усты и чистым сердцем, со безплотными ангельскими гласы и со всеми святыми, славим, хвалим, поем и величаем Тя ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Покров Пресвятой Богородицы»

(1/14 октября)

Пред иконой Покрова Пресвятой Богородицы молятся об избавлении от бед, о защите страны от врагов.

Молитва ко Пресвятой Богородице пред Ее иконою «Покров Пресвятой Богородицы»

О Пресвятая Дево, Мати Господа вышних сил, Небесе и земли Царице, града и страны наша Всемошная Заступнице! Приими хвалебно-благодарственное пение сие от нас, недостойных раб Твоих, и вознеси молитвы наша ко престолу Бога и Сына Твоего, да милостив будет неправдам нашим, и пробавит благодать Свою чтущим всечестное имя Твое и с верою и любовью поклоняющимся чудотворному образу Твоему. Несмы бо достойни от Него помиловани быти, аще не Ты умиловиши Его о нас, Владычице, яко вся Тебе от Него возможна суть. Сего ради к Тебе прибегаем, яко

к несомненной и скорей Заступнице нашей: услыши нас, молящихся Тебе, осени нас вседержавным покровом Твоим, и испроси у Бога Сына Твоего: пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание, всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощныя люди Твоя: рассеянные собери, заблуждшия на путь правый настави, старость поддержи, юныя уцеломудри, младенцы воспитай и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наша ко зрению спасения, милостива нам буди зде и тамо, в стране земнаго пришельствия и на Страшном Суде Сына Твоего; преставльшиися же в вере и покаянии от жития сего отцы и братию нашу в вечней жизни со Ангелы и со всеми святыми жити сотвори. Ты бо еси, Госпоже, слава небесных и упование земных, Ты по

Бозе наша Надежда и Заступница всех, притекающих к Тебе с верою. К Тебе убо молимся и Тебе, яко Всемогущей Помощнице, сами себе и друг друга и весь живот наш предаем, ныне и присно и во веки веков. Аминь.

Тропарь Покрову, глас 4

Днесь благовернии людие светло празднуем, осеняеми Твоим, Богомати, пришествием, и к Твоему взирающе пречистому образу, умильно глаголем: покрый нас честным Твоим Покровом и избави нас от всякаго зла, молящи Сына Твоего, Христа Бога нашего, спасти души наша.

Кондак, глас 3

Дева днесь предстоит в церкви и с лики святых невидимо за ны молится Богу, Ангели со архиереи покланяются, апостолы же со пророки ликовствуют: нас бо ради молит Богородица Предвечнаго Бога.

Величание

Величаем Тя, Пресвятая Дево, и чтим Покров Твой святыи: Тя бо виде святыи Андрей на воздусе, за ны Христу молящюся.



Положение
честной Ризы
Пресвятой
Богородицы
во Влахерне
(2/15 июля)

*Пред иконой Пресвятой Богородицы «Ризоположение» молятся о заступлении при нашей
стии врагов.*

Тропарь, глас 8

Богородице Приснодево, человеков покрове, ризу и пояс пречистаго Твоего телесе, державное граду Твоему обложение даровала еси, безсеменным рождеством Твоим нетленна пребывающи, о Тебе бо и естество обновляется и время. Темже молим Тя мир граду Твоему даровати и душам нашим велию милость.

Кондак, глас 4

Одеяние всем верным нетления, Богоблагодатная Чистая, даровала еси, священную ризу Твою, еюже священное тело Твое покрывала еси, покрове всех человеков, еяже положение празднуем любовию и вопием со страхом Ти, Чистая: радуйся, Дево, христиан Похвало.

Величание

Величаем Тя, Пресвятая Дево, Богоизбранная Отроковице, и чтим святые ризы Твоея честное положение.



Икона Божией Матери Порт-Артурская «Торжество Пресвятой Богородицы»

(16/29 августа)

Пред иконой Пресвятой Богородицы Порт-Артурская «Торжество Пресвятой Богородицы» молятся о флоте, о России, о торжестве Православия, об избавлении от нападения врагов на Россию. Она является покровительницей земли Дальнероссийской.

Молитва ко Пресвятой Богородице пред Ее иконою Порт-Артурская «Торжество Пресвятой Богородицы»

О Пресвятая Госпоже Дево Богородице, превышшая Херувимов и Серафимов и святейшая всех святых! Припадая к святей иконе Твоей, смиренно молимся: вонми гласу моления нашего, виждь скорби, виждь беды наша, и яко любвеобильная Мати, потщися на помощь нам беспомощным, умоли

Сына Твоего и Бога нашего: да не предаст земли нашея на поругание варваров, да не погубит нас за беззакония наша, но явит человеколюбно нам милость Свою. Испроси нам, Владычице, у благодати Его телесное здравие и душевное спасение, мирное житие и земли плодоносие, воздуха благорасстворение и благословение свыше на вся благая дела и начинания наша, и якоже древле милостивно явила нам икону Твою Порт-Артурскую, яко защитницу земли Дальнероссийския, но за неверие и неблагоговение к святыням церковным язычниками плененную, тако и ныне припадаем ко вновь обретенному Твоему образу и приносим наше усердное молитвословие.

О Царице Всепетая! Простри ко Господу богоносней руце Твои, имиже Богомладенца Иисуса Христа носила еси и умоли Его избавити нас от всякаго зла. Яви, Владычице, милость Твою нам: болящия исцели, скорбящия утеша, бедствующим помози и сподоби нас благочестно житие земное совершити, христианскую кончину получитьи и Царствие Небесное наследити Матерним Твоим ходатайством к Рождшемуся от Тебе Христу Богу нашему, Емуже со Безначальным Его Отцем и Пресвятым Духом подобает всякая слава, честь и поклонение, ныне и присно и во веки веков. Аминь.

Тропарь, глас 4

Днесь торжествует град Владивосток, и с ним сликовствуют вси пределы земли Дальнероссийския, сретая вновь обретенную икону Твою, Богомати, Порт-Артурскою нареченную, в благословение и знамение торжества христолюбивому воинству Дальней России дарованную, на ню же взирающе, вси зовем: Русь Святая, храни веру Православную, в ней же твое утверждение.

Кондак, глас 4

Избранней от всех родов Заступнице нашей и Царице, покровом Твоея благодати покрывающей пределы земли Дальнероссийския, благодарственная пения приносим Ти раби Твои, Богородице. Ты же, яко Всемиловитая Владычице, от всяких нас бед спаси и вечных мук свободи.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона Божией Матери, именуемая «Похвала Богоматери»

*(В субботу пятой седмицы
Великого поста)*

Пред иконой Пресвятой Богородицы «Похвала Богоматери» читаются благодарственные молитвы за благодеяния Пресвятой Богородицы, а также молятся о разрешении тяжелых семейных проблем и об исцелении недугов.

Молитва ко Пресвятой Богородице пред Ее иконою, именуемою «Похвала Богоматери»

К кому возопию, Владычице? К кому прибегну в горести моей, аще не к Тебе, Царице Небесная? Кто плачь мой и воздыхание мое примет, аще не Ты, Пренепорочная, надеждо христиан и прибежище нам, грешным? Кто паче Тебе в несчастиях защитит? Услыши убо стенания мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене, грешнаго. Вразуми и научи мя, Царице Небесная; не отступи от мене, раба Твоего, Владычице, за роптание мое, но буди мне Мати и Покровительница. Вручаю себе милостивому покрову Твоему,

аще токмо восхощеши устроить о мне. Приведи мя, грешнаго, к тихой и безмятежней жизни, да плачуся о грехсех моих. Увы мне, к кому прибегну повинный аз, токмо к Тебе, упованию и прибежищу грешных, в надежде на неизреченную милость Твою и щедроты? Кое ли слово за преступления моя изрещи возмогу к величеству славы Твоея? О Владычице Царице Небесная, Ты мне Мати и Надежда: Ты ми упование и прибежище, покров, заступление и помощь. Царице моя преблагая и побыстрая заступнице, покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца, Ты корень девства и неувядаемый цвет чистоты. О Богородительнице, Ты подаждь ми помощь немощствующему плотскими страстьми и болезнующему сердцем, едино бо Твое, и с Тобою Твоего Сына и Бога нашего, имам заступление, и Твоим пречудным заступлением да оправдан буду, и да избавлюся от всякия беды и напасти Всесильными Твоими молитвами, Всечистая, и Непорочная, и Преславная Божия Матерь Марие. Темже со упованием глаголю и вопию: радуйся, Благодатная; радуйся, Обрадованная; радуйся, Преблагословенная, Господь с Тобою. Аминь.

Тропарь, глас 8

Повеленное тайно прием в разуме, в крове Иосифове, тщанием предста безплотный, глаголя Неискусобрачней: Приклонивый схождением Небеса вмещается неизменно весь в Тя, Егоже и видя в ложеснах Твоих, приемша рабий зрак, ужасаюся звати Тебе: радуйся, Невесто Невестная.

Кондак, глас тойже

Взбранной Воеводе победительная, яко избавльшеся от злых, благодарственная восписуем Ти, раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Невестная.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Почаевская»

(23 июля/5 августа
и 8/21 сентября)

Пред иконой Пресвятой Богородицы «Почаевская» молятся о сохранении Церкви от ересей и расколов, от нашествия иноплемennых, об исцелении

от слепоты как телесной, так и духовной, об освобождении из плена и заточения, о сохранении Российской державы, об исцелении неизлечимых недугов, застарелых болезней, о врачумлении отпавших от веры Православной и о возвращении заблудших в Церковь, о помощи во всякой скорби и печали.

Молитва ко Пресвятой Богородице пред Ее иконою «Почаевская»

К Тебе, о Богомати, молитвенно притекаем мы, грешнии, чудеса Твоя, во святей лавре Почаевстей явленная, поминающе и о своих сокрушающесе прегрешениях. Вемы, Владычице, вемы, яко не подобаше нам, грешным, чесого просити, токмо о еже Праведному Судии беззакония наша оставити нам. Вся бо нами в житии претерпенная, скорби же, и нужды, и болезни, яко плоды падений наших прозябоша нам, Богу сия на исправление наше попускающу. Темже вся сия истиною и судом Своим наведе Господь на грешныя рабы Своя, иже в печалех своих к заступлению Твоему, Пречистая, притекоша и во умилении сердец к Тебе взывают сице: грехов и беззаконий наших, Благая, не помяни, но паче всечестней руце Твои воздвигши, к Сыну Твоему и Богу предстани, да люте содеянная нами отпустит нам, да за премногая неисполненная обещания наша лица Своего от рабов Своих

не отвратит, да благодати Своея, спасению нашему пособствующия, от душ наших не отымет. Ей, Владычице, буди спасению нашему Ходатаица и, малодушия нашего не возгнушавшись, призри на стенания наша, яже в бедах и скорбех наших пред чудотворным Твоим образом возносим. Просвети умиленными помыслы умы наша, веру нашу укрепи, надежду утверди, любви сладчайший дар сподоби нас прияти. Сими убо, Пречистая, дарованьми, а не болезнями и скорбьми живот наш ко спасению да возводится, но, от уныния и отчаяния души наша ограждаючи, избави нас, маломощных, от находящихся на ны бед, и нужд, и клеветы человеческия, и болезней нестерпимых. Даруй мир и благоустройство жительству христианскому предстательством Твоим, Владычице, утверди Православную веру в стране нашей и во всем мире. Церковь Апостольскую и Соборную умалению не предаждь, уставы святых отец на веки непоколебимы сохрани и всех к Тебе притекающих от рова погибельнаго спаси. Еще же и ересь прельщенных братий наших или веру спасительную в греховных страстях погубивших паки ко истинней вере и покаянию приведи, да вкупе с нами, Твоему чудотворному образу поклоняющеся, Твое предстательство исповедят. Сподоби убо нас, Пресвятая Госпоже Богородице, еще

в животе сем победу истины Твоим заступлением узрети, сподоби нас благодатную радость прежде кончины нашей восприняти, якоже древле насельники Почаевския Твоим явлением победители и просветители агарян показала еси, да вси мы благодарным сердцем вкупе со Ангелы, и пророки, и апостолы, и со всеми святыми, Твое милосердие прославляюще, воздадим славу, честь и поклонение в Троице певаемому Богу Отцу, и Сыну, и Святому Духу, во веки веков. Аминь.

Тропарь, глас 5

Пред святою Твоею иконою, Владычице, молящиеся исцелений сподобляются, веры истинныя познание приемлют и агарянская нашествия отражают. Темже и нам, к Тебе припадающим, грехов оставление испроси, помыслы благочестия сердца наша просвети и к Сыну Твоему молитву вознеси о спасении душ наших.

Кондак, глас 1

Источник исцеления и веры Православныя утверждение Почаевская Твоя икона, Богородице, явися, темже и нас, к ней притекающих, от бед и искушений свободи, лавру Твою невредиму сохрани, Православие во окрест стоящих странах

утверди и грехи разреши молитвенник
Твоих: елика бо хочещи, можеши.

Величание

Величаем Тя, Пресвятая Дево, и по-
читаем честную икону Твою, юже от лет
древних на горе Почаевстей прославила
еси.



Икона Божией Матери «Прежде Рождества и по Рождестве Дева»

(17/30 октября)

*Пред иконой Пресвятой Богородицы «Прежде
Рождества и по Рождестве Дева» молятся об
избавлении от моровых поветрий, оклевета-
ния и о заступничестве от разных бед.*

**Молитва ко Пресвятой Богородице
пред Ее иконою «Прежде Рождества
и по Рождестве Дева»,**

*чтомая в Николо-Пешношском
монастыре Московской епархии*

О Пресвятая Госпоже Владычице Бого-
родице! Вышши еси всех Ангел и Архан-
гел и вся твари честнейши, помощница

еси обидимых, ненадеющихся надеяние, убогих заступница, печальных утешение, алчущих кормительница, нагих одеяние, больных исцеление, грешных спасение, христиан всех поможение и заступление. О Всемиловитая Госпоже, Дево Богородице Владычице! Милостию Твоею спаси и помилуй страну нашу, преосвященных митрополиты, архиепископы и епископы, и весь священнический и иноческий чин, военачальники, градоначальники и христоролюбивое воинство, и доброхоты, и вся православныя христианы ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О Всемиловитая Госпоже Владычице Богородице! Воздвигни нас из глубины греховныя, и избави нас от глада, губительства, от труса и потопа, от огня и меча, от нахождения иноплемennых и междоусобных брани, и от внезапныя смерти, и от нападения вражия, и от тлетворных ветр, и от смертоносных язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя еже ко спасению, и сподоби ны, грешныя рабы Твоя, Царствия Сына Твоего, Христа Бога нашего, яко Держава

Его благословена и препрославлена, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Призри на смирение»

(16/29 сентября)

Пред иконой Пресвятой Богородицы «Призри на смирение» молятся при эпидемиях, болезнях и несчастных случаях, а также об исцелении от слепоты, холеры.

Молитва ко Пресвятой Богородице пред Ее иконою «Призри на смирение»

О Пресвятая Госпоже, Дево Богородице, вышшая Херувим и честнейшая Серафим, Богоизбранная Отроковице!

Призри с высоты небесной милостивным Твоим оком на нас, недостойных рабов

Твоих, со умилением и слезами молящихся пред пречистым образом Твоим; не лиши нас Твоего заступления и покрова Державнаго в странствии сем земном, многоскорбном и многомятежном.

Спаси нас в погибели и скорби сущих, воздвигни из глубины греховныя, просвети ум наш, омраченный страстями и уврачуй язвы душ и телес наших!

О Всещедрая Мати Человеколюбиваго Владыки! Удиви на нас пребогатая милости Твоя, укрепи немощную волю нашу к деланию заповедей Христовых, умягчи окаменелая сердца наша любовью к Богу и ближним, даруй нам сокрушение сердечное и покаяние истинное, да очистившиеся от скверны греховныя, сподобимся мирныя христианския кончины и добраго ответа на страшнем и нелицеприятнем суде Господа нашего Иисуса Христа, Емуже со Безначальным Его Отцем и Пресвятым, Благим и Животворящим Духом, подобает всякая слава, честь и поклонение, ныне и присно и во веки веков. Аминь.

Тропарь, глас 4

Необоримая стена образ Твой и источник чудес, якоже древле от него заступление Твое граду Пскову даровала еси, тако и ныне от всех бед и скорбей милостивно избави и спаси души наша, яко любвеобильная Мати.

Кондак, глас 3

Пренепорочная Дево, отображение
Лица Твоего чтущия, благодарныя дары
приемлещи, живым и мертвым помогае-
ши, град и страну нашу спасаеши, и пред
Сына Твоего молитвы приносиши, и спа-
саеши всех нас.

Величание

Величаем Тя, Пресвятая Дево, и чтим
образ Твой святей, имже болезни наша
врачуеши и души наша к Богу возводиши.



Икона Божией Матери «Прозрение очес»

*(В Пяток Светлой
седмицы)*

*Пред иконой Пресвятой Бого-
родицы «Прозрение очес» молятся о прозрении
духовных очей.*

**Молитва пред иконою Пресвятой
Богородицы, именуемую «Прозрение очес»,
чтомая в Московской
Трехсвятительской, на Кулишках, церкви**

О Пресвятая Госпоже Владычице Бого-
родице! Приими недостойную молитву на-
шу, и сохрани всех нас, с верою и любовью

поклоняющихся пречистому образу Твоему, от навета злых человек и от внезапных смерти, и даруй нам прежде конца покаяние. На моление наше умиласердися, и радость вместо печалей даруй нам. Се бо, на Твой образ взирающе, яко живущей Ти с нами, молим Тя усердно: избави нас, о Мати всех скорбящих и обремененных, от всякия беды и напасти, скорби, болезни и печали и от всякаго зла. И сподоби ны, недостойныя рабы Твоя, одесную стати Сына Твоего, Христа Бога нашего, во втором и славнем Его пришествии, и наследники быти Царствия Небеснаго и жизни вечныя со всеми святыми в безконечныя веки веков. Аминь.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Псково-Покровская»

(1/14 октября)

Пред иконой Пресвятой Богородицы «Псково-Покровская» молятся об избавлении от нашествия иноплемennых.

Молитва ко Пресвятой Богородице пред Ее иконою «Псково-Покровская»

Царице моя преблагая, надеждо моя Богородице, прибежище сирых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, направи мя яко странна. Обиду мою веси, разреши ту, яко же волиши: яко не имам иныя помощи разве Тебе, ни иныя предстательницы, ни благия утешительницы, токмо Тебе, о Богомати, яко да сохраниши мя и покроеши во веки веков. Аминь.

Тропарь, глас 4

Днесь светло красуется Богоспасаемый град Псков и вся страна Российская пришествием Матери Бога Вышняго на избавление града сего от варварскаго плена. Услыша плач и слезы раб Своих, скоро приклонися на мольбу к Сыну Своему и Богу нашему, и молением Своим гнев Божий укроти и весь мир просвети, и град сей от скорби на радость премени. О, дивному знамению, како Пресвятая Владычице прииде на воздусе в церковь Свою и на забрало града Пскова и призва угодников Своих, благоверных князей, и поноси в людех беззаконие, и Своею

пречистою рукою указоваше на поганого злаго варвара и его совет на разрушение. Возвеселися, Богоспасаемый граде Пскове и все Православие, имеюще такую Заступницу непобориму. Днесь притецем, вернии, в дом спасительный Владычицы Богородицы, светло празднуя, и ко святому Ея образу со слезами припадем, вопиюще и глаголюще: О Всемиловитая Госпоже Владычице Богородице, молися Сыну Своему Христу Богу нашему, спасти православныя люди и град сей избавити от огненнаго запаления и от нахождения поганных и междоусобныя брани, и спасти души наша, яко Милосердая.

Кондак, глас 8

Заступнице христиан, Предстательнице граду нашему Пскову, услыши молитву раб Своих, Владычице Богородице, и скорым Своим пришествием светолучными зарями раб Своих возвесели и торжествовати устрои, в беде и в сетовании возвесели, и завеща во граде молити Святую Троицу, и Сама обещася молити Ю. О, преславному чудесе, како Небесная Царице к земным прииде избавити рабы Своя погибающия. О, дивному знамению, како вразумляюще рабы Своя, како бы умолити Святую Троицу. О, Всемиловитая Владычице Богородице,

аще не бы Ты предстояла, молящи за ны, кто бы нас избавил от толика бяды, яко не имамы иныя помощи и надежды разве Тебе, Владычице, Твои бо раби, да не погибнем, и потщися на умоление раб Своих присно, Богородице, чтущих Тя.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери Пюхтицкой «У источника»

(20 декабря/2 января)

Пред иконой Пресвятой Богородицы Пюхтицкой «У источника» молятся об исцелении телесных недугов и об открытии новых целебных источников.

Молитва ко Пресвятой Богородице пред Ее иконою Пюхтицкой «У источника»

О Пресвятая и Препоблагословенная Мати Сладчайшаго Господа нашего Иисуса Христа! Припадаем и покланяемся Тебе пред светозарным образом Твоим и смиренно

молим: прости, Всемиловитая, вся заблуждения наша и вся оскорбления, в ведении или в неведении Сыну Твоему и Спасителю нашему от юности обильно причиненная неисполнением заповедей Его святых, небрежением ко святыни, нерадением к молитве и нетерпением в несении креста нашего. Призри на жажду спасения и посильные труды и пребуди с многогрешным, но оставшимся верным Сыну Твоему малым стадом Его по неложному слову Его, во святем Евангелии реченному: не бойся, малое стадо, яко благоизволи Отец ваш дати вам царство.

О животворящий источниче нашего утешения! К Тебе возносим смиренное сие моление и просим Матернего Твоего о нас заступления пред престолом Отца нашего Небеснаго. Не лиши нас царства сего благодатнаго за премногия грехи наша, вемы бо, яко ничтоже внешнее и самолюбивое, гордое и тщеславное, ни славная достижения мирская, ни добродетели, с тайным самолюбованием совершаемая, ни степени, ни чины, ни самое иноческое звание не возмогут возвести нас в Царствие Небесное, токмо сердце чистое и дух сокрушенный и смиренный, за многия молитвенныя труды Духом Святым даруемая. Помози нам оставшаяся дни жизни наша в Духе и истине поклоняться Сыну Твоему, Милосердая

Богородице, и, стяжавше нелицемерную любовь к Богу и ближнему, исполнити сию первейшую заповедь Господню, единую приводящую в Царство Небесное. Аще и недостойни есмы, сподоби нас соделатися чадами Божиими по благодати и наследовати жизнь вечную со всеми, в покаянии Богу угодившими, и введи нас, Мати Божия, язвами Сына Твоего Иисуса Претихаго в небесный чертог Его, да вечно славим и воспеваем пречестное и великолепое имя Всесвятыя Троицы, Отца и Сына и Святаго Духа ныне и присно и во веки веков. Аминь.

Тропарь, глас 4

Утешение всех скорбящих, скорая Помощнице в туге сердечней к Тебе прибегающим, услыши нас, Владычице, и даждь нам на путь к жизни вечней душ и сердец от скверн очищение и, яко елень на источники водныя, к Царству Небесному неустанное стремление.

Кондак, глас 4

Пресвятая Богородице Дево, утоли жажду спасения страждущия души моя у Источника вод живых — Божественнаго Слова, Сына Твоего, Христа Бога нашего; призри на любящих и славящих Тя,

Пречистая, и покрый нас покровом милосердия Твоего от всяких зол, тревог и бурь моря житейского.

Величание

Величаем Тя, Светозарная Дево, и почитаем осиявшее гору Пюхтицкую благодатное явление Твое.



Икона Божией Матери «Рождества Пресвятой Богородицы»

(8/21 сентября)

Пред иконой «Рождества Пресвятой Богородицы» молятся о спасении заблудших душ и направлении их на путь правый.

Молитва пред иконою «Рождества Пресвятой Богородицы»

О Пресвятая Богородице! Призри с благосердием на моления нас, грешных и смиренных рабов Твоих, и умоли Бога Сына Твоего, да низпослет нам и всем, притекающим к Тебе, здоровье душевное и телесное и вся, яже к вечней и временней жизни потребная, да простит нам всякое согрешение вольное и невольное; да избавит нас от

всяких скорбей и болезней, и напастей и всякаго злаго обстояния. Ей, Царице наша Препоблагая, Надеждо наша несокрушимая и Заступнице неборимая! Не отврати лица Твоего от нас, за множество прегрешений наших; но прости нам руже Матерняго милосердия Твоего, и сотвори с нами знамение во благо. Яви нам богатую помощь Твою и благопоспеси во всяком деле благом; от всякаго же начинания греховнаго и промышления лукаваго отврати нас, да выну славим Пречестное имя Твое и покланяемся честному образу Твоему; и величаем Бога Отца, и Единороднаго Сына Его, Господа нашего Иисуса Христа, и Святаго Духа, со всеми святыми, во веки веков. Аминь.

Тропарь празднику, глас 4

Рождество Твое, Богородице Дево, радость возвести всей вселенней: из Тебе бо возсия Солнце Правды, Христос Бог наш, и, разрушив клятву, даде благословение, и, упразднив смерть, дарова нам живот вечный.

Кондак, глас 4

Иоаким и Анна поношения безчадства, и Адам и Ева от тли смертныя свободистася, Пречистая, во святем рождестве Твоем. То

празднуют и людие Твои, вины прегрешений избавльшися, внемга звати Ти: неплоды раждает Богородицу и Питательницу Жизни нашея.

Величание

Величаем Тя, Пресвятая Дево, и чтим святых Твоих родителей, и всеславное славим рождество Твое.



Икона Божией Матери «Рождество Пресвятой Богородицы — Глинская»

(8/21 сентября)

Пред иконой «Рождество Пресвятой Богородицы — Глинская» молятся о спасении заблуждших душ и наставлении их на путь правый, об исцелении от различных болезней.

Молитва ко Пресвятой Богородице пред Ее иконою «Глинская»

О Пресвятая Владычице, Христа Спасителя нашего Богоизбранная Мати, у Бога святыми молитвами испрошенная,

Богу посвященная и Богом возлюбленная! Кто Тебе не ублажит или кто не воспоеет Твоего преславного рождества? Рождество бо Твое бысть началом спасения человеков, и мы, сидящие во тьме согрешений, зрим Тя, Непреступнаго Света жилище. Сего ради витийствующий язык не может песнословити Тя по достоянию, паче бо Серафим возвысилася еси, Пречистая. Обаче прими недостойных раб Твоих нынешнее похваление и не отрини мольбы наши. Твое величие исповедуем, Тебе во умилении припадаем и скорую в заступлении чадолубивую и благосердную Матерь дерзновенно просим: умоли Сына Твоего и Бога нашего даровати нам, много согрешающим, искреннее покаяние и благочестное житие, да возможем творити вся Богу угодная и душам нашим полезная, возненавидим вся злая, укрепляемии Божественною благодатию во благом произволении нашем. Ты, непостыдная Надеждо наша, в час смерти, даруй нам христианскую кончину, безбедное шествие на страшных мытарствах воздушных и наследие вечных и неизреченных благ Царствия Небеснаго, да со всеми святыми немолчно исповедуем Твое о нас заступление и да славим единаго Истиннаго Бога, во Святей Троице покланяемаго, Отца и Сына и Святаго Духа. Аминь.

Тропарь, глас 4

Днесь благовернии людие, осеняемии святым Богоматери образом, во умилении глаголем: Владычице, помози рабом Твоим в напастех, скорбех и болезнях, обременены бо грехми многими, и избави ны от всякаго зла, молящи Сына Твоего, Христа Бога нашего, спасти души наша.

Кондак, глас 8

Аще и многожды икона Твоя, Богородице, уносима бысть с места явления, обаче чудесне в пустыню возвращашеся, отонудуже всем верным подает благо потребное.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Пресвятой Богородицы «Рудненская»

(12/25 октября
и 11/24 июля)

Пред иконой Пресвятой Богородицы «Рудненская» молятся об исцелении различных болезней.

Молитва ко Пресвятой Богородице пред Ее иконою «Рудненская»

Пресвятая Дево Владычице Богородице, милосте Христа моего, обителище Пресвятаго и Животворящаго Духа, надеждо всех святых раб, святое зеркало светлости Божия, святейшая Ангел и Архангел, Тебе припадая, усердно молюся: умоли Сына Своего и Бога моего, да отпустит ми всякое прегрешение, вольное и невольное, избавит мя от всех наветов диавольских. Ей, Владычице, моего падения возведение, простри богоносней Свои рuce и извлецы мя из глубины греховныя и даждь ми, рабу Твоему (*имя рек*), всегда угодная Сыну Твоему и Богу моему творити, славя Его вкупе со Безначальным Его Отцем и с Пресвятым и Благим и Животворящим Его Духом, и ныне и присно и во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи: Тя бо и едину надежду имамы.

Кондак, глас 6

Не имамы иныя помощи, не имамы
иныя надежды, разве Тебе, Владычице,
Ты нам помози: на Тебе надеемся и Тобою
хвалимся, Твои бо есмы раби, да не посты-
димся.

Величание

Величаем Тя, Пресвятая Дево, Богоиз-
бранная Отроковице, и чтим образ Твой
святой, имже точиши исцеления всем, с
верою притекающим.



Икона Божией Матери «Самонаписав- шаяся»

(12/25 июля)

*Пред иконой Пресвятой Бо-
городицы «Самонаписавшая-
ся» молятся об исцелении бо-
лезней и от беснования.*

Молитва ко Пресвятой Богородице пред Ее иконою, именуемой «Самонаписавшаяся»

О Пресвятая Госпоже Владычице Бого-
родице! Приими недостойную молитву на-
шу, и сохрани нас от навета злых человек

и от внезапныя смерти, и даруй нам прежде конца покаяние. На моление наше умилосердися, и радость вместо печали даруй. И избави нас, Госпоже, от всякия беды и напасти, скорби и болезни и всякаго зла. И сподоби ны, грешныя рабы Твоя, одесную стати во втором пришествии Сына Твоего, Христа Бога нашего, и наследники быти Царствия Небеснаго и жизни вечныя со всеми святыми в бесконечныя веки веков. Аминь.

Тропарь, глас 1

Чудотворней Твоей иконе, Богородице Дево, всеблагоговейно покланяемся и лобызаем ю, подаеши бо тою исцеления, здравие же и крепость душам и телесем воистину. Темже любовь Тебе взываем: слава промыслению Твоему о нас, Чистая, слава милосердию Твоему к верным, слава Тебе, самоизобразившейся, Всеблагая Владычице.

Кондак, глас 8

Богоматери воспоим божественне, припадающе Божественному образу Ея, преславно бо на том самонаписася, и источает чудес струи с верою притекающим, и избавляет от зол зовущих Ей: радуйся, Невесто Невестная.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Свято- Крестовская»

(18 июня/1 июля)

Пред иконой Пресвятой Богородицы «Свято-Крестовская» молятся об избавлении от опасностей, междоусобной брани, нападения врагов, об освобождении из плена и заточения.

Молитва ко Пресвятой Богородице пред Ее иконою «Свято-Крестовская»

О Пресвятая Дево, Мати Христа Бога нашего, Царице Небесе и земли! Вонми многоболезненному воздыханию душ наших, призри с высоты святыя Твоея на нас, с верою и любовью поклоняющимся пречистому и чудотворному образу Твоему. Се бо грехми погружаемии и скорбьми обуреваемии, взирающе на Твой образ, яко живей Тебе сущей с нами, приносим смиренная моления наша. Не имамы бо иныя помощи, ни инаго предстательства, ни утешения, токмо Тебе,

о Мати всех скорбящих и обремененных. Помози нам немощным, утоли скорби наша, настави на путь правый нас заблуждающих, уврачуй болезненная сердца наша и спаси безнадежных, даруй нам прочее время жизни нашего в мире и покаянии проводить, подаждь христианскую кончину, и на страшнем суде Сына Твоего явися нам милосердая Предстательница, да всегда поем, величаем и славим Тя, яко благую Заступницу рода христианскаго, со всеми угодившими Богу, во веки веков. Аминь.

Тропарь, глас 1

Чрез святую Твою икону, явленную нам на Кавказе Тобою, о Владычице, люди града Святаго Креста от страшнаго агарянскаго нападения чудесно свободила еси, Благая Вратарнице! Пленение, скорбь и узы в радость и свободу пременила еси, Скоропослушнице наша. Молим Тя, Матерь Божия, и на будущее время защищай всех нас, на Кавказе живущих чад Твоих, от нашествия агарянскаго, непрестанно молящися у Креста Сына Твоего, Всенепорочная.

Кондак, глас 8

Якоже дивным видением многими стоящую Тя на воздусе у Креста Сына Твоего, Богородице, молящуюся о людех

града Святого Креста, в страшной беде сущих, агарянского пленения свободила еси, Благая Вратарнице, сице и на будущее время православных людей Кавказа защищай от нападающих на грады и веси наша, от недуга, неверия, глада и вражды избавляй, непрестанно молящегося о нас у Креста Сына Твоего, да зовем Ти: радуйся, Святokrестовская Божия Мати, всего Кавказа защиту и ограждение.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Семистрельная», или «Умягчение злых сердец»

*(13/26 августа и в неделю
Всех Святых)*

Пред иконой Пресвятой Богородицы «Семистрельная», или «Умягчение злых сердец», молятся об исцелении от холеры, хромоты и расслабления, об умиротворении враждующих и об умягчении злых сердец, при вражде или гонениях.

**Молитва ко Пресвятой Богородице
пред Ее иконою «Семистрельная»,
или «Умягчение злых сердец»**

О Многоскорбная Мати Божия, превышшая всех дщерей земли по чистоте Своей и по множеству страданий, Тобою на земли пренесенных! Приими многоолезненные воздыхания наша и сохрани нас под кровом Твоя милости, инаго бо прибежища и теплаго предстательства, разве Тебе, не вемы, но, яко дерзновение имущи ко Иже от Тебе Рожденному, помози и спаси ны молитвами Своими, да непреткновенно достигнем Царствия Небеснаго, идеже со всеми святыми будем воспевати хвалу в Троице Единому Богу, всегда, ныне и присно и во веки веков. Аминь.

Тропарь, глас 5

Умягчи наша злая сердца, Богородице, и напасти ненавидящих нас угаси, и всякую тесноту души нашея разреши, на Твой бо святыи образ взирающе, Твоим страданием и милосердием о нас умиляемся и раны Твоя лобызаем, стрел же наших, Тя терзающих, ужасаемся. Не даждь нам, Мати Благосердная, в жестокосердии нашем и от жестокосердия ближних погибнути, Ты бо еси воистину злых сердец умягчение.

Кондак, глас 2

Благодатию Твоею, Владычице, умягчи сердца злодеев, низпосли благодетелей, соблюдающих их от всякого зла, благомолящимся Ти усердно пред честными иконами Твоими.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



**Икона
Божией Матери
«Сицилийская»,
или «Дивногорская»**
(5/18 февраля)

Пред иконой Пресвятой Богородицы «Сицилийская», или «Дивногорская», молятся об исцелении от зубной боли, об исцелении от лихорадки и трясавичной болезни.

**Молитва ко Пресвятой Богородице
пред Ее иконою «Сицилийская»,
или «Дивногорская»**

О Пресвятая Госпоже Владычице Богородице! Вышли еси всех Ангел и Архангел и всея твари честнейши, помощница

еси обидимых, ненадеющихся надея-
ние, убогих заступница, печальных уте-
шение, алчущих кормительница, на-
гих одеяние, больных исцеление, греш-
ных спасение, христиан всех поможе-
ние и заступление. О Всемиловитая
Госпоже, Дево Богородице Владычице!
Милостию Твоею спаси и помилуй стра-
ну нашу, преосвященные митрополиты,
архиепископы и епископы, и весь свя-
щеннический и инокский чин, военачальники, градоначальники и христо-
любивое воинство, и доброхоты, и вся
православныя христиане ризою Твоею
честною защити, и умоли, Госпоже, из
Тебе без семени воплотившагося Христа
Бога нашего, да препояшет нас силою
Своею свыше на невидимыя и видимыя
враги наша. О Всемиловитая Госпоже
Владычице Богородице! Воздвигни нас из
глубины греховныя, и избави нас от гла-
да, губительства, от труса и потопа, от
огня и меча, от нахождения иноплемён-
ных и междоусобных брани, и от внезап-
ных смерти, и от нападения вражия, и от
тлетворных ветр, и от смертоносных язвы,
и от всякаго зла. Подаждь, Госпоже, мир
и здравие рабом Твоим, всем православ-
ным христианом, и просвети им ум и очи
сердечныя, еже ко спасению, и сподоби

ны, грешныя рабы Твоя, Царствия Сына Твоего, Христа Бога нашего, яко Держава Его благословена и препрославлена, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Скоро- послушница»

(9/22 ноября)

Пред иконой Пресвятой Богородицы «Скоропослушница» молятся при многих недугах — слепоте, болезни глаз, хромоте, расслаблении и параличе, находящиеся в плену и тюремном заключении, попавшие в кораблекрушение, о духовном прозрении, за детей, в просьбе родить здоровых детей, об исцелении от падучей болезни и беснования, болезней рук и ног, а также те, кому нужна быстрая и неотложная помощь, при раковой болезни.

Молитва ко Пресвятой Богородице пред Ее иконою «Скоропослушница»

Преблагословенная Владычице, Приснодево Богородице, Бога Слова паче всякаго слова на спасение наше рождшая, и благодать Его преизобильно паче всех приявшая! Море явльшаяся божественных дарований и чудес приснотекущая река, изливающая благость всем с верою к Тебе прибегающим! Чудотворному Твоему образу припадаяще, молимся Тебе, Всещедрей Матери человеколюбиваго Владыки: удиви на нас пребогатая милости Твоя, и прошения наша, приносимая Тебе, Скоропослушнице, ускори исполнити, все еже на пользу, во утешение и спасение коемуждо устрояющи. Посети, Преблагая, рабы Твоя благодатию Твоею, и подаждь недугующим цельбу и совершенное здравие, обуреваемым тишину, плененным свободу, и различными образы страждущих утеши. Избави, Всемиловитая Госпоже, всяк град и страну от глада, язвы, труса, потопа, огня, меча и иныя казни временныя и вечныя, Матерним Твоим дерзновением отвращающи гнев Божий, и душевнаго расслабления, обуревания страстей и грехопадений свободы рабы Твоя, яко да непреткновенно

во всяком благочестии поживше в сем веце, и в будущем вечных благ сподобимся благодатию и человеколюбием Сына Твоего и Бога, Емуже подобает всякая слава, честь и поклонение со Безначальным Его Отцем и Пресвятым Духом, ныне и присно и во веки веков. Аминь.

Тропарь, глас 4

К Богородице притецем сущии в бедах, и ко святей иконе Ея ныне припадем, с верою зовуще из глубины души: скоро наше услыши моление, Дево, яко Скоропослушница нарекшаяся, Тебе бо ради раби Твои в нуждах готовую Помощницу имамы.

Кондак, глас 8

В мори житейстем обуреваемии, треволнению подпадаем страстей и искушений. Подаждь убо нам, Госпоже, руку помощи, якоже Петрови Сын Твой, и ускори от бед избавити ны, да зовем Ти: радуйся, Всеблагая Скоропослушнице.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Сладкое лобзание», или «Гликофилусса»

*(В понедельник
Светлой седмицы)*

Пред иконой Пресвятой Богородицы «Сладкое лобзание», или «Гликофилусса», молятся об укреплении в Православной вере, о защите православных икон, при бедах и невзгодах, при телесных и душевных недугах.

Молитва ко Пресвятой Богородице пред Ее иконою «Сладкое лобзание», или «Гликофилусса»

Приими, Всеблагомощная, Пречистая Госпоже, Владычице Богородительнице, сия честныя дары, Тебе единой прикладныя, от нас недостойных рабов Твоих, от всех родов избранная, всех тварей небесных и земных вышшая явльшаяся. Понеже бо Тебе ради бысть Господь сил с нами, и Тобою Сына Божия познахом, и сподобихомся Святаго Тела Его и Пречистыя Крове Его. Темже блаженна еси в родех родов, Богоблаженная, Херувимов светлейши и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабах Твоих, еже избавитися нам от всякаго

совета лукаваго и от всякаго обстояния, и сохранитися нам неврежденным от всякаго ядовитаго прилога диавольскаго. Но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице Единому Богу и всех Создателю возсылаем, ныне и присно и во веки веков. Аминь.

Тропарь, глас 7

Одержажей ереси, о честней иконе Твоей, Дево, яве промышляеши: морешествием Твоей обители, яко дар достоин приношаеши. Сию же мы Сладколюбящую праве нарицающе, Тя ублажаем.

Кондак, глас 8

Иже в храме и обители Твоей приходящая Ти и богоугодно спасительная гонящая и почитающая Твой святыи образ сим даруй, Дево, Твоя милости, от всяких избавльши сих скорбей, Тебе вопиющия: радуйся, Едина Богоневестная.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона Божией Матери «Слово плоть бысть» («Албазинская»)

(9/22 марта)

Пред Албазинской иконой Пресвятой Богородицы «Слово плоть бысть» молятся о ниспослании благодатной силы в тяжких муках разрешения от беременности и о благополучном исходе болезней рождения, при желании иметь детей, а также о защите православных святынь, о благодарении Бога за все, что Он дарует нам.

Молитва ко Пресвятой Богородице пред Албазинскою Ее иконою, именуемую «Слово плоть бысть», чтомая в Кафедральном соборе града Благовещенска

Богородице Дево, Пренепорочная Мати Христа Бога нашего, Заступнице рода христианского! Пред чудотворною иконою Твоею предстояще, отцы наши молиша Тя, да явиши покров Твой и заступление стране приамурстей. Темже и мы ныне молим Тя: град наш и страну сию от нахождения иноплеменных соблюди и от междоусобных брани сохрани. Даруй миру мир, земли плодов изобилие; сохрани во святыни пастырей наших, во святых храмах труждающихся: осени вседержавным покровом Твоим строителей и благотворителей их.

Утверди в правоверии и единомыслии братьев наших, заблуждших же и отступивших от Православной веры вразуми и соедини Святей Церкви Сына Твоего. Буди всем притекающим к чудотворней иконе Твоей покров, утешение и пристанище от всяких зол, бед и обстояний, Ты бо еси больных исцеление, скорбящих утешение, заблуждших исправление и вразумление. Приими моления наша и вознеси я ко престолу Всевышнего, яко да Твоим предстательством соблюдаемы и покровом Твоим осеняемы, прославим Отца и Сына и Святаго Духа, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Смоленская- Полонская»

(28 июля/10 августа)

Пред иконой Пресвятой Богородицы «Смоленская-Полонская» молятся об избавлении от плена.

**Молитва ко Пресвятой Богородице пред
Ее иконою «Смоленская-Полонская»,
чтомая в Преображенской церкви погоста
Верховья Костромской епархии**

О Пресвятая Госпоже Владычице Богородице! Со страхом многим и верою и любовию сие благодарственное пение Тебе приносяще, молимся Ти прилежно: не затвори нам грешным щедрот Твоих, Всенепорочная, не отвержи нас к Тебе прибегающих, Милосердая, но всесильными Твоими молитвами покрый и заступи нас, от искушений и бед и скорбей, от внезапных смерти и вечных мук избавляющи, не имамы бо иныя помощи, не имамы иныя надежды, разве Тебе, Пречистая Дево. Смиренно убо к Тебе припадающе, молим Тя, Препоблагословенная Владычице: приими милостивно молитвы, прошения и благодарения всех с верою притекающих к сему честному Твоему образу, приносящи я Сыну Твоему, да вси мы, благодарно величия Твоя воспевающе, сподобимся Небеснаго Царствия и тамо со всеми святыми прославим Пречестное и Великолепое имя Отца и Сына и Святаго Духа, во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «София — Премудрость Божия»

(В Богородичные дни и преимущественно на Рождество Богородицы, как в Киеве, или же на Успение Пресвятой Богородицы, в Новгороде, Вологде, Тобольске, Москве и других городах)

Пред иконой Пресвятой Богородицы «София — Премудрость Божия» молятся о благополучии в доме, в семье, при трудности выбора решения.

Тропарь, глас 4

Велия и неизреченная Премудрости Божия сила смотрения плотскаго таинства! Софии Преименитая, девственных душе и неизглаголаннаго девства чистото, смиренныя мудрости истино, покоище Святаго Духа, пречестный храм непостижимыя славы Его, огнезрачный престоле Христа Бога нашего, в Тя бо вселися неизреченно Слово Божие, и плоть бысть, Невидимый явися, и неприкосновенный из Тебе изыде, и с человеком поживе, врага исконнаго уловляя и человеки от клятвы

древняя свобода, возводя паки, отню-
дуже испадом. Молимся, Владычице,
отягченныя ны во гресех лютых помило-
вати и спасти души наша, и, яко чело-
веколюбивая и милосердая Царица, Ма-
ти Премудрости Божия Слова, призри на
ны, грешныя люди Твоя, и умилосерди-
ся, заступи от напастей и скорбей лютых
и грады наша невредимы сохрани, идеже
ныне имя Твое пресвятое боголепно сла-
вится.

Кондак, глас 8

Притецем, людие, к чудотворному об-
разу Премудрости Божия, Царицы и Бо-
городицы: Царя Небеснаго Мати, Христа
Бога нашего, услыши нас, грешных и не-
достойных раб Твоих, в час сей припа-
дающих и молящихся с воздыханием и
слезами, умильно глаголющих и при-
лежно вопиющих: от бед избави нас,
Владычице, и заступи, и не презри воз-
дыхания нашего и слез, и изми нас от
всякия скорби и напасти, яко можеш,
хотящи, разве Тебе Предстательницы
иныя и ходатая тепла не имама к Сыну
Твоему и Богу нашему, да спасет Тебе
ради души наша.



**Икона
Божией Матери
«Спасительница
утопающих»
(Леньковская,
Новгород-
Северская)**

(20 декабря/2 января)

Пред иконой Пресвятой Богородицы «Спасительница утопающих» молятся о помощи от потопления на воде плавающих и от бури на море, обращаются те, которым приходится вручать себя во власть водной стихии.

**Молитва ко Пресвятой Богородице пред
Ее иконою «Спасительница утопающих»**

Заступнице усердная, Мати Господа Вышняго! Ты еси всем христианом помощь и заступление, паче же в бедах сущим. Призри ныне с высоты святая Твоея и на ны, с верою покланяющиеся Пречистому образу Твоему, и яви, молим Тя, скорую помощь Твою по морю плавающим и от ветров бурных тяжкия скорби терпящим.

Подвигни и вся православныя христианы на спасение в водах утопающих, и воздаждь подвижающимся о сем богатыя милости и щедроты Твоя.

Се бо, на образ Твой взирающе, Тебе, яко милостивно сущей с нами, приносим смиренная моления наша. Не имамы бо

ни иныя помощи, ни инаго предстательства, ни утешения, токмо Тебе, о Мати всех скорбящих и напастуемых.

Ты по Бозе наша Надежда и Заступница, и на Тя уповающе, сами себе, и друг друга, и весь живот наш Тебе предаем во веки веков. Аминь.

Тропарь, глас 4

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Спорительница хлебов»

(15/28 октября)

Пред иконой Пресвятой Богородицы «Спорительница хлебов» молятся об избавлении от засухи и бездождия, гибели хлебов, голода, во время сеяния и жатвы хлебов, о покровительстве посевов и о плодородии, об урожае, о помощи земледельцам в сельскохозяйственных работах, от грозы и града.

Молитва ко Пресвятой Богородице пред Ее иконою «Спорительница хлебов»

О, Пресвятая Дево Богородице, Премилостивая Владычице, Царице Небесе и земли, всякаго дома и семейства христианскаго Благоустроительнице, труждающихся благословение, нуждающихся неистощимое богатство, сирых и вдовиц и всех людей Кормительнице! Питательнице наша, рождшая Питателя Вселенныя и Спорительнице хлебов наших, Ты Владычице, ниспосылаеши Твое Матернее благословение градом нашим, селам и нивам и коемуждо дому, на Тя упование имущему. Темже с благоговейным трепетом и сокрушенным сердцем смиренно молим

Тя: буди и нам, грешным и недостойным рабом Твоим, мудрая Домостроительнице, житие наше добре устрояющая. Всякое же сообщество, всякий дом и семейство во благочестии и Православии, единомыслии, послушании и довольстве соблюди. Нищия и неимуция пропитай, старость поддержи, младенцы воспитай, всех вразуми преискренне взывати ко Господу: «Хлеб наш насущный даждь нам днесь». Сохрани, Пречистая Мати, люди Твоя от всякия нужды, болезни, глада, губительства, града, огня, от всякаго злаго обстояния и всякаго нестроения. Обители нашей (веси), домам и семействам и всякой души христианстей и всей стране нашей исходатайствуй мир и велию милость, да славим Тя, Премилостивую Питательницу и Кормительницу нашу, ныне и присно и во веки веков. Аминь.

Тропарь, глас 3

О, Пречистая Дево Марие, Мати Царя Небесе и земли, благоутробно призираеши на любящих Сына Твоего, Христа Бога нашего, и труждающихся во имя Его вечнаго ради спасения, и подаеши им вся обильно к наслаждению, Спорительнице сущи хлебов им, избавляя их всякия нужды

и утеснения и устрояя им, рабом Твоим сущим, избавление вечныя муки и жизнь вечную.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Споручница грешных»

*(7/20 марта, 29 мая/
11 июня и в четверг
по Пятидесятнице)*

Пред иконой Пресвятой Богородицы «Споручница грешных» молятся во время греховного омрачения, во всяком унынии, отчаянии и скорби душевной, об избавлении от эпидемии и чумы, в расслаблении тела с бессонницей, потерей аппетита и лишением каких-либо членов, об исцелении различных недугов, припадков, о спасении грешников.

Молитва ко Пресвятой Богородице пред Ее иконою «Споручница грешных»

О Владычице Преблагословенная, Защитнице рода христианского, прибежище и спасение притекающих к Тебе!

Вем, воистину вем, яко зело согреших и прогневах, Премилостивая Госпоже, рожденнаго плотию от Тебе Сына Божия, но имам многии образы прежде мене прогневавших Его благоутробие: мытари, блудницы и прочия грешники, имже дадесе прощение грехов их, покаяния ради и исповедания. Тыя убо образы помилованных очесем грешныя души моя представляя и на толикое Божие милосердие, оных преемшее, взирая, дерзнух и аз, грешный, прибегнути с покаянием ко Твоему благоутробию. О Всемилоостивая Владычице, да подаси ми руку помощи и испросиши у Сына Твоего и Бога матерними и святейшими Твоими молитвами тяжким моим грехом прощение. Верую и исповедую, яко Той, Егоже родила еси, Сын Твой, есть воистину Христос, Сын Бога Живаго, Судия живых и мертвых, воздаяй комуждо по делом его. Верую же паки и исповедую Тебе быти истинную Богородицу, милосердия источник, утешение плачущих, взыскание погибших, сильную и непрестающую к Богу Ходатаицу, зело любящую род христианский, и Споручницу покаяния. Воистину бо несть человеком иныя помощи и покровя, разве Тебе, Госпоже Премилостивая, и никтоже, упоая на Тя, постыдесе когда и, Тобою умоляя Бога, никтоже оставлен бысть. Того ради молю Твою неисчетную благодать: отверзи двери милосердия Твоего

мне, заблуждшему и падшему в тимение глубины, не возгнушайся мене, сквернаго, не презри грешнаго моления моего, не остави мене, окаяннаго, яко в погибель злобный враг похитити мя ищет, но умоли о мне рожденнаго от Тебе милосердаго Сына Твоего и Бога, да простит великия моя грехи и избавит мя от пагубы моя; яко да и аз со всеми, получившими прощение, воспою и прославлю безмерное милосердие Божие и Твое непостыдное о мне заступление в жизни сей и в нескончаемом веце. Аминь.

Тропарь, глас 4

Умолкает ныне всякое уныние и страх отчаяния исчезает, грешницы в скорби сердца обретают утешение и Небесною любовью озаряются светло: днесь бо Матерь Божия простирает нам спасающую руку и от Пречистаго образа Своего вещает, глаголя: Аз Споручница грешных к Моему Сыну, Сей дал Мне за них руже слышати Мя выну. Темже, людие, обремененнии грехи многими, припадите к подножию иконы Ея со слезами вопиюще: Заступнице мира, грешным Споручнице, умоли Матерними Твоими молитвами Избавителя всех, да Божественным всепрощением покрывает грехи наша и светлыя двери райския отверзет нам, Ты бо еси предстательство и спасение рода христианскаго.

Кондак, глас 1

Честное Жилище бывшее неизреченнаго естества Божественнаго выше слова и паче ума и грешным еси Споручница, подаваеши благодать и исцеление, яко Мати всех Царствующаго: моли Сына Твоего получитьи нам милость в День судный.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Страстная»

(13/26 августа)

Пред иконой Пресвятой Богородицы «Страстная» молятся об исцелении от холеры, при слепоте или иной болезни глаз, при расслаблении, параличе, от пожара.

Молитва ко Пресвятой Богородице пред Ее иконою «Страстная»

О Пресвятая Госпоже, Владычице Богородице, вышши еси всех Ангел и Архангел и вся твари честнейши, Помощница

еси обидимых, ненадеющихся надеяние, убогих Заступница, печальных утешение, алчущих Кормительница, нагих одеяние, больных исцеление, грешных спасение, христиан всех поможение и заступление. О Всемиловитая Госпоже, Дево Богородице, Владычице, милостию Твоею спаси и помилуй раб Твоих, Великаго Господина и отца нашего Святейшаго Патриарха (имя рек), и преосвященные митрополиты, архиепископы и епископы, и весь священнический и инокский чин, Богохранимую страну нашу, военачальники, градоначальники и христолюбивое воинство и доброты, и вся православныя христианы ризою Твоею честною защити, и умоли, Госпоже, из Тебе без семени воплотившагося Христа Бога нашего, да препояшет нас силою Своею свыше на невидимыя и видимыя враги наша. О Всемиловитая Госпоже, Владычице Богородице, воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплеменных и междоусобных брани, и от напрасныя смерти, и от нападения вражия, и от тлетворных ветр, и от смертоносных язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя, еже ко спасению, и сподоби

ны, грешныя рабы Твоя, Царствия Сына Твоего, Христа Бога нашего, яко держава Его благословена и препрославлена, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 4

Днесь возсия неизреченно царствующему граду нашему Москве икона Богоматере, и, яко светозарным солнцем, пришествием тоя озарися весь мир, Небесныя силы и души праведных мысленно торжествуют, радуящися, мы же, на ню взирающе, к Богородице со слезами вопием: о Всемиловитая Госпоже, Владычице Богородице, молися из Тебе воплощенному Христу, Богу нашему, да подаст мир и здравие всем христианом по велицей и неизреченней Своей милости.

Кондак, глас 3

Благодать прияхом нетления, еже даровала еси нам, спасительнаго Твоего целения чудотворным Твоим образом честным, Богородице Дево, темже вопием Ти и с радостию зовем, Госпоже Царице, молимтися умильно грешнии, со слезами глаголюще: о Пресвятая Владычице, скорое нам яви заступление и помощь, спаси ны от супостат

наших и от всякия скорби соблюди, землю нашу миром огради, и вся люди Твоя покрый, и соблюди на Тя уповающие, потщися избавити, да не погибнем зле, раби Твои, но да зовем Ти: радуйся, Невесто Невестная.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Табынская»

(В 9-ю пятницу по Пасхе)

Пред иконой Пресвятой Богородицы «Табынская» молятся об исцелении болезней глаз и слепоты.

Молитва ко Пресвятой Богородице пред Ее иконою «Табынская»

О Пресвятая Владычице, Дево Богородице! Приими мольбы от нас, прилежно призывающих и молящихся Тебе, покажи скорое Твое заступление, покажи, яко

можеши, яко Мати Бога, призываем Тя от сердца, со слезами припадающе пред пречистым Твоим образом. О Божия Мати! Спаси нас и не даждь в расхищение супостатом, ниже да найдет на ны вся злая, яже грехи наша уготоваша нам, ниже беззакония наша да превзыдут на главы наша. Виждь наша нестерпимыя печали, скорби, нужды, болезни, страсти; вооружися на ны лукавно враг, языком, якоже мечем, хотя нас погубити, но Твоею, Богородительнице, крепостию предвари. Уста человеков, яко львов лютых, гроба тягчайше отверзошася, горько поглотиша ны; но Ты, Богородительнице явися надежда ненадеющимся и низложи крепость их, да узрят врази и постыдятся, да разумеют и видят Твою, еже по нам сопротив борющую силу, и в пропасть преисподнюю низложи их. Да заградится всяк язык, лукавым поучаяйся, да молчат уста льстивыя и уста, неправедно глаголющия на праведнаго беззаконие, гордынею и завистию враждебною вкупе. Призывающим Тя, Богородице, от души неложно во всякой скорби, и в болезнях различных, и в бедах лютых спешно услыши, Владычице, сих избавляющи присно молитвами Своими; душ спасение, веры сохранение, от греховных навыков избавление, мирную христианскую кончину и Царствия Небеснаго наследие даруй нам. Да имя

Твое, Богородице, на земли славословится, Иже бо, из Тебе возсияв, грешником державную надежду и стену нерушимую Ты дарова во веки веков. Аминь.

Тропарь, глас 4

Наста днесь пресветлый праздник, Пречистая Дево, честныя Твоя Табынския иконы, Владычице, яже паче лучей солнечных возсия, от Источника приснотекущаго, Христа Бога нашего, источаеши целебныя дары с верою к Тебе притекающим, Ты бо Христос Помощницу людем Своим дарова, покрывати и спасати от всякия беды рабы Своя, едину Благословенную.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Тамбовская»

(16/29 апреля)

Пред иконой Пресвятой Богородицы «Тамбовская» молятся об исцелении тяжелобольных.

Молитва ко Пресвятой Богородице пред Ее иконою «Тамбовская»

Царице моя преблагая, надеждо моя Богородице, прибежище сирых и странных Предстательнице, скорбящих радости, обидимых Покровительнице! Зриши мою беду, зриши мою скорбь, помози ми яко немощну, направи мя яко странна. Обиду мою веси, разреши ту, якоже волиши: яко не имам иныя помощи разве Тебе, ни иныя Предстательницы, ни благия Утешительницы, токмо Тебе, о Богомати, яко да сохраниши мя и покрыеши во веки веков. Аминь.

Тропарь, глас 4

Днесь светло красуется град Тамбов, и святитель Христов Питирим радуется. Сияет бо ныне чудесы икона Твоя, Владычице, юже из первопрестольнаго града Москвы святитель принесе, и дивное людем являет Твое заступление, подающи исцеление всем с верою к Тебе притекающим. Темже умильно вопием Ти: спасай нас иконою Твоею, Дево Всепетая.

Кондак, глас 3

Ангели Божии и вси святии на Небеси ныне радуются, видяще славу Твою, Пречистая Дево. Вернии бо людие пред иконою

Твоею приносят Тебе благодарственные молитвы, ради милости и щедрот, явленных всем нам, наипаче же граду нашему. Потщися, Богородице Дево, и в предния дни спасти нас Твоим заступлением.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Теребовлянская»

(6/19 апреля)

Пред иконой Пресвятой Богородицы «Теребовлянская» молятся о даровании русской земле покоя от распрей и смут.

Молитва ко Пресвятой Богородице пред Ее иконою «Теребовлянская»

Пренепорочная Госпоже, Небесе и земли Царице, Пречистая Дево Богородице! Смиренно припадая молюся Тебе: помози ми, едина многомогущая Владычице, единому грешному, прими недостойное мое моление, и принеси Единородному

Твоему Сыну, Богу моему, яко да милостив будет страстней и скорбней души моей; сам бо за множество беззаконий моих не смею простертися и просити прощения, но Тебе предлагаю Ходатаицу и теплую Молитвенницу, яко Матернее к рождшемуся из Тебе Богу имаши дерзновение, и ничтоже Тебе невозможно, аще точию восхощеши. Не презри моих слез, не возгнушайся воздыхания моего, не отрини сердечныя моя болезни, оживи умерщвеннаго мя страстьми. Свет Невечерний возсиявшая нам, душу мою, омраченную злодеяньми просвети; Врача рождшая, уврачуй души моя неисцельныя язвы, волнующагося житейскою бурей, на стезю мя покаяния направи. Приими, Госпоже Всемилостивая, молебную сию службу мою, и человеколюбивому Богу принеси. О прекрасная палата Владычня, сотвори мя дом Божественнаго Духа; Светоносная Сене Небесная, духовную благодать во мне грешнем направи. Руце мои недостойныя воздеваю, и сердце и устне скверныя ко хвалению Тебе, Всенепорочная, исправляю, да душетленных мя пакостей избавиши. Всякия нечистыя помыслы от сердца моего отжени, язык мой полезная глаголати исправь, очесем моим подаждь слезы, на омы-

тие скверны греховныя, нозе мои устрой непреткновенно к деланию заповедей Божественных ходити, руце мои соделай к Вышнему на воздеяние благоприятное, слух мой отверзи ко усердному слышанию заповедей Божественнаго Евангелия, яко да и творити я возмогу, Тобою, Всесильная Царице, укрепляемь. И подаждь ми время покаяния, и от внезапныя смерти свободи мя. На кончине же предстани ми, Всемиловитая Мати, в разлучении души от страстного моего тела, от воздушных мытарей и князей темных изимающи мя, и рукописание многих грехов моих раздирающи, одесную же блаженнаго стояния на страшнем суде сподоби мя. Ты свет омраченнаго ума моего, Ты утешение души моей, Ты упокоение спасения моего, Ты едина непостыдная предстательница к Богу. Егоже милостива мне сотвори, Владычице, и присносущных благ наследника яви мя в будущей жизни, идеже есть всех веселящихся жилище. Яко да и тамо Тя, Премиловитая Молитвеннице, сподоблюся величати, и славити великолепое имя Сына Твоего, Христа Спасителя и Бога нашего, со Безначальным Его Отцем, и Всесвятым и Благим и Животворящим Духом, во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Тихвинская»

(26 июня/9 июля)

Пред иконою Пресвятой Богородицы «Тихвинская» молятся о прозрении слепых и исцелении глазных болезней, бесноватых, при болезнях детей, расслаблении суставов, при параличе, падучей болезни, от нашествия иноплемennых.

Тихвинская икона Божией Матери является покровительницей младенцев.

Молитва ко Пресвятой Богородице пред Ее иконою «Тихвинская»

Благодарим Тя, о Преблагая и Пречистая, Преблагословенная Дево, Владычице, Мати Христа Бога нашего, о всех благодеяниях Твоих, яже показала еси роду человеческому, наипаче же нам, христоименитым людям Российскаго народа, о нихже ниже самый ангельский язык к похвалению доволен

будет, якоже и ныне удивила еси неизреченную Свою милость на нас, недостойных рабех Твоих, преестественным самоприщещением пречистыя Твоея иконы, еюже всю просветила еси Российскую страну. Темже и мы, грешнии, со страхом и радостью покланяющиеся, вопием Ти: о Пресвятая Дево, Царице и Богородице, спаси и помилуй Святейшаго Патриарха Московскаго и всея Руси, архиереи же и вся люди, и подаждь стране победы на вся враги, и сохрани вся грады и страны христианския, и сей святыи храм от всякаго навета вражия избави, и всем вся на пользу даруй, ныне пришедшим с верою и молящимся рабом Твоим, и покланяющимся пресвятому образу Твоему, яко благословенна еси с рождшимся от Тебе Сыном и Богом ныне и присно и во веки веков. Аминь.

Тропарь, глас 4

Днесъ, яко солнце пресветлое, возсия нам на воздусе всечестная икона Твоя, Владычице, лучами милости мир просвещающи, юже великая Россiя, яко некий дар Божественный, свыше благоговейне восприемши, прославляет Тя, Богомати, всех Владычицу, и от Тебе рождшагося Христа Бога нашего величает радостно. Емуже молися, о Госпоже Царице Богородице, да сохрании вся грады и страны христианския

невредимы от всех навет вражиих, и спасет верою поклоняющихся Его Божественному и Твоему пречистому образу, Дево Неискусобрачная.

Кондак, глас 8

Притецем, людие, к Деве Богородице Царице, благодаряще Христа Бога, и к Тоя чудотворней иконе, умильно взирающе, припадем, и возопием Ей: о Владычице Марие! Присетивше страну сию Твоего честного образа явлением чудесно, спасай в мире и благовременстве вся христианы, наследники показующи небесныя жизни. Тебе бо верно зовем: радуйся, Дево, мира спасение.



Икона Божией Матери «Толгская»

(8/21 августа)

Пред иконой Пресвятой Богородицы «Толгская» молятся об избавлении от засухи, бездождия, грозы, града, а также при болезнях ног и бесновании.

Молитва ко Пресвятой Богородице пред Ее иконою «Толгская»

О Пресвятая Госпоже, Дево Богородице, вышшая Херувимов и Серафимов и святейшая всех святых! Ты, Всеблагая,

на Толге икону Твою многоцелебную блаженному святителю Трифону огневидно явити благоволила еси, и ею многая и неизреченная чудеса соделала еси, и ныне содеваеши, по Твоему неизреченному к нам милосердию. Тебе пред пречистым образом Твоим припадаем и молимся, Препоблагословенная рода нашего Заступнице: в странствии сем земнем, многоскорбнем и многомятежном, не лиши нас Твоего заступления и покрова державнаго. Спаси и защити нас, Владычице, от разжженных стрел лукаваго врага спасения нашего. Укрепи немощную волю нашу к деланию заповедей Христовых, умягчи окаменелая сердца наша любовью к Богу и ближним нашим, даруй нам сокрушение сердечное и покаяние истинное, да, очистившеся от скверны греховныя, возможем принести Творцу благоугодныя Ему плоды добрых дел и сподобитися мирныя христианския кончины и ответа праваго на страшнем и нелицеприятнем Суде Его. Ей, Госпоже Всемиловитая! В час грозный смертный наипаче яви нам Твое многомогущее заступление, ускори тогда на помощь к нам, беспомощным, и державною рукою Твоею исхити нас из власти лютаго миродержца, ибо воистину много может молитва Твоя пред лицом Господа, и ничтоже невозможно ходатайству Твоему, аще токмо восхощеши. Темже, на святыи образ

Твой умиленно взирающе и пред ним, яко живеи Ти сущей с нами, покланяющеся, с упованием благим сами себе, и друг друга, и весь живот наш Тебе по Бозе молитвенно предаем и Тя величаем с рождшимся от Тебе Спасителем нашим, Господом Иисусом Христом, Емуже, со Безначальным Его Отцем и Пресвятым Духом, подобает всякая слава, честь и поклонение, ныне и присно и во веки веков. Аминь.

Тропарь, глас 4

Днесь светло сияет на Толге образ Твой, Пречистая Дево Богородице, и, яко солнце незаходимое, всегда верным подадеся, Егоже виде на воздусе, невидимо Ангелы, яко никим, держама, преосвященный епископ града Ростова Трифон тече ко явленному светящемуся столпу огненну, и по водам, яко по суху, преиде, и молящеся Ти верно о пастве и о людех. И мы, к Тебе притекающе, зовем: Пресвятая Дево Богородице, верно Тя славящих спасай, страну нашу, архиереев и вся российския люди от всех бед по велицей Твоей милости.

Кондак, глас 8

Чудное и благоприятное светоноснаго зрака Твоего явление, Пречистая Дево, с верою взирающим бывает известное

чаяние спасения, столпом бо огненным являючи предстательство, неусыпное и теплое за ны к Богу возсылаеши моление, имже страну Российскую от всяких бед избави, молимся, да радостными усты вопием Ти вси: радуйся, Предводительнице вечного блаженства.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Трех радостей»

(26 декабря/8 января)

Пред иконой Пресвятой Богородицы «Трех радостей» молятся об оправдании безвинно обвиненных, об освобождении из плена и заточения, о возвращении утраченного, в семейных нуждах и о семейном благополучии, о защите от воров.

**Молитва ко Пресвятой Богородице
перед Ее иконою «Трех радостей»,
чтомая в Московской Троицкой
на Грязех церкви**

О Пресвятая Дево, Всеблагаго Сына Мати Всеблагая, царствующаго града и святого храма сего Покровительнице, всем сущим

во гресех, бедах и болезнях верная Предстательнице и Заступнице! Не презри моления нас, недостойных рабов Твоих, и умоли Сына Твоего и Бога нашего, да всем нам, с верою и умилением покланяющимся пред чудотворным образом Твоим, дарует по коегождо потребе радость: сущим в скорбех и печалех утешение, бедствующим милосердие, сущим в многонедужии нечаемое исцеление и укрепление. О Госпоже Пресвятая, умилосердися о всех чтущих всесчастное имя Твое и всем яви всемогущий покров Твой и заступление: всякому делу, Сыну Твоему угодному, споспешествуй; всякое дело злое разруши; в недоумении и трудных и опасных обстояниях обретающимся незримую помощь и вразумление с Небесе ниспосли. Младенцы воспитай, юныя уцеломудри, отверзи им ум к приятию всякаго полезнаго учения. От домашня брани и от врагов видимых и невидимых защити и сохрани. Супружества в любви и единомыслии сохрани и от вражды единокровных миром и любовию огради. И всем нам даждь друг ко другу любовь, мир и благочестие, и здравие с долгоденствием. Преставившиися в вере и покаянии от жития сего со Ангелы и всеми святыми жити сотвори, да вси на небеси и на земли ведут Тя, яко твердую и непостыдную предстательницу рода христианскаго, и, ведуще, славят Тя и Тобою Сына Твоего, со Безначальным Его Отцем

и Единосущным Его Духом, ныне и присно и во веки веков. Аминь.

Тропарь, глас 4

От святых иконы Твоя, радости неизреченныя преисполнила еси сердце благочестивых жены. О, Пречистая Владычице мира, всемогущая Царице, радости, Приснодево, твари, егда возвратила оной мужа и сына и достояние ея. Также и всем нам милосердствуеши, даруй исполнение благих желаний, источая присно текущий источник радости молящимся Тебе и вседушно вопиющим: радость всему миру родившая, радости исполни неоскудевающих чтущих Тя.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Троеручица»

(28 июня/11 июля
и 12/25 июля)

Пред иконою Пресвятой Богородицы «Троеручица» молятся об исцелении болей рук или в увечье рук в душевном беспокойствии, от пожара.

Молитва ко Пресвятой Богородице пред Ее иконою «Троеручица»

О Пресвятая Госпоже Владычице Богородице, велие чудо святому Иоанну Дамаскину явившая, яко веру истинную и надежду несумненную показавшему! Услыши нас, грешных, пред чудотворною Твоею иконою усердно молящихся и просящих Твоея помощи: не отрини моления сего многих ради прегрешений наших, но, яко Мати милосердия и щедрот, избави нас от болезней, скорбей и печалей, прости содеянные нами грехи, исполни радости и веселия всех, чтущих святую икону Твою, да радостно воспоем и любовь прославим имя Твое, яко Ты еси от всех родов избранная и благословенная во веки веков. Аминь.

Тропарь, глас 4

Днесь всемирная радость возсия нам велия: даровася святей горе Афонстей цельбоносная Твоя, Владычице Богородице, икона, со изображением тричисленно и нераздельно пречистых рук Твоих в прославление Святыя Троицы, созываеши бо верных и молящихся Тебе о сем познати, яко двема Сына и Господа держиши, третью же яви на прибежище и покров чтущих Тя от всяких напастей и бед избавляти, да вси,

притекающие к Тебе верою, приемлют от всех зол освобождение, от врагов защищение, сего ради и мы вкупе со Афоном вопием: радуйся, Благодатная, Господь с Тобою.

Кондак, глас 8

Днесь веселое наста ныне Твое торжество, Богомати Пречистая, вси вернии исполнишася радости и веселия, яко сподобльшеся изрядно воспети предивное явление честного образа Твоего и Рождшагося из Тебе Младенца, истинна же Бога, Егоже двема рукама объемлещи, и третьею от напастей и бед нас изымаеши и избавляеши от всех зол и обстояний.

Величание

Величаем Тя, Пренепорочная Дево, и чтим чудеса образа святого Твоего, трех пречистых рук Твоих явление в славу Божества, в Троице Бога нашего.



Икона Божией Матери «Умиление» Новгородская

(8/21 июля)

Пред иконой Пресвятой Богородицы «Умиление» Новгородская молятся при эпидемиях и от пожара.

Молитва ко Пресвятой Богородице пред Ее иконою «Умиление» Новгородская

О Владычице Богородице, души моя
услаждение, изсохшаго сердца моего струе
Боготочная, потемненнаго ума моего пре-
светлый светильниче, ленивыя воли моя
путеводительнице, немощи моя сила, на-
готы облечение, нищеты богатство, неис-
целимых ран мощное и скорое врачевание,
слез осушение, рыданий утоление, бед пре-
творение, болезней облегчение, уз разреше-
ние, спасения надеждо! Услыши молитву
мою: даждь ми время покаяния, ревность
спасения, силу в подвизех богоугождения;
сохрани мя от напастей и всяких зол, во
искушениях же и бедах простри Твою руку
помощи, да возстану в падении и не погибну
люте. Дондеже пребываю в сем многоболез-
ненном житии, не лиши мене даров Твоея
милости. Ущедри благостынею Твоею всю
христолюбивую братию, zde предстоящую и
молящуюся. Младенцы воспитай, юныя на-
стави, старыя поддержи, малодушныя уте-
ши, заблуждшия вразуми, вдовицы и сирья
призри и защити, на всех любящих и нена-
видящих нас излей богатую Твою милость.
И при кончине жизни моя, во время ис-
хода моего от телесе, буди ми предстатель-
ница: болезнь смертную умягчи, тоску уто-
ли и бедную мою душу приведи к вечным

обителем, да не возьмет мене темная сила, ниже да увлечет во глубину ада. Ей, Преплагая Владычице Богородице, души моя умиление! Согрей хладное в вере и любви сердце мое слезами умиления; низпосли ми, скорбящему и обремененному грехми, за молитвы преподобного отца Серафима, Твоего чтителя, потребную радость и утешение. Да не лишуся убо, Богоневесто, упования моего о возлюбленном Сыне Твоем, Господе нашем Иисусе Христе, сей прияти. Тому слава и держава, честь и поклонение, со Безначальным Его Отцем, Всесвятым и Благим и Животворящим Его Духом, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона
Божией Матери
«Умиление»
Псково-Печерская
(7/20 октября, 21 мая/
3 июня, 23 июня/6 июля,
26 августа/8 сентября и в
7-е воскресенье по Пасхе)

Пред иконой Пресвятой Богородицы «Умиление» Псково-Печерская молятся о защите от иноплемennых и от междоусобной брани и об исцелении от беснования.

**Молитва ко Пресвятой Богородице
пред Ее иконою «Умиление»
Псково-Печерской**

О Препоблагословенная Дево Богородице! Мати всех страждущих и болезнующих сердцем! Страны наша и града Защитнице! Обители Псково-Печерския красото и славо! Призри на нас смиренных, обремененных грехми многими, отягченных скорбми и печалями, и с сокрушением и слезами взирающих на пречистый лик Твой, в чудотворней иконе явленный. Сохрани от всякаго зла святую обитель сию, юже преподобный Корнилий со старцы Марком и Ионою Тебе вручи и всех в вере и надежде подвижающихся в ней. Спаси и град сей, и вся люди, правоверно живущия и к Тебе прибегающия, от нашествия иноплемennых, от всякаго страха и труса, от мора и глада, от злых человек и всяческой скорби. Приникни к нам милосердием Твоим, яко ликом Твоим Божественным любезно приникла еси к ланите Богомладенца. Согрей нас дыханием Твоея любви и никогдаже отступай от нас, ни в сей жизни, ни в будущей, да чающе Твою всеильную Материнскую помощь, сподобимся безбедно дойти

вечныя жизни и прославлять Небеснаго Отца и Сына и Святаго Духа в Троице славимаго Бога, во веки веков. Аминь.

Тропарь, глас 4

Днесь светло красуется обитель сия, яко зарю солнечную восприимши, Владычице, чудотворную Твою икону, к нейже мы ныне притекающе и молящися Тебе, взываем сице: о Пречудная Владычице Богородице! Молися из Тебе воплощенному Христу Богу нашему, да избавит обитель сию и вся грады и страны христианския невредимы от всех навет вражиих и спасет души наша, яко Милосерд.

Величание

Величаем Тя, Пресвятая Дево, Мати Христа Бога нашего, и чтим чудотворный образ Твой, имже спасла нас от руки вражия.



Икона
Божией Матери
«Умиление»,
или «Радость
всех радостей»,
Серафимо-
Дивеевская

(28 июля/10 августа)

Пред иконой Пресвятой Богородицы «Умиление», или «Радость всех радостей», молятся об исцелении всех немощей телесных.

**Молитва ко Пресвятой Богородице
пред Ее иконою «Умиление»
Серафимо-Дивеевской**

Приими, Всеблагоспособная Пречистая Госпоже, Владычице Богородительнице, сия честныя дары, Тебе единой прикладныя, от нас, недостойных раб Твоих: от всех родов избранная, всех тварей небесных и земных вышшая являющаяся, понеже бо Тебе ради бысть Господь Сил с нами, и Тобою Сына Божия познахом и сподобихомся святаго Тела Его и пречистыя Крове Его; темже блаженна еси в родах родов, Богоблаженная, Херувимов светлейши и Серафимов честнейши сущая. И ныне, Всепетая Пресвятая Богородице, не престай молящися о нас, недостойных рабех Твоих, еже избавитися нам от всякаго совета лукаваго и всякаго обстояния и сохранитися нам неврежденным от всякаго ядовитаго прилога диявольскаго; но даже до конца молитвами Твоими неосужденных нас соблюди, яко да Твоим заступлением и помощью спасаемы, славу, хвалу, благодарение и поклонение за вся в Троице единому Богу и всех Создателю возсылаем, ныне и присно и во веки веков. Аминь.

Тропарь, глас 4,
*поемый в Серафимо-Дивеевском
монастыре Нижегородской епархии*

К Богородице со умилением припадем,
вси грехми обремененнии, чудотворную
Ея икону Умиления облобызающе и вопи-

юще со слезами: Владычице, прими моление недостойных раб Твоих и подаждь нам, просящим, велию Твою милость.

Кондак, глас 3

Юже подражая неплодную смоковницу, аз, окаянный, умиления плода отнюд не приношу и посещения страшуся, но, взирая к чудотворней иконе Твоей Умиления, Владычице, стену от сердца и вопию: умилися, Благосердая, и мне, окамененному сердцем, благоволи подати душевное и сердечное умиление.

Величание

Величаем Тя, Пресвятая Дево, Мати Христа Бога нашего, и чтим образ Твой святыи, от негоже источаеши исцеления всем, с верою к Тебе притекающим.



Икона Божией Матери «Урюпинская»

(8/21 июня)

Пред иконой Пресвятой Богородицы «Урюпинская» молятся об исцелении слепых, страдающих параличом, ревматизмом, головной болью, расслаблением, слабоумием, об одержимых сильной тоской.

Молитва ко Пресвятой Богородице пред Ее иконою «Урюпинская»

О Всемиловитая Госпоже, Дево Богородице! Вонми смиренному молению нашему и сокрушенно ныне предстоящих образу Твоему услыши глас. Вемы бо, о Содетеля нашего Мати, яко Ты еси предстательство христиан непостыдное и ходатайство ко Творцу непреложное. Вемы и сие, яко беззакония наша превзыдоша главы наша и яко бремя тяжкое отяготеша на нас, и уже несмы достойни видети высоту Небесную, ниже воззрети ко престолу славы Сына Твоего и Бога нашего, но достойни явяхомся мук и вечнаго осуждения. Сего ради к Тебе припадаем, Тя просим умиленно, к Тебе со слезами взываем: вознеси к Нему Матернее Твое моление, да не отвержет нас грешных от лица Своего, но, яко Милостив, да простит нам согрешения наша вольная и невольная, на путь спасения нас наставляя и свыше силою ко творению заповедей Своих укрепляя. Да сохранит нас от соблазнов мира, от вожделений греховных, от козней диавольских и от нападения видимых врагов. Да благословит дела рук наших, подавая обители сей и всякому граду и стране обилие благ земных. Да сотворит нам дни благи и безмятежны, да оградит миром Церковь Свою Святую и разстоящаяся да соединит Той, яко Благ Господь,

Долготерпелив и Многомилостив, от всея твари со Отцем и Святым Духом славимый во веки веков. Аминь.

Тропарь, глас 3

Явилася еси на древе в Донской земли, благодатная Твоя икона, Богородице, больныя исцеляти, заблуждшия обращати; темже умильно молимся Тебе: избави град наш от всякаго зла и спаси люди, к Тебе притекающия.

Кондак, глас 5

Всеблагая Чистая Богородице, к Тебе прибегаем, вернии, Тобою бо познахом милость Божию, чудную икону Твою, от неяже вси здравие и спасение приемлем.

Величание

Величаем Тя, Пресвятая Дево, и чтим образ Твой святой, от него же истекает благодатная помощь всем, с верою притекающим к нему.



Икона Пресвятой Богородицы «Успение»

(15/28 августа)

Пред иконой Пресвятой Богородицы «Успение» молятся о помощи и напутствии отходящих в иной мир.

Молитва пред иконою Успения Пресвятой Богородицы

О Пресвятая Богородице, Дево Владычице, вышшая Ангел и Архангел, и вся твари честнейшая, ангельское великое удивление, пророческая высокая проповедь, апостольская преславная похвало, святителей изрядное украшение, мучеников крепкое утверждение, иноков спасительное наставление, постников неизмогающее воздержание, девствующих чистото и славо, матерей тихое веселие, младенцев мудросте и наказание, вдовиц и сирых кормительнице, нагих одеяние, болящих здравие, пленников избавление, по морю плавающих тишино, обуреваемых небурное пристанище, блуждающих нетрудная наставнице, путешествующих легкое прехождение, труждающихся благое покоище, в бедах сущих скорая заступнице, обидимых покрове и прибежище, ненадеющихся надеяние, требующих помощнице, нищих неистоимое богатство, печальных присное утешение, ненавидимых любовное смирение, грешников спасение и к Богу присвоение, правоверных всех твердое ограждение, непобедимое поможение и заступление. Тобою нам, Владычице, Невидимый видим бысть, и Тебе мольбу приносим, Госпоже, грешнии раби Твои: о премилостивая и пречудная света умнаго

Царице, рождшая Царя Христа Бога нашего, Живодавца всех, от небесных славимая и от земных хвалимая: ангельский уме, Светозарная Звезда, святых пресвятейшая, Царице цариц, Владычице всех тварей, Боголепная Девице, нескверная Невесто, палато Духа Святаго, огненный престол невидимаго Царя, небесный кивоте, носило Слова Божия, огнеобразная колесница, покоище Живаго Бога, неизреченное составление плоти Христовы; гнездо орла небеснаго, горлице богогласная, голубице кроткая, тихая и незлобивая, Мати чадолюбивая, милостей бездно, развергающая тучу гнева Божия, неизмеримая глубино, неизреченная тайно, несведомое чудо, нерукотворенная Церкви единого Царя всех век благоуханное кадило, честная багрянице, боготканная порфира, душевный рай, живоноснаго сада отрасли, цвете прекрасный, процветший нам небесное веселие, грозде спасения нашего, чаше Царя Небеснаго, в нейже растворится от Духа Святаго вино неисчерпаемая благодати, ходатаице закона, зачатое истинныя веры Христовы, непоколебимый столпе, еретиков пагубо, мечу ярости Божия на богопротивных, бесов устрашение, во бранех побеждение, христиан всех неложная хранительнице и мира всего известное спасение. О Всемиловитая

Госпоже Дево, Владычице, Богородице, услыши нас молящихся Тебе, и яви милость Твою на людех Твоих, моли Сына Своего избавитися нам от всякаго зла и сохрани обитель, и град и страну верных, и люди, благочестно прибегающия и призывающия имя Твое святое, от всякия напасти, губительства, глада, труса, потопа, огня, меча, нашествия иноплемеников и междоусобных брани, от всякия болезни, и всякаго обстояния, да ни ранами, ни прещением, ни мором, ни всяким праведным гневом Божиим умалятся раби Твои; но соблюдай и спасай милостию Своею, Госпоже, за ны молящихся, и полезное благорастворение воздуха ко времени плоднаго приношения нам даруй: облегчи, возстави и помилуй, Премилостивая Владычице, Богородице Препетая, во всякой беде и нужде сущия. Помяни рабы Твоя и не презри слез и воздыхания нашего, и обнови нас благочестию Своея милости, да со благодарением утешаемся, обретше Тя помощницу. Умилосердися, Госпоже Пречистая, на немощныя люди Твоя, надеждо наша: разсеянныя собери, заблуждшия на путь правый настави, отпадшия от благочестивыя отеческия веры паки возврати, старость поддержи, юныя накажи, младенцы воспитай и прослави славящия Тя, изряднее же Церковь Сына Твоего соблюди

и сохрани в долготу дней. О милостивая и премилостивая Царице Небесе и земли, Богородице Приснодево! Ходатайством Твоим помилуй Святейшаго Патриарха Московскаго и всея Руси Алексия II, страну нашу Российскую, власти и воинство ея, и вся православныя христиане, сохраняющи их под кровом милости Твоея, ризою Твоею честною защити, и моли из Тебе воплощагося без семени Христа Бога нашего, да препояшет ны свыше силою, на вся видимыя и невидимыя враги наша, на иноплеменники и единоплеменники, воюющия на нас и на веру нашу Православную. Спаси же и помилуй, Госпоже, преосвященныя митрополиты, архиепископы и епископы православныя, иереи же и диаконы, и весь причет церковный, и вся правоверныя люди, покланяющияся и молящияся пред честною Твоею иконою. Призри на всех нас призрением милостиваго Твоего заступления, воздвигни нас из глубины греховныя и просвети очи сердечныя ко зрению спасения, милостива нам буди зде и на Страшном Суде Сына Твоего о нас умоли; преставльшиися во благочестии от жития сего рабы Твоя в вечней жизни со Ангелы и Архангелы и со всеми святыми причти, да одесную Сына Твоего и Бога предстанут; и молитвою Твоею сподоби вся православныя христианы со Христом

жити и радости ангельския в небесных селениях наслаждаться. Ты бо еси, Госпоже, слава небесных и упование земных, Ты наша надежда и заступница всех притекающих к Тебе и Твоя святыя помощи просящих; Ты молебница наша теплая к Сыну Твоему и Богу нашему; Твоя Матерняя молитва много может на умоление Владыки, и Твоим предстательством ко престолу благодати пресвятых и животворящих Его Таин приступати дерзаем, аще и недостойнии. Темже всечестный образ Твой и рукою Твоею держамаго Вседержителя видяще на иконе, радуемся грешнии, со умилением припадающе и любовию сей целуем, чающе, Госпоже, Твоими святыми богоприятными молитвами дойти небесныя безконечныя жизни и непостыдно стати в день судный одесную Сына Твоего и Бога нашего, славяще Его купно со Безначальным Отцем, и Пресвятым, Благим, Животворящим и Единосущным Духом, во веки веков. Аминь.

Тропарь, глас 1

В рождестве девство сохранила еси, во успении мира не оставила еси, Богородице, преставилася еси к животу, Мати сущи Живота, и молитвами Твоими избавляеши от смерти души наша.

Кондак, глас 2

В молитвах Неусыпающую Богородицу и в предстательствах непреложное упование гроб и умерщвление не удержаста: якоже бо Живота Мать к животу престоави во утробу Вселивыйся Принодевственную.

Величание

Величаем Тя, Пренепорочная Мати Христа Бога нашего, и всеславное славим Успение Твое.



Икона Божией Матери «Успение» Киево-Печерская

(3/16 мая и 15/28
августа)

*Пред иконой Пресвятой Богородицы «Успение»
Киево-Печерская молятся об исцелении от не-
дугов телесных.*

Молитва ко Пресвятой Богородице пред Ее иконою «Успение» Киево-Печерской

О, Пресвятая и Пренепорочная Дево Богородице, наша Печерская похвало и украшение, державный покрове Святаго места сего, истинная Владычице избраннаго удела Своего; приими нас, недостойных раб Твоих, убогое моление, с верою и лю-

бовию приносящих пред чудным образом Твоим, да посетиши милостивно греховное житие наше, просвещаючи его светом покаяния, осени нас, обремененных скорбьми многими, Твоею Небесною радостью и сподоби нас присно славить Тя в мире и благочестии на месте святем сем, да, без порока прешедше путь жития нашего, помощью Твоею достигнем вечнаго веселия во светлости святых и Богоносных отец наших Антония и Феодосия и всех преподобных Печерских и едиными усты и сердцем воспоем Тя с Предвечным Сыном Твоим, со Безначальным Его Отцем и Пресвятым, Всеблагим, Животворящим и Единосущным Его Духом во веки веков. Аминь.

Тропарь, глас 4

Днесь светло торжествует Печерская обитель и радуется явлением образа Богоматере безмерный лик Печерских отцев, с нимиже и мы непрестанно вопием: радуйся, Благодатная, Печерская похвало.

Кондак, глас 3

Дева днесь невидимо предстоит в церкви и с лики Печерских отцев молится о нас, благоговейно величающих Ея безмерную милость к роду нашему, явльшуюся в чудном образе Ея, обитель Печерскую украшающем.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Утоли моя печали»

(25 января/7 февраля)

Пред иконой Пресвятой Богородицы «Утоли моя печали» молятся об избавлении от болезней телесных, от греховных страстей, обуревающих сердце человека, об избавлении от скорбей и печали, при расслаблении, параличе, в отчаянии.

Молитва ко Пресвятой Богородице пред Ее иконою «Утоли моя печали»

Дево Владычице Богородице, паче естества и слова рождающая Единородное Божие Слово, Творца и Владыку всяя видимыя и невидимыя твари, Единого от Троицы Бога, и Бога и Человека, обитель Божества являющаяся, вместилище всякия святыни и благодати, в немже, по благоволе-

нию Бога и Отца, содействующу Святому Духу, вселися исполнение Божества телесне, царским и боголепным достоинством несравненно превознесенная и над всякою тварию преимушая, славо и утешение, и неизреченное веселие Ангелов, апостолов же и пророков царственный венче, мучеников преестественное и дивное мужество, поборнице в подвизех и подательнице победы, уготовляющая подвижником венцы и воздаяния вечная и боголепная, всякия чести превышшая, честь и славо преподобных, непогрешительная путеуказательнице и наставнице безмолвия, дверь откровений и духовных Таин, источнице света, врата вечныя жизни, неистощимая реко милосердия, неисчерпаемое море всех боголепных дарований и чудес! Тебе просим и Тебе молим, сострадательнейшую Матерь человеколюбиваго Владыки: буди милостива к нам, смиренным и недостойным рабом Твоим, призри благосердием на пленение и смирение наше, уврачуй сокрушения душ и телес наших, разсей видимыя и невидимыя враги, буди нам недостойным столп крепок пред лицом враг наших, бранное оружие, сильное ополчение, Воевода и неборимая Поборница. Яви ныне на нас древняя и дивныя милости Твоя, да уведят беззаконнии врази наши, яко Сын

Твой и Бог един есть Царь и Владыка, яко Ты еси воистину Богородица, рождающая по плоти истиннаго Бога, яко вся Тебе возможна суть, и елика аще восхощеши, Владычице, власть имаши вся сия совершити на Небеси и на земли, и на всяко прошение даровати, елико коемуждо полезна суть: болящим здравие, в мори же сущим тишину и благое плавание. Путешествующим убо спутешествуй и охраняй я, плененныя спаси от горькаго рабства, утеши печальныя, облегчи нищиту и всякое иное телесное злострадание, всех свободи от душевных недугов и страстей невидимыми Твоими предстательствами и наставлении, яко да безпорочно и непреткновенно путь сея временныя жизни совершивше, наследим Тобою и оная вечная блага во Царствии Небеснем. Верныя же цари наша, иже страшным именем Единороднаго Сына Твоего почтени суть, и уповают на Твое предстательство и на милость Твою, и во всех имут Тя свою ходатаицу и поборницу, укрепи невидимо противу обстоящих врагов, разсей облак уныния, души их облажащь, избави я от душевнаго утверждения, вместо же онаго даруй им светлое благодушие и радость, паки утверждающи мир и безмятежие державы и царства их. Спаси молитвами Твоими, Владычице, сию Тебе наипаче по-

священную паству, всякий град и страну, от глада, труса, потопа, огня, меча, нашествия иноплемеников, междоусобныя брани, и всякий праведно на ны движимый гнев отврати, благоволением и благодатию Единороднаго Сына и Бога Твоего, Емуже подобает всякая слава, честь и поклонение, со Безначальным Его Отцем, и со Присносущным и Животворящим Его Духом, ныне и присно и во веки веков. Аминь.

Тропарь, глас 5

Утоли болезни многовоздыхающия души моя, утолившая всяку слезу от лица земли, Ты бо человеков болезни отгониши и грешных скорби разрушаеши, Тебе бо вси стяжахом надежду и утверждение, Пресвятая Мати Дево.

Кондак, глас 6

Не ввери мя человеческому предстательству, Пресвятая Владычице, но прими моление раба Твоего, скорбь бо обдержит мя, терпети не могу демонскаго стреляния, покрова не имам, ниже где прибегну окаянный, всегда побеждаемь, и утешения не имам, разве Тебе Владычице мира, упование и предстательство верных, не презри моление мое, полезно сотвори.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Феодоровская»

(16/29 августа)

Феодоровская икона Пресвятой Богородицы считается покровительницей православной семьи и подрастающего поколения.

Пред иконой Пресвятой Богородицы «Феодоровская» молятся при трудных родах, о помощи в семейных и других житейских нуждах.

Молитва ко Пресвятой Богородице пред Ее иконою «Феодоровская»

О Пресвятая Владычице Богородице и Приснодево Марие, единая надеждо нам грешным! К Тебе прибегаем и Тебе молим, яко велие имаши дерзновение пред рождшимся от Тебе по плоти Господом Богом и Спасителем нашим Иисусом Христом. Не презри слез наших, не возгнушайся воздыханий наших, не отрини скорби нашей, не посрами упования нашего на Тя,

но матерними молении Твоими умоли Господа Бога, да сподобит нас, грешных и недостойных, свободитися от грехов и страстей душевных и телесных, умрети миру и жити Ему Единому по вся дни живота нашего. О Пресвятая Владычице Богородице, путешествующим спутешествуй и ограждай, и охраняй оныя, избави плененных от пленения, свободи страждущих от бед, утеши сущих в печали, скорбех и напастех, облегчи нищету и всяко злострадание телесное и даруй всем вся потребная к животу, благочестию и жизни временней. Спаси, Владычице, вся страны и грады и сей град, имже сия чудотворная и святая икона Твоя дадеся во утешение и ограждение, избави я от глада, губительства, труса, потопа, огня, меча, нашествия иноплемennых, междоусобных брани и отврати всякий гнев, на ны праведно движимый. Даруй нам время на покаяние и обращение, избави нас от внезапныя смерти и во время исхода нашего предстани нам, явльшися, Дево Богородице, и избави нас от воздушных мытарств князей века сего, сподоби на страшнем Судищи Христове стати одесную и соделай нас наследники вечных благ, да славим во веки велико-лепое Имя Сына Твоего и Бога нашего,

со Безначальным Его Отцем и Святым, и Благим, и Животворящим Его Духом, ныне и присно и во веки веков. Аминь.

Тропарь, глас 4

Пришествием честныя Твоя иконы, Богоотроковице, обрадованный днесь Богохранимый град Кострома, якоже древний Израиль к кивоту Завета, притекает ко изображению лица Твоего и воплотившагося от Тебе Бога нашего, да Твоим Матерним к Нему предстательством присно ходатайствуеши всем, под сень крова Твоего прибегающим, мир и велию милость.

Кондак, глас 8

Благодарственная приносяще Ти, раби Твои, Богородительнице, о всех, имиже благодеяла еси граду нашему, из глубины души взываем к Тебе, и мили ся деем*, не престани, Владычице, Матерними к Сыну Твоему и Богу нашему молитвами подавати вся благая и спасительная всем, верою и любовью вопиющим Ти: радуйся, Дево, христиан похвало.

* Мили ся дею (милися дею, мился дею) — умиленно молюся, препоручаю себя в милость, в заступление.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Холмская»

(8/21 сентября)

Пред иконой Пресвятой Богородицы «Холмская» молятся о защите при нападении врагов.

Молитва ко Пресвятой Богородице пред Ее иконою «Холмская»

О Пресвятая Дево Мати Христа Бога нашего, всемогущая заступнице страны нашей! Со страхом, верою и любовью припадающе к чудотворному образу Твоему, молитвенно взываем: буди милосерда к нам, смиренным и недостойным рабом Твоим, и грехов и беззаконий наших, Благая, не помяни, но простри руце Твои ко благосердию Владыки, да не отвратит лица Своего от рабов Своих и не осудит нас грешных по беззаконием нашим, но сотворит

с нами по велицей Своей милости. Ей, Госпоже Владычице! Будь путеводительница в житии нашем: светом истины умы наша просвети, сердца умягчи, веру укрепи, надежду утверди, дара любви сподоби. Умилосердися, Всемиловитая Госпоже наша, на немощныя люди Твоя: заблуждшия на путь правды настави, колебимыя в вере вразуми, отпадшия от благочестивыя веры отеческия возврати и вся истинному пути научи. Спаси милостию Твоею и помилуй благоверныя люди Твоя, епископство православное и весь чин церковный. Не отрини такожде милосердием Твоим и приими под кров Твой и вся правители страны нашея, вразуми и настави их право правити, законы божественныя соблюдающе. Нас же в мире и любви друг ко другу утверди, да вси, в единении друг со другом пребывающе, тихое и безмятежное житие проживем и, дарми благ земных насладившися, благ небесных милосердия ради Божественнаго не лишимся. Еще молимся Тебе, Владычице Богородице, избави нас от глада, губительства, труса, потопа, огня, меча, нападения вражия, междоусобныя брани, наглыя смерти, тлетворных болезней и всяких ны зол окружающих. Вонми и услыши, всемиловитая Госпоже, всех нас, ныне к иконе Твоей святей припадающих и со слезами к милосердию

Твоему взывающих, утоли наша печали и буди нам скорая Помощница во всех делах наших во веки веков. Аминь.

Тропарь, глас 5

Яко Материнское благословение, даровала еси, Пречистая Дево, пречудную икону Твою прославленным отцем нашим на гору Холмскую, тако и ныне, презираще множество грехопадений наших, не остави нас, о Всепетая Мати, но пребуди с нами до скончания века и отверзи нам райския двери.

Кондак, глас 6

Пресвятей Деве Богородице, дивными иконами Своими, яко звездами, Церковь Православную украсившей и православным людям земли Холмския пречудный образ сей даровавшей, благодарственное воспеваем пение; Ты же, Пречистая, укрепи нас в Православней вере, да зовем Ти: радуйся, Царице небесе и земли и любящая Мати всех с верою чтущих Тя.

Величание

Величаем Тя, Пресвятая Дево, и почитаем честную икону Твою, юже от лет древних во граде Холме прославила еси.



Икона Божией Матери «Цареградская» («Псковская»)

(25 апреля/8 мая
и 17/30 сентября)

Пред иконой Пресвятой Богородицы «Цареградская» молятся об избавлении от нападений иноплемennых и о помощи во всевозможных житейских нуждах.

Молитва ко Пресвятой Богородице пред Ее иконою «Цареградская»

К Тебе, Пресвятей Госпоже Богородице, недостойнии раби Твои прибегаем: Ты бо, Преплагая, едина незлобивая и велемощная к Сыну Твоему, Христу Богу нашему, за ны, грешныя, Ходатаица и Непостыдная Предстательница. Веси, яко зело преогорчихом благодать Его преступлением Божественных Его заповедей. Нестъ бо греха, егоже мы, непотребнии, не сотворихом, всяк страх отвергши, того ради и Духа благодати и дара преестественнаго сыноположения отвергохомся и всякаго отвращения и казни достойни сотворихомся. Веси, Преплагая Заступнице, яко и Твоя милости и дарования мы, безумнии, забвению предахом и Твоего милосердия недостойни содеяхомся. Колико бо Тя,

Госпоже Богородительнице, на умоление Сына Твоего и Бога нашего подвизахом, обещавше Ти, Пречистая, от злых исправление, толико Твое матернее к Нему за ны, грешныя, предстательство и заступление нивчтоже вменихом, неблагодарни и злонравни суще. Ныне стыд носяще и ниже достойни воззрети на пречистый образ Твой, пред нимже предстахом. Но, о свете душ наших, светлое зеркало благодати Божия! И мы вемы, колико может Твое матернее ко Христу Богу нашему дерзновение, вемы, яко никтоже, прибегаяй к Тебе, Благосердая, с покаянием и умилением, посрамлен от Тебе бысть, или призываяй Тебе, Пречистая, не услышан от Тебе изыде: чтит бо Сын Твой Тя, Богоневесто, яко Матерь Свою, милостивно приемля моления Твоя. Сего ради и ужасаемся воззрети к Свету Твоея страшныя и Богоподобныя славы, осквернены имуще очи душевныя, обаче колена душ и телес наших преклоняюще, молим Тя, Боголепная Марие, яко Матерь и Царицу нашу: умилосердися на ны, непотребныя рабы Твоя, и, имиже веси судьбами, взыщи ны, погибшия, просвети наш ум светом Твоего Боговедения, да, им озарени суще, всякое злое помышление и всяк безстудных деяний образ до конца отсечем, всем же сердцем заповеди Господни возлюбим и в них непорочно ходити начнем. Еретическая

возстания прекрати, рассеянные же собери, заблуждшие возврати во единое стадо Сына Твоего, Христа Бога нашего, старость поддержи, юныя вразуми, вдовиц и сирот защити, болящия исцели, страну же нашу миром огради и во веки незыблему соблюди, всем же нам преспеяние в вере и делах благих в долготу дней даруй. Прежде отшедшия отцы и братию нашу во светлостех райских и селениях праведных упокой, с ними и нас всех в покаянии и исповедании приими и сопричти, да и мы, Преблагая наша Заступнице, Богомати и Владычице, спасени суще Твоим ходатайством, восхваляя Тя, прославим со всеми святыми пречестное и пресвятое Имя Отца и Сына и Святаго Духа, Единого в Троице славимаго Бога, ныне и присно и во веки. Аминь.

Тропарь, глас 1

Воссия нам, яко солнце светозарное от востока в велелепии, Твоя, Владычице, икона, озаряющи чудес сиянием преславно всех, приходящих к ней с верою и любовью и молящихся усердно к Твоему, еже о Сыне Твоем и Бозе, величию. Слава Богу, Евфросином сию давшему нам! Слава Приведшему ю от Царьграда! Слава Дающему тою всем исцеления.

Кондак, глас 8

Препрославленная Вышняго Матерь созывает к песнопению нас Своего образа пришествием от Царьграда и возбуждает зрением того на подвиг, побеждать сопротивных силу, и к Ней, яко наша радости виновней, пети: радуйся, Невесто Невестная.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Целительница»

(18 сентября/1 октября)

Пред иконой Пресвятой Богородицы «Целительница» молятся об исцелении от различных болезней, в просьбе родить здоровых детей.

Молитва ко Пресвятой Богородице пред Ее иконою «Целительница»

О Пресвятая Госпоже Царице Богородице, Вышшая всех небесных сил и Святейшая всех святых. Припадаем и покланяемся

Тебе пред всечестным и цельбоносным образом Твоим, воспоминающе дивное явление Твое болящему клирику Викентию и усердно молим Тя, Всесильную рода нашего Заступницу и Помощницу, якоже древле подала исцеление тому клирику, тако и ныне исцели наша души и телеса, болезнующия ранами грехов и страстей многоразличных, избави нас от всяких напастей, бед, скорбей и вечного осуждения. Сохрани от душепагубных учений и безверия, от лстивых и наглых нападений невидимых врагов. Подаждь нам христианскую кончину безболезненну, мирну, непостыдну, Свытых Таин причастну. Сподоби нас на нелицеприятном судищи Хрис-тове стати одесную Всеправеднаго Судии и Блаженный глас Его услышати: приидите благословеннии Отца Моего, наследуйте уготованное вам Царствие от сложения мира. Аминь.

Тропарь, глас 4


Яко Пресветлая Звезда, просия Божественными чудесы святой Твой образ, Целительнице, подаждь убо и нам, Богородице Марие, исцеление недугов душевных и телесных, спасение и велию милость.

Кондак, глас 6

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Ченстоховская»

(6/19 марта
и 27 августа/9 сентября)

Пред иконой Пресвятой Богородицы «Ченстоховская» молятся о спасении России, о даровании стране православного правителя.

Ченстоховская икона Божией Матери является заступницей и защитницей христиан в их бедах, болезнях и страданиях.

**Молитва ко Пресвятой Богородице
пред Ее иконою «Ченстоховская»,
*чтомая в Кирилло-Мефодиевской
церкви града Ченстохова***

О Всемиловитая Госпоже, Царице Богородице, от всех родов избранная и всеми роды небесными и земными ублажаемая! Воззри милостивно на предстоящих пред святою иконою Твоею люди сия, усердно молящихся Тебе, и сотвори представльством Твоим и заступлением у Сына Твоего и Бога нашего, да никтоже изыдет отсюда тощъ упования своего и посрамлен в надежде своей, но да примет кийждо от Тебе вся по благому изволению сердца своего и по нужде и потребе своей, во спасение души и во здравие телу. Моли, Милосердая Владычице, Пренебеснаго Бога, да присно соблюдет Церковь Свою святую во Православии и твердей вере до конца веков. Призирай благосердием, Всепетая, и призрением милостиваго Твоего заступления на все Царство Всероссийское, царствующия грады наша и град сей и святыи храм сей, и на сия богатия Твоя милости неоскудно изливай, Ты бо еси всесильная Помощница и Заступница всех нас. Приклонися к молитвам раб Твоих и прошением их, услыши воздыхания и молитвы, имиже раби Твои молятся на святем месте сем. Аще и

иноверный или иноплеменный, zde проходя, помолится, услыши и милостивно содейлай, яже к помощи ему и ко спасению. О Всепетая Мати, Надеждо наша Преблагая! Собери разсеянных, неверных же и иноверных во странах наших на путь истинный настави, отпадшия от благочестивыя веры паки возврати и Святей Православней Кафоличестей Церкви их сопричти: в домах наших мир утверди, старость поддержи, юныя настави, младенцы воспитай, сирья и вдовицы заступи, плененныя свободи, болящия уврачуй, на суде, и в заключениих, и в заточениих, и в горьких работах сущия помяни, ограждающи ны присно от всякаго зла благочестию Твоею, и утеши милостивным Твоим посещением и вся благодетельствующия нам. Даруй же, Благая, земли плодоносие, воздуху благорастворение и вся, яже на пользу нашу, дары благовременныя и благопотребныя молитвами избранных угодников святых Кирилла и Мефодия, в ихже храме и предстоим вси. Прежде отшедшия отцы и матери, братию и сестры наша упокой в селениях святых, на месте злачне, на месте покойне, идеже несть печаль и воздыхание. Егда же приспее и наше от жития сего отшествие и к вечней жизни преселение, предстани нам, Преблагословенная Дево,

и даруй христианскую кончину жития нашего безболезненну, непостыдну и святых Таин причастну, да и в будущем веке сподобимся вси, купно со всеми святыми, безконечныя блаженныя жизни во Царствии возлюбленнаго Сына Твоего, Господа и Спаса нашего Иисуса Христа, Ему же подобает всякая слава, честь и поклонение, со Безначальным Отцем и Святым Духом, во веки веков. Аминь.

Тропарь, глас 4

Непобедимая Победо, Владычице Ченстоховская, древняго иже о нас благоволения Самозрительнице, будущаго спасения Хранительнице, покаянием соделай ны новыя грядущему Царю.

Кондак, глас 4 из акафиста

Хотяще оставити икону Свою, о Богомати, во граде Ченстохове, соделала еси возок с иконою недвижимым, егда нецыи злочестивии тщахуся исхитити ю, христиане же, обретше образ Твой сохраненный Тобою, возопиша Богу: Аллилуиа.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души к Богу возводиши.



Икона Божией Матери «Черниговская- Гефсиманская»

(1/14 сентября)

Пред иконой Пресвятой Богородицы «Черниговская-Гефсиманская» молятся об исцелении от беснования, при болезнях глаз, расслабленные, об исцелении страдающих помрачением ума, при параличе.

Молитва ко Пресвятой Богородице пред Ее иконою «Черниговская- Гефсиманская»

О Пресвятая Дево, Мати Христа Бога нашего, Царице Небесе и земли! Вонми многоболезненному воздыханию душ наших, призри с высоты святая Твоея на нас, с верою и любовью поклоняющихся пречистому образу Твоему: се бо, грехми погружаемы и скорбми обуреваемы, взирающе на Твой образ, яко живущей Ти с нами, приносим смиренная моления наша, не имамы бо иныя помощи, ни инаго представительства и утешения, токмо Тебе, о Мати всех скорбящих и обремененных. Помози нам, немощным, утоли скорбь нашу, настави на путь правый нас, заблуждших,

уврачуй болезненная сердца наша и спаси безнадежные. Даруй нам прочее время живота нашего в мире и покаянии проводить, подаждь христианскую кончину и на Страшном Суде Сына Твоего явися нам милосердая Предстательница, да всегда поем, величаем и славим Тя, яко Благоую Заступницу рода христианскаго, со всеми угодившими Богу. Аминь.

Тропарь, глас 5

Пречистая Владычице Богородице, упование всех христиан, понеже инаго упования не имамы, разве Тебе, Всенепорочная Владычице моя, Госпоже Богородице, Мати Христа Бога моего, темже помилуй, и избави мя от всех зол моих, и умоли милостиваго Сына Своего и Бога моего, да помилует окаянную душу мою и да избавит мя от вечныя муки и сподобит мя Царствия Своего.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Черниговская- Ильинская»

(16/29 апреля)

Пред иконой Пресвятой Богородицы «Черниговская-Ильинская» молятся об исцелении от паралича и расслабления, оспы, болезни ног, глаз и слепоты, беснования, нападения темных сил, об избавлении от внезапной смерти.

Молитва ко Пресвятой Богородице пред Ее иконою «Черниговская- Ильинская»

О Пресвятая Госпоже, Владычице моя Богородице, Небесная Царице, спаси и помилуй мя, грешного раба Твоего, от напрасных клеветы, от всякия беды и напасти и внезапныя смерти. Помилуй мя в дневных часех, и утренних, и вечерних, и во всякое время сохрани мя: стояща, сядяща соблюди, и на всяком пути ходяща, и в ночных часех спяща снабди, покрый и заступи. Защити мя, Владычице Богородице, от всех враг моих, видимых и невидимых, и от всякаго злаго обстояния. На всяком месте и на всякое время буди ми, Мати Преблагая, неборимая стена и крепкое заступление. О, Пресвятая Госпоже Владычице Дево Богородице, приими

недостойную молитву мою и сохрани мя от напрасныя смерти, и даруй ми прежде конца покаяние. Пресвятая Богородице, спаси нас. Ты мне хранительница жизни всей явися, Пречистая! Ты мене избави от бесов в час смерти! Ты и по смерти упокой! Под Твою милость прибегаем, Богородице Дево, молений наших не презри в скорбех, но от бед избави нас, едина чистая и благословенная. Пресвятая Богородице, спаси нас. Аминь.

Тропарь, глас 5

Пречистая Владычице Богородице, упование всех христиан, понеже инаго упования не имамы разве Тебе, Всенепорочная Владычице моя, Госпоже Богородице, Мати Христа Бога моего. Темже помилуй и избави мя от всех зол моих и умоли Милостиваго Сына Своего и Бога моего, да помилует окаянную душу мою, и да избавит мя от вечныя муки, и сподобит мя Царствия Своего.

Величание

Величаем Тя, Пресвятая Дево, Мати Христа Бога нашего, и чтим образ Твой святой, от негоже источаеши исцеления всем, с верою к Тебе притекающим.



Икона Божией Матери «Чирская»

(16/29 июля)

Пред иконой Пресвятой Богородицы «Чирская» молятся об исцелении душевных и телесных страданий верующих.

Молитва ко Пресвятой Богородице пред Ее иконою «Чирская» (Псковская)

О Пресвятая Госпоже Владычице Богородице! Приими недостойную молитву нашу, и сохрани нас от навета злых человек и от внезапныя смерти, и даруй нам прежде конца покаяние. На моление наше умилосердися, и радость вместо печали даруй. И избави нас, Госпоже, от всякия беды и напасти, скорби и болезни и всякаго зла. И сподоби ны, грешныя рабы Твоя, одесную стати во втором пришествии Сына Твоего, Христа Бога нашего, и наследники быти Царствия Небеснаго и жизни вечныя со всеми святыми в бесконечныя веки веков. Аминь.

Тропарь, глас 4

Яко неборимую стену и источник чудес, стяжавше Тя, раби Твои, Богородице Пречистая, сопротивных ополчения

низлагаем. Темже молим Тя: мир граду
Твоему даруй и душам нашим велию милость.

Кондак, глас тойже

Честнаго образа Твоего знамение празднующе, людие Твои, Богородительнице, имже дивную победу на сопротивных граду Твоему даровала еси, темже Тебе верою взываем: радуйся, Дево, христиан похвало.

Величание

Величаем Тя, Пресвятая Дево, Богоизбранная Отроковице, и чтим образ Твой святыи, имже точиши исцеления всем, с верою притекающим.



Икона Божией Матери «Шестоковская»

(6/19 марта)

Пред иконой Пресвятой Богородицы «Шестоковская» молятся в различных семейных и житейских нуждах.

**Молитва ко Пресвятой Богородице
пред Ее иконою «Шестоковская»,
чтомая в Шестоковском монастыре
Тверской епархии**

К кому возопию Владычице? К кому прибегну в горести моей, аще не к Тебе, Царице Небесная? Кто плачь мой и вздыхание

мое примет, аще не Ты, Пренепорочная, Надеждо христиан и прибежище нам грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене требующаго Твоея помощи, и не отрини мене грешнаго. Вразуми и научи мя, Царице Небесная, не отступи от мене раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окриляемь? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болезнующему сердцем,

едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о Пренепорочная и Преславная Божия Мати Марие. Темже со упованием глаголю и вопию: радуйся, Благодатная; радуйся, Обрадованная; радуйся, Препоблагословенная; Господь с Тобою. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Шуйская- Смоленская»

*(28 июля/10 августа,
2/15 ноября и во вторник
Светлой седмицы)*

Пред иконой Пресвятой Богородицы «Шуйская-Смоленская» молятся об исцелении различных недугов, особенно глазных болезней и глухоты.

Молитва ко Пресвятой Богородице пред Ее иконою «Шуйская-Смоленская»

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой услышит и воздыхание примет, аще не Ты, Пренепорочная, Надеждо христиан и Прибежище нам, грешным? Кто паче Тебе в несчастиях защитит? Услыши стенание мое и приклони ухо Твое ко мне, Владычице и Мати Бога моего. Не презри ищущаго Твоея помощи и не отрини мене, грешнаго, Царице Небесная! Научи мене исполняти волю Сына Твоего и даруй желание всегда следовати Его святым заповедem. За мой ропот в болезнях, трудах и несчастиях не отступи от мене, но буди Материю и Покровительницею мене, малодушнаго, Царице моя Преплагая, Заступнице Усердная! Твоим ходатайством прегрешения моя покрый, от видимых и невидимых врагов защити, сердца враждующих против мене смягчи и Христовою любовию согрей их. Мне же немощному даруй Твою всеильную помощь победити моя греховныя привычки, дабы, очищенный покаянием и последующею добродетельною жизнью, в общении со Святою Церковью провел остальные дни земнаго странствия. Предстани мне, Надеждо всех христиан, в час кончины моя и подкрепи

мою веру в смертный тяжкий час. Вознеси за мене, многопрегрешающего в жизни сей, Твоя всеильныя молитвы по отшествии моем, да оправдает мене Господь и соделает причастником Его бесконечных радостей. Аминь.

Тропарь, глас 4

Яко многоценное сокровище прият град Шуя чудесно написанную икону Твою, Пресвятая Владычице, Дево Богородице, во исцеление лютыя язвы и во утешение православных Тобою дарованную, от неяже источники благодатныя и до ныне обильно изливаются. Пробави, Пречистая, и на будущее время милости Твоя ведущим Тя, храни град Твой и всю Русскую землю и спасай людей, к Тебе с верою и любовью притекающих.

Кондак, глас 3

Мати Божия Пресвятая, стено христианом, града нашего Шуи покров и заступление! Молитвы раб Твоих, ко иконе Твоей припадающих, приими, во исповедании Православныя веры укрепи, от всякия напасти и беды избави, скорби земныя на радость преложи и Сына Твоего моли граду и людем Твоим в мире спастися.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона
Божией Матери
«Экономисса»
(«Домо-
строительница»),
«Афонская»

(5/18 июля)

Пред иконой Пресвятой Богородицы «Экономисса» («Домостроительница») молятся об избавлении от голода и о изобилии плодов земных.

**Молитва ко Пресвятой Богородице
пред Ее иконою «Экономисса»
(«Домостроительница»)**

О Пречистая Владычице Богородице, Всечестная наша Мати Игумение всех православных обителей иноческого жития, во святей горе Афонстей и по всей вселенней сущих! Приими смиренныя моления наша и принеси я ко Всещедрому Богу нашему, да спасет души наша Своею благодатию.

Воззри на ны милосердным Твоим оком и соверши Сама о Господе наше спасение, понеже без милости Спаса нашего и Твоего святого о нас ходатайства, мы, окаянныя, не возможем совершити свое спасение, яко окаляхом житие наше в суетах мирских, ибо время приближается жатвы Христовой и день Страшного Суда приспе. Мы же, окаянныя, погибаем в бездне греховней, нерадения ради нашего, по реченному от святых отцев, первоначальников ангельского по плоти жития: яко последнии монаси нерадением жития своего уподобятся мирским людям, еже и сбытся днесь, ибо иночество наше плавает житием своим на море житейском среди великия бури и непогоды: ибо наши святые обители в прахе пребывают грехов ради наших, Всеправедный Господь наш Иисус Христос тако благоволи, мы же, недостойнии, не имеем где главы подклонити.

О сладчайшая наша Мати Игумение! Собери ны, рассеянное стадо Христово, во едино и спаси всех православных христиан, сподоби райския жизни со Ангелы и всеми святыми во Царствии Христа Бога нашего, Ему же честь и слава со Безначальным Его Отцем и со Пресвятым и Благим и Животворящим Духом во веки веков. Аминь.

Тропарь, глас 4

Предстательство страшное и непостыдное, не презри, Благая, молитв наших, Всепетая Богородице, Милостивая верных Домостроительнице, утверди православных жительство, спаси страну нашу и всех православно живущих в ней зашити, зане родила еси Бога, Едина Благословенная.

Величание

Величаем Тя, Пресвятая Дево, и чтим образ Твой святой, имже болезни наша врачуеши и души наша к Богу возводиши.



Икона Божией Матери «Югская»

(28 июля/10 августа)

Пред иконой Пресвятой Богородицы «Югская» молятся об исцелении различных недугов и болезней.

Молитва ко Пресвятой Богородице пред Ее иконою «Югская»

К Тебе, Пречистой Божией Матери, аз окаянный припадая молюся: веси, Царице, яко непрестанно согрешаю и прогневаю

Сына Твоего и Бога моего. И аще многажды каюся, ложь пред Богом обретаюся: каюся трепеща, да не како поразит мя Господь, и по часе мале паки таяжде творю. Ведущи сия, Владычице моя, Госпоже Богородице, молю, да помилуеши, да укрепиши мя, и благая твориши да подаси ми. Ты веси, о Владычице моя Богородице, яко имам в совершенней ненависти злая моя дела и всею мыслию люблю закон Бога моего. Но не вем, Госпоже Пречистая, откуда яже ненавижду, тая творю, а благая преступаю. Не попускай убо, Пречистая, воли моей совершатися, неугодна бо есть, но да будет во мне воля Сына Твоего и Бога моего, да мя спасет, и вразумит, и подаст ми благодать Святаго Духа, да бых аз отселе престал сквернодействуя и прочее пожил бых в повелениях Сына Твоего, Господа нашего Иисуса Христа, Емуже подобает всякая слава, честь и поклонение, со Безначальным Его Отцем и Пресвятым и Благим и Животворящим Его Духом, ныне и присно и во веки веков. Аминь.

Тропарь, глас 6

Днесь, яко солнце пресветлое, возсия нам на воздусе Всечестная икона Твоя, Владычице, лучами милости мир

просвещаючи, юже великая Россия, яко некий дар Божественный, свыше благоговейне восприемши, прославляет Тя, Богомати, всех Владычицу, и от Тебе рождашагося Христа Бога нашего величает радостно. Емуже молися, о Госпоже Царице Богородице, да сохранит вся грады и страны христианския невредимы от всех навет вражиих и спасет верою поклоняющихся Его Божественному и Твоему Пречистому образу, Дево Неискусобрачная.

Кондак, глас 8

Притецем, людие, к Деве и Богородице Царице, благодаряще Христа Бога нашего, и, к Тоя чудотворней иконе умильно взирающе, припадем и возопием Ей: о Владычице Марие, присетивши страну сию Твоего честнаго образа явлением чудесно, спасай в мире и благовременстве страну нашу, и вся христианы, наследники показующи Небесныя жизни, Тебе бо, верно зовем: радуйся, Дево, миру спасение.

Величание

Величаем Тя, Пресвятая Дево, Мати Христа Бога нашего, и чтим образ Твой святыи, от негоже источаеши исцеления всем, с верою к Тебе притекающим.



Икона Божией Матери «Ярославская»

(8/21 июня)

Пред иконой Пресвятой Богородицы «Ярославская» молятся об исцелении телесных болезней.

Молитва ко Пресвятой Богородице пред Ее иконою «Ярославская»

О Пресвятая Дево, Мати Господа вышних сил, Небесе и земли Царице и града нашего Ярославля всемогущая Заступнице! Приими хвалебное пение сие от нас недостойных раб Твоих, и вознеси молитвы наша ко престолу Бога Сына Твоего, да милостив будет неправдам нашим и пробавит благодать Свою чтущим Всечестное имя Твое и с верою и любовью поклоняющимся чудотворному образу Твоему. Несмы бо достойни от Него помиловани быти, аще не Ты умилиловиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорей Заступнице нашей, и Тебе, яко всемогущей Помощнице, сами себе и друг друга и всю жизнь нашу по Христе Бозе предаем, ныне и присно и во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.



Икона Божией Матери «Яхромская»

(14/27 октября)

Пред иконой Пресвятой Богородицы «Яхромская» молятся при различных тяжелых обстоятельствах и болезнях.

Молитва ко Пресвятой Богородице пред Ее иконою «Яхромская»

Пресвятая Владычице моя Богородице, святыми Твоими и всесильными мольбами отжени от мене, смиренного и окаянного раба Твоего, уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, от всех

действ злых свободи мя. Яко благословенна еси от всех родов, и славится пречестное имя Твое во веки веков. Аминь.

Величание

Величаем Тя, Пресвятая Дево, Богоизбранная Отроковице, и чтим образ Твой святой, имже точиши исцеления всем, с верою притекающим.

Библиография

Минеи Месячные. М., Издательский Совет Русской Православной Церкви, 2002 г.

Минеи Месячные. М., Международный православно-просветительский центр при Московской Патриархии, 1999 г.

Булгаков С.В. Настольная книга священно-церковнослужителя. М., Издательский отдел Московского Патриархата, 1993 г.

Молитвы, чтимые на молебнах. СПб., Синодальная типография, 1915 г.

Ставровский А., протоиерей. Полный сборник молитв, читаемых перед святыми иконами на молебнах и всенощных бдениях, с присоединением тропарей и величаний. СПб., 1914 г.

Великие чудотворные. М., Издательский отдел Московской Патриархии, 1993 г.

Сказания о земной жизни Пресвятой Богородицы. Издание Русского на Афоне Пантелеимонова монастыря, 1904 г.

Канонник, или Полный молитвослов. М., Издательский отдел Московского Патриархата, 1994 г.

Акафисты двенадцатым праздникам. СПб., Сатис, 1999 г.

Акафисты Пресвятой Богородице. Издательская группа Свято-Серафимо-Дивеевского женского монастыря «Скит».

Акафистник, книги 2,3,5. Нижний Новгород, Братство во имя св. Александра Невского, 1996 г.

Поселянин Е. Чудотворные иконы Матери Божией. Книги I–II. Ново-Голутвин женский монастырь, 1993 г.

Снессорева С. Земная жизнь Пресвятой Богородицы и описание святых чудотворных Ее икон. СПб, 1898 г.

Снессорева С. Сказание о Пресвятой Богородице и Ее чудотворных иконах. М., Синтагма, 1998 г.

Благодеяния Богоматери роду христианскому чрез Ее святые иконы. Репринтное издание. М., Паломник, 1998 г.

Радуйся, Невесто Неневестная. Акафисты Божией Матери. Свято-Троицкая Сергиева Лавра, 2002 г.

Чудотворные иконы Божией Матери. М., Сестричество во имя преподобномученицы великой княгини Елизаветы, 1997 г.

Молитвы к 45 чудотворным иконам Божией Матери. М., Приход храма Покрова Пресвятой Богородицы в Братцеве, 1997 г.

Олейникова Т.С. Полный Тропарий. Книги I–II. М., 2003 г.

Олейникова Т.С. Святые, коим Господь даровал особую благодать исцелять болезни и подавать помощь в других нуждах. М., 1997 г.

Как исцелиться от недуга пьянства. М., 1998 г.

Акафист Пресвятой Богородице ради чудотворной Ее иконы, именуемой «Призри на смирение». Свято-Введенская обитель.

Акафист Пресвятой Богородице ради иконы Ее «Нерушимая Стено». М., 2000 г.

Ченстоховская икона Божией Матери. М., 2002 г.

Всемиловитая. М., Глагол, 2002 г.

Отвергнутая победа. Порт-Артурская икона «Торжество Пресвятой Богородицы» в русско-японской войне. М., Диоптра, 2003 г.

Акафист Пресвятой Богородице в честь иконы Ее «Песчанская». М., Глагол, 2002 г.

Православные календари издательств: Благо; храма Всех Святых б. Ново-Алексеевского монастыря; Глинской Пустыни; Лествица.

Акафисты иконам Божией Матери. М., Сретенский монастырь, 2003 г.

Спутник паломника. Путеводитель по святым местам. Чудотворные и мироточивые иконы, святыне мощи, целебные источники. М., Ковчег, 2002–2003 гг.

Православная Москва. Справочник монастырей и храмов. Соборы Кремля. Монастыри и подворья. Приходские и домовые храмы. Часовни. М., 2001–2006 гг.

Церковный Вестник Московской Патриархии 2003–2007 гг.

Акафист Божией Матери в честь иконы Ее «Аз есмь с вами и никтоже на вы», М., Приход храма Святого Духа сошествия, 2007 г.

Святыни Москвы. Справочник-путеводитель. Описание святынь, местонахождение, краткая история, жития святых, фотографии. Части I–II. Свято-Троицкая Сергиева Лавра, 2002–2003 гг.

Справочник-путеводитель по монастырям и святыням. Выпуски 3–4. М., Новый ключ, 2003 г., 2005 г.

Монастыри Москвы. Выпуски 1–5. М., Спутник, 2003.

Монастыри Украины. Путеводитель. Издание второе, исправленное и дополненное. Киев, 2005 г.

Оглавление

Введение	3
--------------------	---

А

«Аз есмь с вами, и никтоже на вы», именуемая «Спасительница России»	5
«Ахтырская»	7

Б

«Балыкинская»	11
«Барская»	12
«Белыничская»	14
«Беседная»	17
«Благовещение»	19
«Благовещение» Устюжская	21
«Благодатное Небо»	23
«Благоуханный Цвет»	26
«Боголюбская» («Боголюбивая»)	27

В

«Валаамская»	30
Введение во храм Пресвятой Богородицы	31
«Великая Панагия Оранская»	33
«Вертоград заключенный»	35
«Взыскание погибших», или «Избавление от бед страждущих»	39
«Виленская» («Одигитрия»)	42

«Владимирская»	44
«Владимирская-Красногорская» («Черногорская») «Умиление»	54
«Владимирская-Оранская»	56
«Волынская-Каплуновская»	59
«Воспитание»	61
«Всеблаженная»	64
«Всех скорбящих Радость»	66
«Всецарица» («Пантанасса»)	84
«В родах Помощница», или «Помогательница женам чады рождати» («Помощь в родах»)	86
«В скорбех и печалех Утешение»	88

Г

«Гребневская»	90
«Грузинская»	93
«Густынская», или «Ярмарковая»	100

Д

«Державная»	102
«Донская»	107
«Древо государства Российского»	114
«Дуниловская»	115

Е

«Елецкая-Владимирская»	117
«Елецкая-Черниговская»	119

Ж

«Живоносный Источник»	122
«Жировицкая»	125

З

«Звезда Пресветлая»	127
«Знамение» Абалацкая	128

«Знамение» Корчемная	130
«Знамение» Курская-Коренная	132
«Знамение» Новгородская	133
«Знамение» Царскосельская	136

И

«Иверская»	138
«Иерусалимская»	140
«Избавительница»	142
«Изборская»	144

К

«Казанская»	146
«Казанская-Пензенская»	148
«Казанская-Песчанская»	151
«Калужская»	153
«Кипрская»	157
«Козельщанская»	159
«Колочская»	162
«Коневская»	164
«Коробейниковская»	166
«Корсунская»	168
«Косинская», или «Моденская»	170

Л

«Любечская»	172
«Ляданская»	175

М

«Макарьевская»	177
«Максимовская»	179
«Мателикийская», или «Метелинская»	182
«Милостивая-Киккская»	183

«Милующая», или «Достойно есть»	186
«Минская»	188
«Мирожская»	190
«Михайловская»	193
«Млекопитательница»	194
«Моздокская» («Иверская»)	196
«Молченская»	198
«Муромская» («Рязанская»)	200

Н

«Не рыдай Мене, Мати»	202
«Недремлющее Око»	203
«Неопалимая Купина»	204
«Нерушимая Стена»	207
«Неувядаемый Цвет»	209
«Неупиваемая Чаша»	211
«Нечаянная Радость»	213
«Никейская» («Бысть Чрево Твое Святая Трапеза»)	217

О

«О Тебе радуется»	220
«Одигитрия» («Смоленская»)	222
«Озерянская»	224
«Оковецкая» («Ржевская»)	227
«Опочецкая», или «Себежская» («Умиление»)	229
«Отрада», или «Утешение», Ватопедская (Афонская)	232

П

«Печерская» («Печерская-Нерукотворенная»)	234
«Печерская-Свенская»	236

«Плач Богоматери»	238
«Подательница ума», или «Прибавление ума»	239
«Подольская»	242
«Покров Пресвятой Богородицы»	244
Положение честной Ризы Пресвятой Богородицы во Влахерне.	247
Порт-Артурская «Торжество Пресвятой Богородицы»	248
«Похвала Богоматери».	251
«Почаевская»	253
«Прежде Рождества и по Рождестве Дева» . .	257
«Призри на смирение»	259
«Прозрение очес»	261
«Псково-Покровская»	262
Пюхтицкая «У источника»	265

Р

«Рождество Пресвятой Богородицы»	268
«Рождество Пресвятой Богородицы — Глинская»	270
«Рудненская»	272

С

«Самонаписавшаяся».	274
«Свято-Крестовская»	276
«Семистрельная», или «Умягчение злых сердец»	278
«Сицилийская», или «Дивногорская»	280
«Скоропослушница»	282
«Сладкое лобзание», или «Гликофилусса» . . .	285
«Слово плоть бысть» («Албазинская»)	287

«Смоленская-Полонская»	288
«София — Премудрость Божия»	290
«Спасительница утопающих» (Леньковская, Новгород-Северская)	292
«Спорительница хлебов»	294
«Споручница грешных»	296
«Страстная»	299

Т

«Табынская»	302
«Тамбовская»	304
«Теребовлянская»	306
«Тихвинская»	309
«Толгская»	311
«Трех радостей»	314
«Троеручица»	316

У

«Умиление» Новгородская	318
«Умиление» Псково-Печерская	320
«Умиление», или «Радость всех радостей», Серафимо-Дивеевская	322
«Урюпинская»	324
Успение Пресвятой Богородицы	326
«Успение» Киево-Печерская	332
«Утоли моя печали»	334

Ф

«Феодоровская»	338
--------------------------	-----

Х

«Холмская»	341
----------------------	-----

Ц

«Цареградская» («Псковская»)	344
--	-----

«Целительница»	347
--------------------------	-----

Ч

«Ченстоховская»	349
«Черниговская-Гефсиманская».	353
«Черниговская-Ильинская»	355
«Чирская»	357

Ш

«Шестоковская»	358
«Шуйская-Смоленская»	360

Э

«Экономисса» («Домостроительница»), «Афонская».	363
--	-----

Ю

«Югская»	365
--------------------	-----

Я

«Ярославская»	368
«Яхромская»	369
Библиография	371

Т.С. Олейникова, сост.

**145 МОЛИТВ КО ПРЕСВЯТОЙ БОГОРОДИЦЕ
ПЕРЕД ЕЕ ЧУДОТВОРНЫМИ ИКОНАМИ**

Выпускающий редактор

И.В. БАКУЛИНА

Компьютерная верстка

С.В. МИТРИКОВОЙ,

А.В. КУЛЕШОВОЙ

Оформление

Н.Л. КЛИМОВОЙ

Издательство «Даръ»

111399, Москва, ул. Металлургов, д.56/2

тел. (495) 304-54-64 (многоканальный)

<http://dar-kniga.ru>

Подписано в печать 09.04.2012.

Формат 84 x108/32.

Бумага офсетная.

Гарнитура «SchoolBook».

Печать офсетная.

Усл.печ.л. 20,16. Уч.-изд. л. 8,97.

Тираж 3 000 экз.

Заказ №



ИЗДАТЕЛЬСТВО «ДАРЬ»

основано в январе 2005 г.

Издательство выпускает православную литературу,
русскую классику, книги по истории христианства
и России.

Книги издательства, вышедшие в свет:

СЕРИЯ «ДУХОВНОЕ НАСЛЕДИЕ»



Свт. Феодан Заворник.

Путь ко спасению. 544 с.

Прп. Никодим Святогорец.

Невидимая брань. 464 с.

Прп. Иоанн Лествичник.

Лествица. 544 с.

*Свт. Лука (Войно-Ясенец-
кий). Дух, душа и тело. 320 с.*

*Откровенные рассказы
странника. 448 с.*

*Блж. Августин. Исповедь.
544 с.*



Прп. Авва Дороеф.

Душеполезные поучения. 416 с.

Мир Ангелов и демонов и его влияние на мир людей.

Православное учение о добрых и злых духах. 592 с.

Вениамин (Федченко), митр. Всемирный светильник.



*Житие прп. Серафима
Саровского. 464 с.*

Молитвы старца Силуана.

*Сборник мыслей, наставлений
и молитв прп. Силуана
Афонского. 480 с.*

Св. Иоанн Кронштадтский.

Путь к Богу. 464 с.

Цветник духовный.

*Сборник афоризмов и
наставлений самых
знаменитых христианских
мыслителей и философов.*

596 с.





*Прот. Валентин
Свенцицкий. Диалоги. 416 с.
Св. Иоанн Кронштадтский.
Путь в Церковь. 544 с.
Свт. Игнатий (Брянчанинов).
Жизнь и смерть. 352 с.*



*Христианская жизнь
по Добротолюбию. 384 с.
Отечник. 768 с.*

Жития святых, написанные святыми. 880 с.

Прп. Иоанн Дамаскин. Точное изложение православной веры. 416 с.

Св. Иоанн Кронштадтский. Христианский смысл жизни. 576 с.

Свт. Иннокентий (Борисов). Великий пост. 704 с.

Митр. Вениамин (Федченков). О вере, неверии и сомнении. 736 с.



*Симфония по книгам Ветхого и Нового Заветам.
480 с.*

*Симфония по творениям свт. Тихона Задонского.
1328 с.*

*Симфония по творениям свт. Иоанна Златоуста.
576 с.*

*Симфония по творениям свт. Феофана
Затворника. 664 с.*

*Симфония по творениям св. Иоанна
Кронштадтского. 768 с.*

*Симфония по творениям старца Амвросия
Оптинского. 344 с.*





ИЗДАТЕЛЬСТВО «ДАРЪ»

*выпускает православную литературу,
русскую классику, книги по истории
христианства и России*

КНИГИ ИЗДАТЕЛЬСТВА

можно приобрести в Москве по адресам:

в магазинах издательства:

**ул. Верхняя Первомайская, д. 49А, кор. 10, стр. 2
(м. «Первомайская»)**

ул. Металлургов, д. 56/2 (м. «Новогиреево»).
Тел.: (495) 780-39-11, 780-39-12, 916-55-95
(многоканальные)

**и во многих светских и церковных
книжных магазинах**

<http://dar-kniga.ru>

Издательство ДАРЪ в социальных сетях:



Живой Журнал: <http://darkniga.livejournal.com/>



Facebook: <http://www.facebook.com/izdDAR>



Вконтакте: <http://vk.com/izddar>